

# **RAPORTI VJETOR I INSTAT** | **2025**



## **RAPORTI VJETOR I INSTAT 2025**

INSTITUTI I STATISTIKAVE  
Rr. Vllazën Huta,  
Ndërtesa 35, Hyrja 1  
Tiranë, Kodi Postar 1017  
Tel: + 2233356 / 2222411 4 355  
Fax: 411 2222 4 355+  
e-mail: [info@instat.gov.al](mailto:info@instat.gov.al)  
[www.instat.gov.al](http://www.instat.gov.al)

# FJALA HYRËSE E DREJTORIT TË PËRGJITHSHËM TË INSTAT



Të nderuar përdorues të statistikave zyrtare,

Kam kënaqësinë të paraqes Raportin Vjetor të Institutit të Statistikave për vitin 2025, i cili pasqyron zhvillimet kryesore, arritjet dhe sfidat e institucionit dhe Sistemit Kombëtar Statistikor në përmbushje të misionit të tij për prodhimin dhe shpërndarjen e statistikave zyrtare.

Gjatë këtij viti, INSTAT ka vijuar të forcojë rolin e tij në drejtimin dhe koordinimin e Sistemit Kombëtar Statistikor, duke synuar sigurimin e të dhënave të besueshme, të krahasueshme dhe në përputhje me standardet evropiane. Aktivitetet statistikore janë realizuar sipas planifikimit, së bashku me rritjen e numrit të treguesve dhe zgjerimin e të dhënave të transmetuara në Eurostat.

Megjithatë, zhvillimi i statistikave zyrtare, shoqërohet me sfida të rëndësishme. Në veçanti, procesi i integritetit evropian kërkon një përafrim të vazhdueshëm me aktet e BE-së të Kapitullit 18 "Statistikat", rritje të kapaciteteve institucionale dhe përmirësim të vazhdueshëm të cilësisë së të dhënave. Në këtë kuadër, forcimi i Sistemit Kombëtar Statistikor mbetet një prioritet i vazhdueshëm bashkëpunimi ndërinstitucional për përmirësimin e burimeve të të dhënave, veçanërisht atyre administrative, si thelbësore për garantimin e statistikave të besueshme dhe cilësore. Konsolidimi i këtyre burimeve ndikon drejtpërdrejt në rritjen e saktësisë, krahasueshmërisë dhe qëndrueshmërisë së treguesve statistikore.

Gjatë vitit 2025 është bërë gjithashtu progres i rëndësishëm në drejtim të shpërndarjes së të dhënave statistikore, përmes përdorimit të mjeteve moderne dhe më të aksesueshme për publikun, si dashboard-et dhe publikimet interaktive. Këto zhvillime përfaqësojnë një hap të rëndësishëm drejt rritjes së transparencës dhe përdorshmërisë së të dhënave.

Një tjetër prioritet i rëndësishëm lidhet me qasjen për hapjen e të dhënave statistikore dhe forcimin e bashkëpunimit me komunitetin akademik dhe studiuesit. Lehtësimi i aksesit në të dhëna për qëllime kërkimore dhe analitike mbetet një objektiv i rëndësishëm, i cili kërkon zhvillim të mëtejshëm të kuadrit institucional dhe teknik, duke garantuar njëkohësisht respektimin e parimeve të konfidencialitetit dhe mbrojtjes së të dhënave.

Në të njëjtën kohë, investimet në teknologji, përmirësimi i proceseve të mbledhjes dhe përpunimit të të dhënave, si dhe forcimi i mekanizmave të kontrollit të cilësisë, kanë qenë në fokus të punës së institucionit. Këto përpjekje synojnë jo vetëm rritjen e saktësisë dhe besueshmërisë së statistikave, por edhe përmirësimin e aksesit dhe përdorimit të tyre nga publiku dhe politikëbërësit.

Qëllimi themelor i statistikave zyrtare mbetet mbështetja për informimin e vendimmarrësve. Për këtë arsye, statistikave ekonomike, sociale dhe demografike të prodhuara nga INSTAT nuk janë thjesht një produkt teknik, por një instrument i domosdoshëm për të mbështetur politikat përmes teknikave të besueshme dhe analizave të mira.

INSTAT mbetet i përkushtuar për të garantuar pavarësinë profesionale, cilësinë dhe transparencën e statistikave zyrtare, duke bashkëpunuar ngushtë me të gjithë aktorët institucionale dhe partnerët ndërkombëtarë.

Ky raport paraqet një pasqyrë të plotë të punës së realizuar gjatë vitit 2025 dhe shërben si bazë për forcimin e mëtejshëm të sistemit statistikor në të ardhmen.

Dr. Lantona Sado

**Drejtore i Përgjithshëm i INSTAT**



# TABELA E PËRMBAJTJES

|                                                                                        |           |
|----------------------------------------------------------------------------------------|-----------|
| <b>FJALA HYRËSE E DREJTORIT .....</b>                                                  | <b>3</b>  |
| <b>TË PËRGJITHSHËM TË INSTAT .....</b>                                                 | <b>3</b>  |
| <b>TABELA E PËRMBAJTJES.....</b>                                                       | <b>4</b>  |
| <b>LISTA E SHKURTIMEVE .....</b>                                                       | <b>5</b>  |
| <b>I. SISTEMI KOMBËTAR STATISTIKOR .....</b>                                           | <b>6</b>  |
| I.1 ZBATIMI I OBJEKTIVAVE STRATEGJIKË 2022-2026 TË SISTEMIT KOMBËTAR STATISTIKOR ..... | 6         |
| <b>II. VEPRIMTARIA E SISTEMIT KOMBËTAR STATISTIKOR.....</b>                            | <b>12</b> |
| II.1 ZBATIMI I PSZ .....                                                               | 12        |
| II.2 CENSI I POPULLSISË DHE BANESAVE .....                                             | 17        |
| II.3 CENSI I BUJQËSISË.....                                                            | 18        |
| <b>III. INTEGRIMI EVROPIAN .....</b>                                                   | <b>19</b> |
| <b>IV. NDËRVEPRIMI ME PARTNERËT NDËRKOMBËTARË .....</b>                                | <b>26</b> |
| IV.1 BASHKËPUNIMI NËPËRMJET PROGRAMEVE DHE PROJEKTEVE.....                             | 27        |
| <b>V. OBJEKTIVAT E ZHVILLIMIT TË QËNDRUESHËM (OZHQ) .....</b>                          | <b>29</b> |
| <b>VI. CILËSIA STATISTIKORE .....</b>                                                  | <b>30</b> |
| <b>VII. MBËSHTETJA METODOLOGJIKE DHE TEKNOLOGJIA E INFORMACIONIT .....</b>             | <b>36</b> |
| <b>VIII. KOMUNIKIMI DHE PUBLIKIMET .....</b>                                           | <b>38</b> |
| <b>IX. MEMORANDUMET E MIRËKUPTIMIT .....</b>                                           | <b>50</b> |
| <b>X. VEPRIMTARIA E ORGANIZMAVE MBËSHTETËS TË PRODHIMIT STATISTIKOR.....</b>           | <b>51</b> |
| X.1 VEPRIMTARIA E BORDIT DREJTUES.....                                                 | 51        |
| X.2 VEPRIMTARIA E KËSHILLIT TË STATISTIKAVE.....                                       | 52        |
| X.3 VEPRIMTARIA E KOMISIONIT KOMBËTAR TË NOMENKLATURAVE.....                           | 53        |
| <b>XI. ZBATIMI I REKOMANDIMEVE TË REZOLUTËS SË KUVENDIT .....</b>                      | <b>54</b> |
| <b>XII. BURIMET FINANCIARE DHE NJERËZORE .....</b>                                     | <b>58</b> |
| XII.1 BURIMET FINANCIARE .....                                                         | 58        |
| <b>ANEKSI NR. 1 MEMORANDUMET E MIRËKUPTIMIT.....</b>                                   | <b>67</b> |
| <b>ANEKSI NR. 2 INFORMACION MBI GJEOPORTALIN.....</b>                                  | <b>69</b> |
| <b>ANEKSI NR. 3 LISTA E NOMENKLATURAVE NË FUQI .....</b>                               | <b>70</b> |

# LISTA E SHKURTIMEVE

|         |                                                                                                                          |
|---------|--------------------------------------------------------------------------------------------------------------------------|
| CAPI    | Intervistë nëpërmjet kompjuterit ( <i>Computer Assisted Personal Interview</i> )                                         |
| CATI    | Intervistë nëpërmjet telefonit ( <i>Computer-Assisted Telephone Interviewing</i> )                                       |
| CAWI    | Intervistë nëpërmjet web-it ( <i>Computer Assisted Web Interview</i> )                                                   |
| ESA     | Sistemi Evropian i Llogarive Kombëtare dhe Rajonale ( <i>European system of national and regional accounts</i> )         |
| ESSPROS | Sistemi i Integruar Evropian për Mbrojtjen Sociale ( <i>European system of integrated social protection statistics</i> ) |
| GFSM    | Manuali për Statistikat Financiare të Qeverisë ( <i>Government Finance Statistics Manual</i> )                           |
| GIS     | Sistemi i Informacionit Gjeografik ( <i>Geographic Information System</i> )                                              |
| GNPIE   | Grupet Ndërinstitucionale për Integrimin Evropian                                                                        |
| GSBPM   | Modeli i Procesit të Përgjithshëm Statistikor të Biznesit ( <i>Generic Statistical Business Process Model</i> )          |
| ISTI    | Sistemi i Integruar i Prodhimit Statistikor ( <i>Integrated System Technology</i> )                                      |
| OZHQ    | Objektivat e Zhvillimit të Qëndrueshëm                                                                                   |
| PAP     | Përpunimi sipas procedurave aktive/pasive ( <i>Processing under Active/Passive Procedures</i> )                          |
| PPB     | Produkti i Brendshëm Bruto                                                                                               |
| PKIE    | Plani Kombëtar për Integrimin Evropian                                                                                   |
| PRODCOM | Klasifikimi Statistikor sipas Produkteve Industriale ( <i>Production Communautaire</i> )                                 |
| PSZ     | Programi i Statistikave Zyrtare                                                                                          |
| SALSTAT | Projekti për Statistika të Forta Vendore Shqiptare                                                                       |
| SIMONA  | Sistemi për aksesimin nga jashtë të të dhënave mikro                                                                     |
| SKS     | Sistemi Kombëtar Statistikor                                                                                             |

# I. SISTEMI KOMBËTAR STATISTIKOR

Sistemi Kombëtar Statistikor (SKS) e ushtron veprimtarinë e tij në përputhje me Ligjin nr. 17/2018 “Për statistikat zyrtare” dhe përbëhet nga tërësia e institucioneve prodhuese të statistikave zyrtare, sipas Programit të Statistikave Zyrtare (PSZ).

Aktualisht, prodhues të statistikave zyrtare janë 4 agjenci statistikore:

1. Instituti i Statistikave dhe zyrat statistikore rajonale në varësi të tij;
2. Banka e Shqipërisë;
3. Ministria e Financave;
4. Agjencia Kombëtare e Burimeve Natyrore.

Agjencitë statistikore zhvillojnë, prodhojnë dhe shpërndajnë statistika zyrtare, të cilat lidhen me fushën e kompetencave të parashikuara në legjislacionin për organizimin e funksionimin e tyre, si dhe në përputhje me parimet e statistikave zyrtare, të përcaktuara në legjislacionin për statistikat zyrtare.

Veprimtaria statistikore e SKS gjatë vitit 2025 u mbështet në Ligjin nr. 30/2022 “Për miratimin e Programit të Statistikave Zyrtare për periudhën 2022-2026” dhe Vendimin e Kuvendit nr. 29/2025, datë 17.03.2025 “Për miratimin e Planit Vjetor 2025 për zbatimin e Programit të Statistikave Zyrtare 2022-2026”.

## I.1 Zbatimi i objektivave strategjike 2022-2026 të Sistemit Kombëtar Statistikor

Objektivat strategjike për zhvillimin e Sistemit Kombëtar Statistikor janë të parashikuar në PSZ. Çdo objektivi është shoqëruar me masa zbatuese konkrete, si dhe me treguesit përkatës për matjen e performancës dhe raportimin e ecurisë së tyre.

Gjatë vitit 2025, janë shënuar arritje në drejtim të përmbushjes së objektivave strategjike zhvillimore të SKS-së. Ecuria pozitive paraqitet nga vlerat e indikatorëve të performancës, ku pjesa më e madhe kanë pësuar rritje krahasuar me një vit më parë. Në vijim, tabela e indikatorëve të performancës paraqet ecurinë e veprimtarisë së SKS dhe INSTAT-it për vitin 2025 krahasuar me një vit më parë:

**Tabela 1: Indikatorët e Performancës 2023-2025**

| Tregues për SKS                                                                   | 2023      | 2024      | 2025      |
|-----------------------------------------------------------------------------------|-----------|-----------|-----------|
| Nr. i agjencie Statistikore                                                       | 3         | 4         | 4         |
| Nr. i Memorandumeve/Marrëveshjeve të bashkëpunimit                                | 39        | 42        | 51        |
| Nr. i trajnimeve të organizuara nga INSTAT                                        | 14        | 8         | 6         |
| Nr. i pjesëmarrësve në grupet ndërkombëtare të punës si anëtarë/Numri i takimeve  | 8/112     | 13/131    | 14/127    |
| Nr. i pjesëmarrësve në grupet ndërkombëtare të punës si vëzhgues/Numri i takimeve | 104/112   | 118/131   | 113/127   |
| Nr. i raporteve të cilësisë                                                       | 56        | 57        | 54        |
| Nr. i data points në databazën e Eurostat për SKS                                 | 5,335,020 | 7,035,303 | 8,614,141 |
| Tregues për INSTAT                                                                | 2023      | 2024      | 2025      |
| Nr. i burimeve administrative të përdorura                                        | 51        | 51        | 51        |
| Nr. i bazave të të dhënave mikro                                                  | 15        | 15        | 15        |
| Nr. i treguesve në nivel bashkie                                                  | 187       | 231       | 70        |
| Nr. i aktiviteteve me përmirësim në afat                                          | 2         | 6         | 8         |
| Nr. i aktiviteteve me përmirësim në frekuencë                                     | 0         | 1         | 0         |
| Nr. i aktiviteteve të dokumentuara në GSBPM                                       | 83        | 89        | 98        |
| Nr. i takimeve konsultative-informuese me përdoruesit                             | 78        | 13        | 8         |
| Nr. i publikimeve                                                                 | 171       | 175       | 177       |
| Nr. i botimeve tematike                                                           | 12        | 7         | 8         |
| Nr. i klikimeve (page views)                                                      | 3,020,981 | 1,190,082 | 3,500,000 |
| Indeksi i Nivelit të përgjithshëm të kënaqësisë së përdoruesve                    | 4.02      | 4.03      | 4.03      |


\* Treguesit në nivel bashkie kanë pësuar një ulje të ndjeshme nga 2024 në 2025 për shkak se në 2024 u publikuan të dhënat e Censit të Popullsisë dhe Banesave 2023.

## Objektivi 1: Zhvillimi i SKS për të përmbushur plotësisht *acquis communautaire* lidhur me statistikat dhe të mbështesë plotësisht procesin e integritimit Evropian.

SKS vijoi të kontribuojë në proceset e integritimit evropian, duke kontribuar lidhur me statistikat zyrtare dhe përafrimin e legjislacionit me aktet e Bashkimit Evropian.

Kapitulli 18 “Statistikat” i *acquis* është konsideruar nga BE si një ndër kapitujt kryesorë të nevojshëm për t’u përafruar me standardet evropiane. Në aspektin përafrues, gjatë vitit 2025, me propozim të Komisionit Kombëtar të Nomenklaturës, Këshilli i Ministrave miratoi VKM nr. 552, datë 1.10.2025 “Për miratimin e Nomenklaturës së Veprimtarive Ekonomike të Revizionuara (NACE Rev. 2.1)”, akt i cili përafron Rregulloren e Deleguar të Komisionit Evropian nr. 2023/137, datë 10.10.2022 “Mbi ndryshimin e rregullores nr. 1893/2006 e Parlamentit Evropian dhe e Këshillit që themelon klasifikimin statistikor të aktiviteteve ekonomike NACE Revision 2”. Gjithashtu, me propozim të Bordit Drejtues të INSTAT, Drejtori i Përgjithshëm miratoi 2 projekt-udhëzime: Udhëzimin nr. 1, datë 1.10.2025 “Për mënyrat, strukturën, periodicitetin dhe treguesit e vlerësimit të raporteve të cilësisë për të dhënat e transmetuara në bazë të Rregullores (BE) nr. 549/2013 të Parlamentit Evropian dhe të Këshillit” dhe Udhëzimin nr. 2, datë 1.10.2025 “Për zbatimin e parimeve në statistikat e zënieve nominale të peshkut në zona të caktuara, përveç atyre të Atlantikut të Veriut në bazë të Rregullores (BE) nr. 16/2009”.

Paralelisht me hapat pozitivë të përafrimit ligjor, veçojmë rritjen e numrit të të dhënave (data points) të SKS të transmetuara në Eurostat, me një rritje prej 22% krahasuar me një vit më parë, duke e çuar numrin gjithsej të tyre në 8,614,141. Në harkun kohor 10 - vjeçar, të dhënat e transmetuara janë rritur ndjeshëm. Në vitin 2016 ky numër ishte vetëm 801,443. Për vitin 2025, kontributi i prodhuesve të statistikave zyrtare rezulton: INSTAT 3,885,353 data points, me një rritje prej 9% krahasuar me vitin 2024; Banka e Shqipërisë 904,517 data points, me një rritje prej 18% krahasuar me vitin 2024; dhe Agjencia Kombëtare e Burimeve Natyrore 3,824,271 data points me një rritje prej 10% krahasuar me vitin 2024.



Në kuadër të misionit Peer Review të Eurostat-it, i cili vlerëson përputhshmërinë e sistemit statistikor shqiptar me Kodin e Praktikës së Statistikave Evropiane, INSTAT në bashkëpunim me institucionet e tjera publike që kontribuojnë në performancën statistikore të vendit përgatiti dhe dorëzoi në kohë dosjen e plotë të vetëvlerësimit me 4 pyetësorë, prej 260 faqesh, shoqëruar me rreth 40 dokumente ligjore e informative.

Në Figurën 1 paraqiten vlerat e treguesve strategjik të këtij objekti, në nivel krahasimor 2024-2025.

**Figura 1. Treguesit e performancës për Objektivin Strategjik 1**

## Objektivi 2: Plotësimi i nivelit të plotë të kërkesave të përdoruesit për statistika zyrtare

Nëpërmjet përmbushjes së këtij objekti, INSTAT synon përmbushjen e kërkesave të përdoruesve për të dhëna statistikore.

Numri i publikimeve për vitin 2025 ishte 177 nga 175 publikime që ishin një vit më parë. Sipas parashikimeve të PSZ, janë prodhuar gjithsej 1,127 tregues statistikorë, ku 66 prej tyre janë në aspektin e Objektivave për Zhvillim të Qëndrueshëm.

Janë plotësuar 88 pyetësorë statistikorë të kërkuar nga institucione statistikore apo organizata të ndryshme ndërkombëtare.

Faqja e INSTAT ka shënuar 3,500,000 klikime, rritje domethënëse ndaj një viti më parë, ku numri i klikimeve ishte 1,190,082. Rezultatet e anketës së kënaqësisë së përdoruesve për vitin 2025 kanë dhënë të njëjtin rezultat krahasuar me një vit më parë lidhur me indeksin e përgjithshëm, i cili rezultoi 4.03 pikë, nga 5 pikë të plota.




Figura 2. Treguesit e performancës për Objektivin Strategjik 2

Figura 2 paraqet treguesit e performancës në lidhje me ecurinë e Objektivit Strategjik nr. 2.

## Objektivi 3: Prodhimi i statistikave zyrtare të një niveli të lartë cilësie, që të përputhen me standardet e pranura Evropiane dhe ndërkombëtare

Në kuadër të këtij objekti, SKS është angazhuar në adoptimin e klasifikimeve të reja ndërkombëtare që mundësojnë përafrimin, harmonizimin dhe krahasueshmërinë e statistikave të prodhuara në vendin tonë me ato të vendeve të tjera evropiane apo ndërkombëtare. Në këtë kuadër, në tetor të vitit 2025 Këshilli i Ministrave miratoi Nomenklaturën e Veprimtarive Ekonomike të rishikuar, NVE Rev 2.1.

Për sa i përket menaxhimit të kontrollit të cilësisë së produkteve statistikore, janë publikuar 54 raporte cilësie në krahasim me 57 të tilla gjatë vitit 2024. Kjo rënie lidhet kryesisht me shtyrjen në kohë të publikimeve apo konfirmimet nga Eurostat, duke bërë që edhe raportet përkatëse të cilësisë të publikohen jashtë vitit referues.



Figura 3. Treguesit e performancës për Objektivin Strategjik 3

Numri i aktiviteteve të dokumentuara sipas standardit ndërkombëtar të proceseve statistikore (GSBPM), arriti në 98 aktivitete krahasuar me 89 të tilla të dokumentuara deri në fund të vitit 2024.

Në Figurën 3 paraqiten vlerat e treguesve të performancës të këtij objektivit në nivel krahasimor 2024-2025.

#### Objektivi 4: Përfshirja e institucioneve shtesë prodhues në Programin Kombëtar të Statistikave Zyrtare.




Figura 4. Treguesit e performancës për Objektivin Strategjik 4

Pas përfshirjes në vitin 2024 të Agjencisë Kombëtare të Burimeve Natyrore në SKS, numri i agjencive statistikore pjesë përbërëse e SKS mbetet i njëjtë, me katër institucione prodhuese. Përsa i përket nivelit të disagregimit të të dhënave të marra nga burimet administrative, numri i institucioneve që ofrojnë të dhëna në nivel mikro është 4, vlerë që përkon me parashikimin e PSZ-së. Numri i bazave të të dhënave mikro (në regjistrat statistikorë) nga institucionet furnizuese është 15, numër i njëjtë me atë të vitit të kaluar. Në kuadër të rritjes së kapaciteteve profesionale të SKS-së dhe përmirësimit të cilësisë së produkteve statistikore janë zhvilluar 7 trajnime me 22 pjesëmarrës mbi Cilësinë Statistikore të organizuara nga INSTAT dhe Eurostat.

Në Figurën 4 paraqiten vlerat e treguesve të performancës për Objektivin Strategjik 4, krahasuar me një vit më parë.

#### Objektivi 5: Modernizimi i mëtejshëm i proceseve, metodave, produkteve dhe shërbimeve statistikore për të përmirësuar cilësinë, dorëzimin në kohë dhe eficiencën në kosto të statistikave zyrtare.



Figura 5. Treguesit strategjik 2024-2025

Për sa i takon modernizimit të proceseve të mbledhjes së të dhënave, gjatë vitit 2025 u përdorën metoda elektronike të mbledhjes së të dhënave, duke reduktuar më tej varësinë nga pyetësorët në letër dhe duke rritur efikasitetin operacional. U përditësuan dhe u optimizuan 8 aplikacione CAWI, ndërsa 28 aplikacione CAPI u zhvilluan/përmirësuan për të mbështetur vërtetimet statistikore prioritare, duke integruar kontrolle automatike logjike, vlerësime në kohë reale dhe mekanizma të monitorimit të performancës në terren. Këto zhvillime kontribuan në rritjen e cilësisë dhe koherencës së të dhënave, shkurtime të kohës së përpunimit dhe përmirësimin e menaxhimit të operacioneve në terren.

Në Figurën 5 paraqiten vlerat e treguesve të performancës për Objektivin Strategjik 5, krahasuar me një vit më parë.

## Objektivi 6: Rritja e besimit të publikut në SKS dhe njohja e tij si strukturë institucionesh me performancë të duhur dhe profesionalisht të pavarur.

Matja e besimit në statistika realizohet nëpërmjet Anketës së Kënaqësisë së Përdoruesve, ku një ndër variablat është besueshmëria e përdoruesve në profesionalizmin dhe pavarësinë e sistemit. Për vitin 2025, treguesi i besueshmërisë së përdoruesve në të dhënat e INSTAT shënoi vlerën 4.12 pikë, duke pësuar një ulje prej 0.07 pikë krahasuar me një vit më parë, ku kjo vlerë ishte 4.19 pikë nga 5 pikë të plota. Numri i përmendjeve të INSTAT-it rezultoi 1,785 herë në përmbajtjen e 1,041 artikujve të botuar në shtypin shqiptar (në vitin 2024: numri i përmendjeve ishte 2,870 herë në përmbajtjen e 1,477 artikujve të botuar në shtypin shqiptar; 18 herë në faqet e para të gazetave dhe revistave të përditshme (në vitin 2024: 37 herë në faqet e para të gazetave dhe revistave të përditshme); 564 herë në përmbajtjen e 493 kronikave në lajmet kryesore të televizioneve më të ndjekura në Shqipëri (Në vitin 2024: 1,320 herë në përmbajtjen e 1,162 kronikave në lajmet kryesore të televizioneve më të ndjekura në Shqipëri); 13,140 herë në përmbajtjen e 7,800 artikujve të publikuara në portalet online (Në vitin 2024: 17,625 herë në përmbajtjen e 8,586 artikujve të publikuara në portalet online). Numri i përmendjeve të INSTAT-it në media rezultoi me ulje për vitin 2025, për shkak se viti 2024 ishte viti kur u publikuan të dhënat e Censit të Popullsisë dhe Banesave 2023. Organizimi i takimeve/aktiviteteve me fokus ndërgjegjësimin statistikor dhe shmangien e keqinterpretimit të statistikave është një ndër masat e rëndësishme të cilat ndikojnë drejtpërdrejt në rritjen e besueshmërisë. Në këtë kuadër, gjatë vitit 2025 INSTAT-i ka zhvilluar 8 aktivitete me grupe të ndryshme përdoruesish, në zbatim të aktiviteteve të parashikuara në planin operacional, si dhe për rritjen e ndërgjegjësimin të publikut të gjerë dhe njohjen e tyre me statistikën zyrtare. Konkretisht, janë organizuar 2 takime me median, 4 takime me studentë në universitete publike dhe private, 1 takim me Komitetin e Prodhuesve dhe 1 takim me përfaqësues të bashkive të vendit. Këto aktivitete kanë synuar forcimin e komunikimit me përdoruesit dhe promovimin e përdorimit të statistikave zyrtare në vendimmarrje dhe informimin publik. (Numri i takimeve me përdoruesit rezultoi me rënie për vitin 2025, pasi në vitin 2024 u publikuan të dhënat e Censit të Popullsisë dhe Banesave 2023).



Figura 6. Treguesit e performancës për Objektivin Strategjik 6

Figura 6 paraqet treguesit e performancës për Objektivin Strategjik 6, krahasuar me vitin 2024.

## II. VEPRIMTARIA E SISTEMIT KOMBËTAR STATISTIKOR

### II.1 Zbatimi i PSZ

Veprimtaria e SKS vlerësohet në bazë të aktiviteteve statistikore të planifikuara në kuadër të Planit Vjetor të PSZ 2025 dhe të ndara sipas agjencive statistikore:

- **SKS 113 aktivitete statistikore**
- INSTAT përgjegjës për 100 aktivitete statistikore;
- Banka e Shqipërisë përgjegjës për realizimin e 9 aktiviteteve statistikore;
- Ministria e Financave përgjegjës për 2 aktivitete statistikore;
- Agjencia Kombëtare të Burimeve Natyrore përgjegjës për 2 aktivitete statistikore.

Në zbatim të Planit Vjetor të PSZ 2025, Sistemi Kombëtar Statistikor realizoi 111 aktivitete statistikore.

**INSTAT realizoi 99 aktivitete që mundësuan prodhimin e një game të gjerë treguesish në fushën e statistikave demografike dhe sociale, në fushën e statistikave ekonomike, në fushën e statistikave sektoriale dhe në fushën e statistikave të mjedisit. Nuk u arrit të publikohen në kohë të dhënat administrative të mbrojtjes sociale, pasi u shqyrtua shtimi i treguesve të rinj me seri kohore 2023-2025, të cilët do të jenë pjesë e publikimit të ardhshëm.**

**Banka e Shqipërisë** realizoi 9 aktivitete statistikore, duke ofruar tregues statistikorë mbi llogaritë financiare, statistikat monetare, investimet e huaja direkte, bilancin e pagesave, pozicionin e investimeve ndërkombëtare, borxhin e jashtëm bruto, etj.

**Ministria e Financave** realizoi 2 aktivitete statistikore, duke prodhuar statistikat financiare të qeverisë sipas GFSM 2014 dhe statistikat tremujore të borxhit.

**Agjencia Kombëtare e Burimeve Natyrore** arriti të realizonte një nga dy aktivitetet statistikore, duke prodhuar treguesit mbi bilancin e përgjithshëm energjetik, në nivel vjetor. Për shkak të mungesave dhe lëvizjeve të stafit gjatë vitit 2025, nuk u arrit të publikohen të dhënat e bilancit energjetik 3-mujor nga Agjencia Kombëtare e Burimeve Natyrore. Për të siguruar publikimin e këtyre të dhënave gjatë vitit 2026, është përcaktuar stafi back up për realizimin në kohë të aktiviteteve statistikore dhe është hartuar një procedurë e standardizuar pune për përpunimin dhe publikimin e të dhënave, duke përfshirë hapat, burimet dhe përgjegjësitë përkatëse.

## FUSHA “STATISTIKAT DEMOGRAFIKE DHE SOCIALE”

Kjo fushë mbulohet nga INSTAT.



Për vitin 2025 janë realizuar 32 aktivitete statistikore, nga të cilat janë prodhuar 469 tregues statistikore që lidhen me: popullsinë; të huajt me leje qëndrimi dhe azil-kërkuesit; punësimin dhe papunësinë; konsumin e njësive ekonomike familjare; nivelin e jetesës; arsimin; shëndetësinë; mbrojtjen sociale ESSPROS; krimet; kulturën. Për prodhimin cilësor të treguesve të kësaj fushe janë kryer në terren: anketa mbi buxhetin e familjes, anketa mbi të ardhurat dhe nivelin e jetesës dhe anketa mbi forcat e punës. Nuk u arrit të publikohen në kohë të dhënat administrative të mbrojtjes sociale.

Përmirësimi i metodologjisë dhe rritja e cilësisë në **statistikat e tregut të punës** ishte i ndjeshëm, pasi u shoqërua me: përmirësimin e procesit të mbledhjes së të dhënave në terren për Anketën e Forcave të Punës, duke kaluar nga përdorimi i laptopëve në përdorimin e tabletëve; Kalimin e përpunimit të të dhënave dhe llogaritjes së treguesve të tregut të punës nga SPSS në programin R Studio. Në kuadër të projektit Sida, INSTAT po merr mbështetje për llogaritjen për herë të parë të Indeksit të Kostos së Punës.

Me mbështetjen e projektit SALSTAT dhe në bashkëpunim me Drejtorinë e Përgjithshme të Gjendjes Civile, INSTAT përmirësoi **statistikat vitale** dhe ofroi trajnime për punonjësit e zyrave rajonale të Gjendjes Civile në qarqet: Berat, Dibër, Elbasan, Kukës dhe Vlorë.

Lidhur me **statistikat e migracionit**, për herë të parë u krye anketa e “Lëvizjeve migratore dhe karakteristikat socio-ekonomike”, aktivitet i cili nuk ishte i parashikuar në PSZ. Rezultatet e anketës së dytë të Migracionit pranë Familjeve u përpunuan dhe u publikuan në bashkëpunim me Bankën Botërore dhe përmbanin të dhëna përfaqësuese në nivel kombëtar mbi tendencat e migracionit, kthimin, remitancat dhe lëvizshmërinë në nivel familjar.

Vlen të theksohet se publikimi i rezultateve të **anketës së të ardhurave dhe nivelit të jetesës** u krye 2 muaj më herët se vitet e kaluara, duke arritur një përmirësim në afat për këtë aktivitet statistikor.

Gjatë vitit 2025 u ndërmorën aktivitetet e planifikuara në kuadër të Censit të Popullsisë dhe Banesave të kryer në vitin 2023, informacioni i detajuar për të cilin gjendet në Seksionin II.1. “Censet”.

**Statistikat e mbrojtjes Sociale ESSPROS** kanë qenë në fokus për të përmbushuar të gjitha detyrimet dhe afatet kohore të përcaktuara për sistemin Core dhe për përfituesit e pensioneve.



Numri i të dhënave (data points) për Shqipërinë në databazën e Eurostat për fushën e Statistikave Demografike dhe Sociale për vitin 2025 ishte 1,591,811, duke shënuar një rritje prej 14% krahasuar me vitin 2024.

INSTAT plotësoi dhe dërgoi në Eurostat pyetësorët e statistikave të krimeve, duke arritur një plotshmëri prej 73%. Gjithashtu, finalizoi botimin e dedikuar të statistikave të krimeve dhe drejtësisë penale.

Në kuadër të programeve shumëpërfutuese IPA 2019 dhe IPA 2022, është mbështetur zbatimi i projekteve statistikore mbi “Mbrojtjen Sociale ESSPROS”; “Të ardhurat dhe Nivelin e Jetesës”; dhe “Anketën e Forcave të Punës”. Për herë të parë u përgatit dhe u transmetua në Eurostat moduli NET i sistemit ESSPROS, i cili paraqet vlerën neto të përfitimeve të mbrojtjes sociale. Gjithashtu, u rishikua dhe u përditësua pyetësori i Anketës së Forcave të Punës, për të siguruar përputhshmërinë me Rregulloren (BE) 2019/1700 dhe Rregulloren (BE) 2019/2240.



INSTAT ka kontribuar në agjendën kombëtare dhe më konkretisht në Strategjinë për Barazinë Gjinore 2021-2030, Planin Kombëtar të Veprimit për Barazi, Përfshirje dhe Pjesëmarrjen e Romëve dhe Egjiptianëve në Republikën e Shqipërisë 2021-2025, Planin Kombëtar të Moshimit 2020-2025, Strategjinë Kombëtare të Migracionit 2024-2030 dhe Planin e Veprimit 2024-2026, Strategjinë Kombëtare të Punësimit dhe Aftësive 2023-2030, Strategjinë Kombëtare të Arsimit 2021-2026, Strategjinë Kombëtare të Shëndetësisë 2021-2030 në Shqipëri, Strategjinë Kombëtare të Mbrojtjes Sociale 2024-2030 dhe Planin e veprimit për zbatimin e saj, Dokumentin e Politikave të Përfshirjes Sociale 2024-2028, Strategjinë Ndërsektoriale të Mbrojtjes së Viktimave të Krimit 2024-2030, Strategjinë Ndërsektoriale të Drejtësisë për të Mitur 2022-2026.

## FUSHA “STATISTIKAT EKONOMIKE”

Kjo fushë mbulohet nga INSTAT, Banka e Shqipërisë dhe Ministria e Financave.



Për vitin 2025 janë realizuar sipas planit 20 aktivitete statistikore, nga të cilat janë prodhuar 241 tregues statistikore mbi: Llogaritë Kombëtare me frekuencë vjetore dhe tremujore, statistikave monetare, statistikave financiare të qeverisë, statistikave të borxhit publik, statistikave strukturore të ndërmarrjeve, statistikave afatshkurtra të ndërmarrjeve, etj.

Ndryshimet strukturore në ekonomi, zhvillimet teknologjike, digjitalizimi dhe globalizimi kanë rritur ndjeshëm kompleksitetin e aktiviteteve ekonomike, duke krijuar nevojën për përditësimin e klasifikimeve ekzistuese, në mënyrë që ato të pasqyrojnë më saktë realitetin aktual ekonomik. Në këtë kuadër, u realizua rishikimi i nomenklaturës NVE Rev. 2 dhe kalimi në NVE Rev. 2.1, duke shënuar një hap të rëndësishëm drejt modernizimit dhe harmonizimit të mëtejshëm të sistemit statistikor kombëtar me standardet evropiane. Nomenklatura e Veprimtarive Ekonomike të Revizionuara (Rev. 2.1) krijon një bazë të qartë ligjore për zbatimin e saj nga të gjitha institucionet publike. Paralelisht, kjo nomenklaturë u aplikua në Regjistrin e Biznesit për vitet 2024 dhe 2025, duke siguruar një tranzicion të kontrolluar dhe përputhshmëri të plotë me kërkesat dhe praktikave evropiane në fushën e statistikave ekonomike.



Numri i të dhënave (data points) për Shqipërinë në databazën e Eurostat për fushën e Statistikave Ekonomike për vitin 2025 ishte 1,517,669, duke shënuar një rritje prej 104% krahasuar me vitin 2024.

Një arritje domethënëse për këtë fushë ishte **rishikimi madhor i treguesve të llogarive kombëtare**, në përputhje me Kodin e Praktikës të Statistikave Evropiane dhe Politikën e Harmonizuar Evropiane për Rishikimin e Statistikave Makroekonomike (sipas ESA 2010). Më datë 26 qershor 2025 u publikuan seritë e përditësuara kohore të Llogarive Kombëtare në terma vjetorë dhe tremujorë, për periudhën 1995 – 2017. INSTAT prodhoi dhe transmetoi për herë të parë, me statusin “Për Publikim”, tabelat e Statistikave Financiare të Qeverisë dhe Tabelat e Njoftimit të Procedurës së Deficitit të Tejkalluar për periudhën 2021 – 2024, duke rritur nivelin e krahasueshmërisë dhe përputhshmërisë së treguesve në fushën e statistikave ekonomike sipas standardeve të Bashkimit Evropian.

Për herë të parë, gjatë vitit 2025 u publikuan dhe u transmetuan statistikave të Demografisë së Ndërmarrjeve, duke shënuar një zhvillim të rëndësishëm në pasurimin e statistikave të biznesit. Ky aktivitet nuk ishte i parashikuar në PSZ, por është në përputhje me kërkesat e rregullores evropiane për statistikave të biznesit si:

- Ndërmarrjet e mbijetuar brenda trevjeçarit të parë nga data e krijimit (shkalla e mbijetesës 1, 2 dhe 3-vjeçare);
- Ndërmarrjet e mbyllura dhe numri i të punësuarve në to.

Gjithashtu, gjatë vitit 2025, u realizua prodhimi dhe transmetimi për herë të parë i të dhënave paraprake të statistikave strukturore të ndërmarrjeve, duke përdorur burime administrative, si dhe u prodhuan të dhënat paraprake mujore për statistikën afatshkurtra të industrisë; tregtisë me pakicë dhe ndërtimit. Transmetimi i këtyre të dhënave do të realizohet në fillim të vitit 2026.

Në kuadër të programeve shumë-përfitues IPA 2019 dhe IPA 2022 është mbështetur zbatimi i projekteve statistikore lidhur me Statistikat Financiare të Qeverisë, Statistikat e Deficitit të Tejkualuar dhe Statistikat Afatshkurtra të Biznesit.



Gjithashtu, gjatë vitit 2025, janë realizuar aktivitete mbështetëse statistikore që lidhen me prodhimin e treguesve për ndjekjen e Strategjisë së Menaxhimit të Financave Publike 2023-2030.

## FUSHA “STATISTIKAT SEKTORIALE”

Kjo fushë mbulohet nga INSTAT dhe Agjencia Kombëtare e Burimeve Natyrore.



Për vitin 2025 ishte planifikuar realizimi i 47 aktiviteteve statistikore për prodhimin e 361 treguesve statistikorë. Gjatë vitit u realizuan 46 aktivitete, duke prodhuar tregues statistikorë mbi: bujqësinë, energjinë, transportin, turizmin, tregtinë e jashtme, çmimet, shkencën, teknologjinë dhe inovacionin. AKBN nuk publikoi të dhënat mbi energjinë, në nivel tremujor.

Përmirësimet teknologjike mundësuan që Vrojtimi “Kërkimi Shkencor dhe Zhvillimi në Ndërmarrje”, të realizohej për herë të parë, duke aplikuar metodën CAPI - nëpërmjet tabletëve.



Numri i *data points* për Shqipërinë në databazën e Eurostat-it për fushën e Statistikave Sektoriale për vitin 2025 ishte 5,441,528, duke shënuar një rritje prej 12% krahasuar me vitin 2024.

Zhvillimet kryesore në këtë fushë lidhen me përmirësimet metodologjike, rritjen e nivelit të përputhshmërisë së këtyre statistikave me kërkesat e akteve të BE-së dhe puna përgatitore për kryerjen e Censit të Bujqësisë.

Në kuadër të detyrimeve të rregulloreve përkatëse evropiane, INSTAT realizoi gjithashtu mbledhjen, përpunimin dhe transmetimin në Eurostat të statistikave mbi Fondet e Alokua nga Buxheti i Shtetit për Kërkim dhe Zhvillim (GBARD).

Në kuadër të *European Innovation Scoreboard* (EIS), INSTAT raportoi për 25 nga 32 indikatorët e kërkuar. Nga këta indikatorë, 13 bazohen në të dhëna të mbledhura përmes anketave, ndërsa të tjerët nëpërmjet burimeve administrative.

Në lidhje me statistikën e turizmit, ana e ofertës, të dhënat mujore për strukturat akomoduese janë publikuar dhe transmetuar në afate të përmirësuara, duke siguruar përputhshmëri me kërkesën e rregullores për dorëzimin e të dhënave gjashtë javë pas përfundimit të periudhës së referencës, nga shtatë javë që ishte më parë.

Në lidhje me statistikën e turizmit nga ana e kërkesës, u finalizuan të gjitha proceset për të dhënat e vitit 2024, duke përfshirë dërgimin e mikrodave në Eurostat dhe publikimin për herë të parë 5 muaj më herët (më 30 qershor 2025).

Në kuadër të programit shumëpërfitues IPA 2022 është realizuar zbatimi i projekteve statistikore për përafrimin me standardet evropiane dhe forcimin e kapaciteteve në fushat: Indeksi i Harmonizuar të Çmimeve të Konsumit; Indeksi i Çmimeve të Banesave: Matja e Fuqisë Blerëse, si dhe Statistikat e Transportit Rrugor të Mallrave.



Gjithashtu, gjatë vitit 2025, janë realizuar aktivitete mbështetëse statistikore që lidhen me: ndjekjen e Strategjisë Ndërsektorale Agjenda Dixhitale e Shqipërisë 2022–2026, kontributin në hartimin e Strategjisë Kombëtare për Shkencën, Teknologjinë dhe Inovacionin 2023-2030.

## FUSHA “STATISTIKAT E MJEDISIT DHE MULTIDOMAIN”

Kjo fushë mbulohet nga INSTAT.



Për vitin 2025 u realizuan sipas planit 13 aktivitete statistikore për prodhimin e 56 treguesve statistikorë mbi: llogaritë fizike dhe monetare në mjedis, ujin, zhurmat, mbetjet, etj.

Ndër aktivitetet kryesore në fushën e **statistikave të mjedisit** ka qenë realizimi i mbledhjes së të dhënave mbi mbetjet e ngurta urbane. Ky aktivitet vazhdon të mbështetet nga projekti SALSTAT dhe u realizua në bashkëpunim të ngushtë me bashkitë në vend. Me mbështetjen e këtij projekti u realizua dhe vrojtimi pilot mbi pyjet dhe llogaritë në pyje, vrojtimit i shtrirë në të gjitha bashkitë e vendit dhe pritjet të vazhdojë edhe në vitet e ardhshme. Në Eurostat u transmetuan treguesit mbi llogaritë e emetimeve në ajër, llogaritë e flukseve të energjisë dhe llogaritë në pyje.

Në lidhje me informacionin **statistikor rajonal dhe gjeohapësinor**, ka vijuar procesi i përditësimit të vazhdueshëm të njësive statistikore, përditësimi i gjeodatabazës dhe mbështetja gjeografike e vrojtimit statistikore sipas kalendarit të aktiviteteve. Ndërtimi i Regjistrit Statistikor të Ndërtesave dhe Banesave (ASBDR) është në proces konsolidimi, në kuadër të projektit SALSTAT. Gjatë vitit 2025 u ndërtuan aplikacionet në funksion të mirëmbajtjes dhe përditësimit të Regjistrit (aplikacioni web, aplikacioni mobile), si dhe u përditësua lista e dokumentave shoqërues të Regjistrit. Punë e vazhdueshme është kryer mbi komponentin e teknologjisë së informacionit të regjistrit mbi ngritjen e infrastrukturës së nevojshme në funksion të tij, si dhe testimi i vazhdueshëm i të gjitha aplikacioneve të Regjistrit.




Numri i *data points* për Shqipërinë në databazën e Eurostat për fushën e Statistikave të Mjedisit dhe Multidomain për vitin 2025 ishte 63,133, duke shënuar një rritje prej 54% krahasuar me vitin 2024.

Aktivitete të tjera mbështetëse në kuadër të programeve IPA 2019 dhe IPA 2022 ishin aktivitetet mbi Statistikat e Llogarive Ekonomike në Mjedis dhe Statistikat e Ujit.

Përsa i përket klasifikimit statistikor të njësive territoriale, është transmetuar në Eurostat lista e njësive administrative lokale LAU (Local Administrative Unit) dhe klasifikimi Degurba (Shkalla e Urbanizimit). Në vitin 2024 ka nisur zbatimi i projektit statistikor mbi “Statistikat e Qytetit/informacioni gjeografik”. Gjatë vitit 2025 u përgatit i gjithë informacioni hartografik për publikimet e ndryshme të INSTAT-it, duke u bazuar në informacionin statistikor rajonal dhe gjeoinformacionin.

Figura 7 paraqet progresin e numrit të data points për secilën fushë statistikore, të dërguar në Eurostat, krahasuar me një vit më parë.

Figura 7. Data points 2024 -2025



## II.2 Censi i Popullsisë dhe Banesave

Në periudhën Janar - Prill 2025 u prodhuan dhe integruan në Px-Web dhe gjeo-databazë tregues rajonalë mbi popullsinë, lindshmërinë dhe statusin martesor. U hartuan produkte hartografike për publikim në nivele rajonale dhe administrative, si dhe u përgatitën të dhëna për analiza tematike të thelluara dhe për vlerësimin e projeksioneve të popullsisë.

Në periudhën Maj-Gusht 2025 u prodhuan dhe integruan treguesit rajonalë, si dhe u punua për zhvillimin e analizave tematike për grupe specifike të popullsisë: “Të rinjtë dhe fëmijët”, “Romët dhe Egjiptianët” dhe “Profil i personave me aftësi të kufizuara në Shqipëri”. Në dhjetor të vitit 2025 u publikua analiza tematike “Të rinjtë dhe fëmijët” bazuar në të dhënat e CENS 2023.

Gjatë periudhës shtator-dhjetor 2025 u finalizuan treguesit rajonalë dhe integrimi i tyre në sistemet e shpërndarjes. Ka vijuar puna për vlerësimin e projeksioneve të popullsisë bazuar në të dhënat e Censit 2023, përmes përditësimit të hipotezave sipas varianteve të ulët, mesëm dhe të lartë, për komponentët bazë të ndryshimit demografik (lindjet, vdekjet dhe migracionin), në përputhje me trendet historike.

Platforma Geodata Hub (<https://geodatabus.instat.gov.al/>) dhe WebGIS (<https://instatgis.gov.al/>) është përditësuar me 30 tregues të rinj nga Censi 2023 dhe me afro 30 tregues rajonalë (të detajuar në nivel qarku dhe bashkie) nga Vjetari Rajonal Statistikor. Në vitin 2025, INSTAT-i ka publikuar në platformën WebGIS edhe të dhënat e popullsisë (popullsia gjithsej), sipas rrjetit të qelizave prej 1km<sup>2</sup> sipas Censit 2023.

Për sa i takon statistikave rajonale, INSTAT-i ka publikuar “Dashbordin e Bashkive” me tregues vetëm në nivel bashkie me burim të dhënash Censin e Popullsisë dhe Banesave si edhe burime administrative apo

nga vrojtimet statistikore. “Dashbordi i Bashkive” ofrohet në dy gjuhë, shqip dhe anglisht, për t’i ardhur në ndihmë përdoruesve dhe institucioneve publike.

Në kuadër të publikimeve në platformat online, INSTAT-i ka ndërtuar në vitin 2025 dhe një “story map” për statistikën e turizmit.

## II.3 Censi i Bujqësisë

INSTAT ka punuar për përgatitjet e realizimit të Censit të Bujqësisë, një ndër aktivitetet statistikore më të rëndësishme kombëtare, i cili synon të sigurojë të dhëna të përditësuara dhe gjithëpërfshirëse mbi strukturën e fermave bujqësore, përdorimin e tokës, blegtorinë dhe aktivitetet e lidhura me sektorin bujqësor.

Projektligji “Për Censin e Bujqësisë” është përgatitur nga INSTAT-i dhe gjatë vitit 2025 i është nënshtruar procedurave të bashkërendimit, të cilat përkojnë me fazën përpara miratimit nga Këshilli i Ministrave për dërgimin si propozim për Kuvend.

Për kryerjen e Censit të Bujqësisë, INSTAT ka bashkëpunuar ngushtë me Ministrinë e Bujqësisë dhe Zhvillimit Rural, me qëllim vënien në dispozicion të regjistrave administrative, finalizimin e dokumenteve strategjike të Censit dhe përgatitjen e pyetësorit. Bashkëpunimi institucional është zgjeruar me Agjencinë e Zhvillimit Bujqësor dhe Rural, Ministrinë e Financave, dhe paralelisht është planifikuar mbështetja teknike dhe profesionale me fondet e Bashkimit Europian. Konkretisht, mbështetja e Komisionit Evropian është përqendruar në forcimin e komponentit metodologjik dhe në zhvillimin e aplikacionit elektronik për grumbullimin e të dhënave, bazuar në metodën CAPI.

Në kuadër të punëve përgatitore, janë zhvilluar takime dhe misione ekspertësh të huaj për të diskutuar në mënyrë të detajuar përmbajtjen e pyetësorit, logjikën e tij dhe aspektet teknike të zbatimit.

Rekomandimet e dala nga këto misione janë reflektuar në mënyrë sistematike, duke përfshirë rishikimin e kushteve logjike, përditësimin e pyetjeve dhe përkthimin e pyetësorit dhe variablave në shqip, si dhe verifikimin e përputhshmërisë së plotë me kërkesat rregullatore të BE-së.

Në vijim, puna përgatitore për Censin e Bujqësisë do të vazhdojë në mënyrë të koordinuar ndërmjet njësive përkatëse të INSTAT dhe institucioneve partnere, me qëllim finalizimin e plotë të pyetësorit dhe përmbushjen e të gjitha kërkesave metodologjike, ligjore dhe teknike për realizimin me sukses të Censit të Bujqësisë, për vitin e referencës 2026. Pyetësori dhe rishikimi sipas moduleve konsiston në vlerësimin e variablave për t’u përafëruar me rregulloren zbatuese të BE-së nr. 2024/2914.

### III. INTEGRIMI EVROPIAN

Si koordinator i Sistemit Kombëtar Statistikor dhe institucion përgjegjës për Kapitullin 18 "Statistikat", INSTAT bashkërendon punën për ndjekjen dhe zbatimin e rregulloreve evropiane në prodhimin e statistikave zyrtare. Rekomandimet e Komisionit Evropian dhe vlerësimet e ndryshme nga Eurostat për statistikave zyrtare, janë instrumentet kryesorë ku institucioni mbështetet për hartimin e planeve të punës.

Pas marrjes së dokumentit "Qëndrimi i përbashkët i BE-së - Grupi 1: "Themelorët", i cili paraqiti qëndrimin zyrtar të përbashkët të të gjitha shteteve anëtare, u identifikuan 2 piketa mbyllëse për Kapitullin 18 "Statistikat" të cilat kanë të bëjnë me:

**Piketa 1:** Transmetimin e të dhënave kryesore makroekonomike (llogaritë kombëtare dhe statistikave fiskale/ GFS dhe EDP) në përputhje me metodologjinë e Sistemit Evropian të Llogarive Kombëtare dhe Rajonale (ESA 2010), dhe me programin e transmetimit të ESA 2010, kërkesat e njoftimit sipas Procedurës së Deficitit të Tejkualuar (EDP) dhe kërkesat e tjera përkatëse, së bashku me përshkrimin e detajuar të metodologjisë së përdorur. Vetëm pasi të ketë verifikuar të dhënat dhe përshkrimet e paraqitura, Eurostat do të konfirmojë përputhjen e tyre me rregullat e BE-së në lidhje me afatin e dorëzimit, plotshmërinë, koherencën, transparencën dhe saktësinë.

**Piketa 2:** Miratimin e një udhërrëfyese dhe plan veprimi për mbylljen e boshllëqeve të mbetura në të gjitha tabelat sipas sistemit të Llogarive Kombëtare ESA 2010.

Piketa mbyllëse "statistikave makroekonomike" përfshin të gjithë veprimtarinë e SKS dhe jo vetëm veprimtarinë e INSTAT. Gjatë vitit 2025, si pjesë e grupit ndërinstitucional për ESA dhe EDP, INSTAT, Banka e Shqipërisë dhe Ministria e Financave punuan mbi inventarizimin e nevojave, boshllëqeve dhe identifikimin e institucioneve nga të cilat kërkohej mbështetja.

**Kapitulli 18 "Statistikat"** parashikon edhe transpozim në legjislacionin kombëtar dhe INSTAT punoi për përafrimin e disa akteve ligjore si vijon:

- o Projektudhëzimi i Drejtorit të Përgjithshëm të INSTAT "Për modalitetet, strukturën, periodicitetin dhe vlerësimin e treguesve të cilësisë mbi të dhënat e transmetuara në Eurostat", miratuar nga Bordi Drejtues i INSTAT, vendimi nr. 13, datë 30.09.2025, "Për miratimin e Udhëzimit për mënyrat, strukturën, periodicitetin dhe treguesit e vlerësimit të raporteve të cilësisë për të dhënat e transmetuara në bazë të Rregullores (BE) nr. 549/2013 të Parlamentit Evropian dhe të Këshillit";
- o Projektudhëzimi i Drejtorit të Përgjithshëm të INSTAT "Për zbatimin e Rregullores 216/2009 mbi statistikave të zënieve nominale të peshkut nga shtetet anëtare që peshkojnë në zona të caktuara të ndryshme nga ato të Atlantikut të Veriut", miratuar nga Bordi Drejtues, nëpërmjet vendimit nr. 14, datë 30.09.2025, "Për miratimin e Udhëzimit për zbatimin e parimeve në statistikave të zënieve nominale të peshkut në zona të caktuara përveç atyre të Atlantikut të Veriut";
- o Projektudhëzimi i Drejtorit të Përgjithshëm të INSTAT "Për zbatimin e Rregullores 1889/2002 në lidhje me shpërndarjen e shërbimeve të ndërmjetësimit financiar të matur në mënyrë indirekte (FISIM) brenda Sistemit Evropian të Llogarive Kombëtare dhe Rajonale" (ESA 2010);
- o Projektudhëzimi i Drejtorit të Përgjithshëm të INSTAT "Për zbatimin e Rregullores së Statistikave të Biznesit";
- o Projektvendim i Këshillit të Ministrave "Për miratimin e Nomenklaturës së Veprimtarive Ekonomike, NVE Rev. 2.1", miratuar nga Këshilli i Ministrave, vendim nr. 552, datë 1.10.2025 "Për Miratimin e Nomenklaturës së Veprimtarive Ekonomike të Revizionuara (Rev. 2.1)".

Gjatë vitit 2025, në cilësinë e anëtarit të grupit negociator përgjegjës për Kapitullin 18 “Statistikat”, INSTAT mori pjesë dhe kontribuoi rregullisht në takimet periodike të Grupit Negociator, raportoi çdo tremujor pranë Zyrës së Kryenegociatorit dhe drejtoi mbledhjet periodike të GNPIE për Kapitullin 18 “Statistikat”.

### Progresi në përafrimin e standardeve të Kapitullit 18 “Statistikat”

Progresi i SKS për metodologjinë, prodhimin dhe shpërndarjen e informacionit statistikor sipas fushave statistikore është vlerësuar në Raportin e BE-së për Shqipërinë. Raporti paraqet rekomandimet e Komisionit Evropian të vitit të kaluar, të cilat janë zbatuar pjesërisht dhe për rrjedhojë, mbeten akoma të vlefshme.

Legjislacioni për statistikat zyrtare është vlerësuar në përputhje me standardet evropiane dhe respekton parimet e Kodit të Praktikës së Statistikave Evropiane, ndërkohë që pjesa më e madhe e klasifikimeve statistikore është në përputhje me standardet e BE-së.

Në vijim paraqiten vlerësimet, rekomandimet e BE-së për vitet 2024 dhe 2025 dhe hapat konkretë për përbushjen e tyre për secilin aspekt:

#### Vlerësim i përgjithshëm:

- Progres është arritur në përmirësimin e përpilimit të statistikave makroekonomike në përputhje me Sistemin Evropian të Llogarive Kombëtare dhe Rajonale (ESA 2010), në publikimin e të dhënave të detajuara të Censit të Popullsisë dhe Banesave 2023, si dhe në përmirësimin e transmetimit të të dhënave drejt Eurostat-it.
- Përsa i takon burimeve njerëzore, është konstatuar se INSTAT vazhdon të përballet me kufizime kapacitetshe dhe lëvizje të stafit.

| Rekomandimi i Progres raportit 2024                                                                                                                                 | Progresi i arritur                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
|---------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Të vijojë rritja, prodhimi dhe shpërndarja e të dhënave në kohë dhe me cilësi të lartë dhe të bëhen publike të dhënat e statistikave të financave qeveritare (GFS). | <ul style="list-style-type: none"> <li>✓ Statistikat Financiare të Qeverisë (GFS) dhe tabelat e Njoftimit të Procedurës së Deficitit të Tejkualuar (EDP) përpilohen në bashkëpunim me INSTAT, Ministrinë e Financave dhe Bankën e Shqipërisë. INSTAT ka vijuar punën në drejtim të përmirësimit të prodhimit statistikor të këtyre statistikave dhe transmetimit të tyre në Eurostat;</li> <li>✓ INSTAT për herë të parë transmetoi tabelat EDP/GFS 2021-2024 me statusin “Për publikim”, në Tetor 2025.</li> </ul>                                                                                                                                                                                                                                                                                                                                                                                                                                                                                                                          |
| Realizimi i Censit të Bujqësisë në përputhje me <i>acquis</i> të BE-së dhe standardet ndërkombëtare përkatëse.                                                      | <ul style="list-style-type: none"> <li>✓ Projektligji “Për Censin e Bujqësisë” është në proces bashkërendimi në Këshillin e Ministrave;</li> <li>✓ Delegacioni Evropian ofron mbështetje teknike mbi metodologjinë.</li> </ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                               |
| Sigurimi i stafit të mjaftueshëm në Institutin e Statistikave (INSTAT)                                                                                              | <ul style="list-style-type: none"> <li>✓ Struktura e re organizative e INSTAT është miratuar nga Kuvendi i Shqipërisë me Vendimin nr. 28/2025, datë 25.03.2025, “Për disa ndryshime në Vendimin nr. 127/2018, ‘Për miratimin e strukturës, organikës dhe kategorizimit të vendeve të punës së Institutit të Statistikave’. Numri total i punonjësve të INSTAT është 260 (211 punonjës në Qendër të INSTAT dhe 49 punonjës në zyrat rajonale), duke shënuar një rritje prej 24 pozicionesh të reja, krahasuar me strukturën e mëparshme, e cila kishte 236 pozicione;</li> <li>✓ Në bazë të Ligjit nr. 17/2018 “Për statistikat zyrtare” dhe Ligjit nr. 152/2013 “Për nëpunësin civil”, i ndryshuar, INSTAT gëzon autonomi si institucion publik i pavarur, për të zhvilluar procedurat e rekrutimit për personelin e vet;</li> <li>✓ Trajnimi i vazhdueshëm i stafit. INSTAT zhvillon trajnime për stafit për ngritjen e vazhdueshme të kapaciteteve profesionale në funksion të prodhimit të statistikave në kohë dhe me cilësi.</li> </ul> |

## Teknologjia e Informacionit

**Vlerësim:** Përsa i takon teknologjisë, fokus i veçantë i është kushtuar sigurisë kibernetike. Komisioni ka sugjeruar që INSTAT duhet të vijojë investimet në infrastrukturën e tij të IT-së.

| Rekomandimi i Progres raportit 2024                                                                                | Progresi i arritur                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                    |
|--------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| INSTAT duhet të vijojë investimet në infrastrukturën e tij të IT-së, veçanërisht në fushën e sigurisë kibernetike. | <ul style="list-style-type: none"> <li>✓ Gjatë vitit 2025, INSTAT ka punuar për forcimin e sigurisë kibernetike dhe qëndrueshmërisë së infrastrukturës IT, duke konsoliduar bazat për prodhimin, përpunimin dhe transmetimin e statistikave zyrtare.</li> <li>✓ Gjithashtu, janë realizuar investime të rëndësishme në aplikimin e licencave Microsoft 365 (E5) për rritjen e nivelit të mbrojtjes së identitetit, menaxhimin e pajisjeve dhe monitorimin e avancuar të kërcënimeve, si dhe në implementimin e një sistemi SIEM për monitorim të centralizuar të log-eve dhe identifikim proaktiv të incidenteve të sigurisë. Këto investime kanë kontribuar drejtpërdrejt në rritjen e kapaciteteve për parandalimin, zbulimin dhe reagimin ndaj rreziqeve kibernetike, në përputhshmërinë me kërkesat kombëtare dhe praktikatat më të mira të ESS në fushën e sigurisë së informacionit.</li> </ul> |

## Statistika Makroekonomike

**Vlerësim:** Shqipëria përfundoi rishikimin bazë (*benchmark revision*) të llogarive kombëtare vjetore dhe tremujore që nga viti 1995, si dhe rishikoi statistikën e financave të qeverisë (GFS) për serinë kohore 2010–2023.

| Rekomandimi i Progres raportit 2024                                                                                                                                                                                              | Progresi i arritur                                                                                                                                                                                                                                                                                                                                                                                                                                                                                                                                                                                                                                                                                                                                                         |
|----------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Nevojiten përpjekje të mëtejshme për të përpiluar dhe transmetuar të dhëna plotësisht në përputhje me ESA 2010.                                                                                                                  | <ul style="list-style-type: none"> <li>✓ Intensifikimi i punës në drejtim të rritjes së Përputhshmërisë së Llogarive Kombëtare me kërkesat ESA 2010 - Programi i Transmetimit;</li> <li>✓ Përmirësimi i afateve kohore (Llogaritë Kombëtare Vjetore, Llogaritë sipas Sektorëve Institucionalë, Tabelave Burim - Përdorimeve dhe Llogarive Rajonale);</li> <li>✓ Vlerësimi i Llogarive Rajonale mbështetur në rezultatet e Rishikimit Madhor 2024 në të cilin u krye transmetimi i plotë në seri kohore; në Nëntor 2025;</li> <li>✓ Plotësimi i metadatave respektive sipas kërkesave të rregullores 2023/734 në të gjitha transmetimet e kryera në Eurostat, gjatë vitit 2025;</li> <li>✓ Zbatimi i Projekteve statistikore ku Llogaritë Kombëtare bëjnë pjesë.</li> </ul> |
| Në veçanti, kërkohet progres në përpilimin dhe transmetimin e të dhënave për Procedurën e Deficitit të Tepruar (EDP) dhe GFS në përputhje me ESA 2010, si dhe në adresimin e anomalive të konstatuara në të dhënat e raportuara. | <ul style="list-style-type: none"> <li>✓ Statistikat Financiare të Qeverisë (GFS) dhe tabelat e Njoftimit të Procedurës së Deficitit të Tejkualuar (EDP) përpilohen nga bashkëpunimi i INSTAT me Ministrinë e Financave dhe Bankën e Shqipërisë. INSTAT ka vijuar punën në drejtim të përmirësimit të prodhimit statistikor të këtyre statistikave dhe transmetimit të tyre në Eurostat.</li> </ul>                                                                                                                                                                                                                                                                                                                                                                        |
| Etiketimi i të dhënave GFS të dërguara në Eurostat si “jo të publikueshme”, vazhdon të ngrejë shqetësime serioze lidhur me transparencën.                                                                                        | <ul style="list-style-type: none"> <li>✓ INSTAT transmetoi për herë të parë tabelat EDP/GFS 2021-2024 me statusin “për publikim”, në Tetor 2025.</li> </ul>                                                                                                                                                                                                                                                                                                                                                                                                                                                                                                                                                                                                                |

## Statistikat Sektoriale

**Vlerësim:** Janë konstatuar mangësi në të dhënat e tregtisë ndërkombëtare të mallrave, investimet e huaja direkte dhe pozicionin ndërkombëtar të investimeve. Statistikat e energjisë janë pjesërisht të harmonizuara.

| Rekomandimi i Progres raportit 2024                                                                                    | Progresi i arritur                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                          |
|------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Mangësi në të dhënat e investimeve të huaja direkte dhe pozicionin ndërkombëtar të investimeve.                        | ✓ Vlerësimi i fundit nga Eurostat, për të dhënat e transmetuara të investimeve të huaja direkte, është në nivelin e lartë të përputhshmërisë dhe për të dhënat e pozicionit ndërkombëtar të investimeve mbetet në nivelin mesatar të përputhshmërisë.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                       |
| Mangësi në të dhënat e tregtisë së jashtme të mallrave.                                                                | ✓ Realizimi i një misioni nga Eurostat për të testuar transmetimin e tabelave TEC.<br>✓ Testimi i transmetimi i tabelave mujore të tregtisë së jashtme të mallrave, duke siguruar përmbushjen e kërkesave të transmetimit.                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                  |
| Kërkohej punë e mëtejshme për arritjen e harmonizimit të plotë të statistikave të energjisë me <i>acquis</i> të BE-së. | ✓ Raportimi i statistikave të energjisë kryhet nga Agjencia Kombëtare e Burimeve Natyrore në përputhje me metodologjinë e Eurostat dhe brenda afateve të përcaktuara, në bashkëpunim me INSTAT-in.<br>✓ Raportimet vjetore (Aneksi B) dhe raportimet mujore (Aneksi C) janë funksionale dhe zbatohen rregullisht.<br>✓ Raportimet afatshkurtra (Aneksi D) kanë filluar nga Janari 2025, por ndodhen ende në fazë konsolidimi për shkak të vonësve në sigurimin e të dhënave nga operatorë të veçantë.<br>✓ Sa i përket stoqeve, cilësia dhe plotësia e të dhënave përbëjnë një sfidë në proces përmirësimi, por nuk përbëjnë mos-përafrim me rregulloren, pasi raportimi kryhet sipas metodologjisë, strukturës dhe afateve të përcaktuara nga BE.<br>✓ Edhe pse mungon një kuadër rregullator i brendshëm, zbatimi metodologjik dhe praktik është në funksion.<br>✓ Rregullorja e BE-së për statistikave të energjisë zbatohet në praktikë në një nivel të lartë (rreth 85%), me raporte funksionale sipas metodologjisë së Eurostat, ndërsa përafrimi ligjor dhe konsolidimi i disa elementeve mbeten për t'u finalizuar. |

## Statistikat Ekonomike

**Vlerësim:** Në kategorinë e statistikave të biznesit, statistikave afatshkurtra aktualisht prodhohen. Megjithatë, disa grupe të dhënash ende nuk transmetohen në Eurostat.

| Rekomandimi i Progres raportit 2024                                             | Progresi i arritur                                                                                                                                                                                                                                                                                                                                                                                                                                                                                                                                                                                                                                                                                                                                        |
|---------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Mangësi në të dhëna mbeten në fushat e statistikave për kërkim-zhvillimin (R&D) | ✓ INSTAT vijoi përmirësimin e statistikave mbi kërkimin shkencor dhe inovacionin, duke forcuar bashkëpunimin me institucionet e arsimit të lartë, institucionet publike dhe ndërmarrjet private, me qëllim rritjen e mbulueshmërisë dhe cilësisë së të dhënave;<br>✓ INSTAT përditësoi pyetësorët në përputhje me standardet ndërkombëtare të përcaktuara në Manualin Frascati dhe Manualin Oslo, duke garantuar harmonizim metodologjik dhe saktësi më të lartë në matjen e treguesve;<br>✓ INSTAT zgjeroi gjithashtu gamën e treguesve të publikuar dhe vijoi transmetimin e rregullt të statistikave mbi fondet buxhetore për kërkim dhe zhvillim (GBARD) pranë Eurostat-it, duke kontribuar në harmonizimin e statistikave kombëtare me ato të BE-së. |

## Statistikat Sociale

**Vlerësim:** Përsa i takon statistikave sociale, rezultatet përfundimtare të censit në nivele të ndryshme territoriale u publikuan në vitin 2024. Statistikat e kimit publikohen çdo vit.

| Rekomandimi i Progres raportit 2025                                                                                                                | Progresi i arritur                                                                                                                                                                                                                                                                                                                                                                                                                                                                                                                                                                                                    |
|----------------------------------------------------------------------------------------------------------------------------------------------------|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Duhet të vijojnë analizat tematike të dhënave të censit.                                                                                           | <ul style="list-style-type: none"> <li>✓ Në periudhën Maj–Gusht 2025 u zhvilluan analiza tematike për grupe specifike të popullsisë, si: <ul style="list-style-type: none"> <li>- “Të rinjtë dhe fëmijët”</li> <li>- “Romët dhe Egjiptianët”</li> <li>- “Profil i personave me aftësi të kufizuara në Shqipëri”</li> </ul> </li> <li>✓ Publikimi i analizave tematike “Të rinjtë dhe fëmijët”, në dhjetor 2025, bazuar në të dhënat e Censit 2023.</li> </ul>                                                                                                                                                         |
| Duhet të zbatohet metodologjia e Anketës së Forcave të Punës të BE-së 2021 dhe duhet të rikthehet transmetimi i rregullt i të dhënave në Eurostat. | <ul style="list-style-type: none"> <li>✓ Gjatë vitit 2025, INSTAT ndërmori hapa përgatitorë për zbatimin e metodologjisë së re të Anketës së Forcave të Punës sipas rregullores së Bashkimit Evropian 2019/1700 dhe akteve zbatuese përkatëse.</li> <li>✓ Rishikimi dhe përshtatja e pyetësorit në përputhje me konceptet dhe përkufizimet e BE-së, zhvillimi i versionit elektronik (CAPI/CATI) me kontrolle logjike dhe validime për të garantuar cilësinë e të dhënave;</li> <li>✓ Përgatija për pilotimin e metodologjisë së re dhe hartimi i dokumentacionit për angazhimin e ekspertizës së jashtme.</li> </ul> |

## Statistikat e Bujqësisë

**Vlerësim:** Statistikat e bujqësisë janë pjesërisht të harmonizuara me *acquis* të BE-së. Censi i Bujqësisë është shtyrë për vitin 2026.

| Rekomandimi i Progres raportit 2025                                         | Progresi i arritur                                                                                                                                                                                                                                                        |
|-----------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------|
| Përditësimi i planit të punës dhe buxhetit të Censit të Bujqësisë.          | <ul style="list-style-type: none"> <li>✓ INSTAT ka rishikuar planin e punës, në përputhje me vitin e realizimit të tij;</li> <li>✓ INSTAT ka rishikuar projekt-Buxhetin e Censit dhe ka paraqitur kërkesat përkatëse buxhetore sipas legjislacionit financiar.</li> </ul> |
| Sigurimi i miratimit të ligjit për Censin e Bujqësisë                       | <ul style="list-style-type: none"> <li>✓ Projektligji “Për Censin e Bujqësisë” pritet të miratohet nga Kuvendi i Shqipërisë gjatë vitit 2026.</li> </ul>                                                                                                                  |
| Finalizimi i pyetësorit dhe logjistikës së nevojshme për Censin e Bujqësisë | <ul style="list-style-type: none"> <li>✓ Draft-pyetësori është përfunduar dhe po konsultohet me asistencën teknike.</li> <li>✓ INSTAT po zhvillon platformën elektronike për grumbullimin e informacionit në terren.</li> </ul>                                           |

## Statistikat e Mjedisit

**Vlerësim:** Statistikat mjedisore janë pjesërisht të harmonizuara me *acquis* të BE-së. Pavarësisht disa përmirësimeve në këtë fushë, nevojiten përpjekje të mëtejshme për përputhje të plotë me *acquis*.

| Rekomandimi i Progres raportit 2025                                                                                                                           | Progresi i arritur                                                                                                                                                                                                                                                                                                                                                                                                                 |
|---------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Shqipëria duhet të nisë përpilimin e llogarive të sektorit të mallrave dhe shërbimeve mjedisore, si dhe të llogarive të shpenzimeve për mbrojtjen e mjedisit. | <ul style="list-style-type: none"> <li>✓ Gjatë vitit 2025 është shënuar progres në drejtim të identifikimit dhe strukturimit të burimeve ekzistuese të të dhënave për Mbrojtjen e Mjedisit (EPEA) dhe Llogarive të Sektorit të Mallrave dhe Shërbimeve Mjedisore (EGSS).</li> <li>✓ Arritja kryesore për vitin 2025 ishte mbyllja e fazës përgatitore drejt zbatimit konkret të aktiviteteve metodologjike dhe teknike.</li> </ul> |

## Statistikat e Transportit

| Rekomandimi i Progres raportit 2025                                                                                                                                            | Progresi i arritur                                                                                                                                                                                                                                                                                                                                                                                                                                                  |
|--------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Përpjekje të konsiderueshme duhet të bëhen në statistikat e transportit, përfshirë organizimin e anketës në shkallë të plotë për transportin rrugor të mallrave në vitin 2026. | <ul style="list-style-type: none"> <li>✓ Në vitin 2025, është realizuar pilotimi i anketës për transportin rrugor të mallrave.</li> <li>✓ Realizimi në shkallë të plotë për vitin 2026 do të kryhet menjëherë sapo të sigurohet informacioni i plotë nga Drejtoria e Përgjithshme e Shërbimit të Transportit Rrugor, informacion i cili është përfshirë edhe në memorandumun e nënshkruar ndërmjet dy institucioneve për zhvillimin e anketës në terren.</li> </ul> |

## Kontributi i INSTAT në Nënkomitete

Gjatë vitit 2025, INSTAT kontribuoi në Nënkomitetet si vijon:

- Nënkomiteti i 17-të, i "Çështjeve Ekonomike, Financiare dhe Statistikat, ECOFIN";
- Nënkomiteti i 17-të, BE-Shqipëri për Bujqësinë, Peshkimin dhe Akuakulturën,
- Nënkomiteti i 16-të "Tregtia, Industria, Doganat dhe Tatimet";
- Nënkomiteti i 17-të "Inovacioni, Shoqëria e Informacionit dhe Politikat Sociale".

Në Nënkomitetin e 17-të, të Çështjeve Ekonomike, Financiare dhe Statistikave, ECOFIN, organizuar më datë 25 Shtator 2025, INSTAT raportoi mbi:

- Zhvillimet e fundit të Sistemit Kombëtar Statistikor, legjislacionit dhe kapacitetet administrative. Gjendja aktuale për vendet vakante në INSTAT dhe procedura e rekrutimit sipas ligjit për nëpunësin civil; Gjendja aktuale e përgatitjes së Marrëveshjes së re të Bashkëpunimit ndërmjet INSTAT dhe Bankës së Shqipërisë, dhe Marrëveshjes së rishikuar të Bashkëpunimit ndërmjet INSTAT, Ministrisë së Financave dhe Bankës së Shqipërisë;
- Zhvillimet e fundit në fushën e statistikave ekonomike – Përditësim mbi Piketat Mbyllëse të Statistikave Makroekonomike (Llogaritë Kombëtare dhe EDP & GFS) 18.1 dhe 18.2;
- Përditësim mbi analizën tematike të Censit të Popullsisë dhe Banesave 2023 – Planet për regjistrat e popullsisë, ndërtesave dhe banesave;
- Përparimet e fundit në statistikat sektoriale – statistikat e bujqësisë, planet për Censin e Bujqësisë 2026 (duke përfshirë përgatitjen e ligjit dhe sigurimin e fondeve). Përditësim mbi Censin e Bujqësisë;

Në Nënkomitetin e 17-të, “Bujqësia dhe Peshkimi, Agrifish”, të organizuar më datë 3 Dhjetor 2025, INSTAT raportoi sipas agjendës si vijon:

- Censi i Bujqësisë 2026 – situata aktuale mbi përgatitjet në kuadër të aktivitetit;
- Zhvillimet më të fundit në tregtinë bilaterale të peshkut dhe të produkteve të peshkut (shkëmbim i statistikave – të shprehura në euro dhe ton, bazuar në të dhënat e BE-së (27) nën regjimin 1 statistikor të tregtisë normale, statistikave të produkteve bazike dhe PAPs).

Në Nënkomitetin e 16-të, “Tregtia, Industria, Doganat dhe Tatimet”, të organizuar më datë 23 – 24 Tetor 2025, INSTAT dhe Banka e Shqipërisë raportuan mbi:

- Shkëmbimet e statistikave të tregtisë së mallrave;
- Statistikat për tregtinë e shërbimeve;
- Statistikat mbi investimet e huaja direkte;
- Statistikat e tregtisë së mallrave me vendet e BE-së, CEFTA-s, Rosisë dhe Ukrainës.

Në Nënkomitetin e 17-të, “Inovacioni, Shoqëria e Informacionit dhe Politikat Sociale”, të organizuar më 25 Shkurt 2025, INSTAT raportoi mbi:

- Disponueshmëria e të dhënave të INSTAT lidhur me Anketën e Forcave të Punës;
- Statistikat mbi të ardhurat dhe kushtet e jetesës (EU-SILC) – datat e publikimit, disponueshmëria e të dhënave në INSTAT.

## IV. NDËRVEPRIMI ME PARTNERËT NDËRKOMBËTARË

Duke e konsideruar me rëndësi strategjike forcimin e ndërveprimit me partnerët ndërkombëtarë, jo vetëm për të qenë të përditësuar me modernizimet e proceseve statistikore, por edhe për të aplikuar praktikat më të mira të prodhimit, INSTAT vijon të angazhohet në pjesëmarrjen në forume për paraqitjen e raporteve, ideve dhe studimeve në arenën ndërkombëtare. Për vitin 2025, tematikat kryesore të fushës janë si më poshtë vijon:

- 28 Shkurt - 7 Mars 2025 – INSTAT mori pjesë në “Sesionin e 56-të të Komisionit Statistikor të Kombeve të Bashkuara”, si dhe në seminarin e Sesionit, i cili u organizua në Nju Jork, Shtetet e Bashkuara të Amerikës. Gjatë sesionit u miratuan dy rezoluta të rëndësishme si më poshtë, ku dhe INSTAT ishte pjesë e negociatave:
  - Programi Botëror i Censit të Popullsisë dhe Banesave 2030, i cili synon sigurimin e të dhënave gjithëpërfshirëse dhe cilësore për hartimin e politikave të bazuara në prova;
  - Sistemi i Llogarive Kombëtare 2025 (SNA 2025), që modernizon kuadrin e matjes ekonomike për të reflektuar më mirë ekonominë në zhvillim.

INSTAT mori pjesë aktivisht në diskutimet mbi qeverisjen e të dhënave, treguesit e SDG-ve, sigurimin e cilësisë, inovacionin në statistika dhe bashkëpunimin ndërkombëtar.

INSTAT si anëtar i Grupit të Nivelit të Lartë për Partneritet, Koordinim dhe Ndërtim të Kapaciteteve për Statistikat për Agjendën 2030 për Zhvillim të Qëndrueshëm, HLG-PCCB gjatë vitit 2025 ka bashkëdrejtuar takimet e grupit ku janë diskutuar tematikat kryesore, si vijon:

### Takimi i 37-të, 2 Mars 2025, UNHQ, New York

- Diskutim mbi prioritetet strategjike për vitin 2025;
- Koordinim për forcimin e partneriteteve globale për të dhënat e SDG;
- Përgatitje për aktivitetet e Forumit Botëror të të Dhënave.

### Takimi i 38-të, 6 Maj 2025 (Virtual)

- Vlerësim i progresit në zbatimin e planit të punës 2025;
- Diskutime mbi mobilizimin e burimeve dhe ndërtimin e kapaciteteve statistikore.

### Komiteti i Programit të Forumit Botëror të të Dhënave 2025–2026, 19 Maj – 16 Qershor 2025

- Hapja e thirrjes për aplikime nga komunitetet e të dhënave dhe statistikave;
- Angazhim për përfshirje më të gjerë të aktorëve ndërkombëtarë në programimin e Forumit.

### Takimi i 39-të, 23 Qershor 2025 (Virtual)

- Rishikim i progresit të përgatitjeve për aktivitetet ndërkombëtare;
- Diskutim mbi inovacionin në të dhëna dhe partneritetet shumëpalëshe.

### Takimi i 40-të, 10 Nëntor 2025, Riyadh, Arabia Saudite

- Analizë e progresit global në zbatimin e agjendës së të dhënave për SDG;
- Forcimi i bashkëpunimit ndërmjet vendeve dhe organizatave ndërkombëtare.
- Orientime strategjike për prioritetet 2026.

11-12 Mars 2025, në Gjenevë, Zvicër, INSTAT mori pjesë dhe raportoi në takimin me temë “Shqyrtimi i Raportit të 3-të Periodik të Shqipërisë nga Komiteti për të Drejtat e Njeriut CCPR”.

- 16-18 Qershor 2025 – Sesioni Plenar i 73-të i Konferencës së Statisticienëve Evropianë (CES), në Gjenevë. Shqipëria, si drejtuese e workshop-it mbi Etikën në Organizatat Moderne Statistikore, paraqiti rezultatet dhe prioritetet e ardhshme në këtë drejtim. INSTAT ndau me vendet e tjera perspektivën mbi zbatimin e Sistemit të Llogarive Kombëtare 2025 (SNA2025).

- Në datat 13-17 Korrik në San Diego, Shtetet e Bashkuara të Amerikës, INSTAT mori pjesë në konferencën me temë “Përdorimi i Teknologjive Transformuese për t’u shërbyer më mirë palëve të interesuara”. Për sistemin modern të ngritur “Geodata Hub”, INSTAT u vlerësua me çmimin “Special Achievement in GIS (SAG Award)” në Konferencën Botërore të Përdoruesve të softuerit ESRI, për arritjet e jashtëzakonshme në fushën e Gjeoinformacionit dhe përdorimin e teknologjisë GIS.
- Me datë 20 Tetor, me rastin e Ditës Botërore dhe Evropiane të Statistikave, Instituti i Statistikave organizoi në Tiranë Konferencën me temë “Statistika të Besueshme për Anëtarësimin në BE – Përparimi i Shqipërisë në Kapitullin 18, Statistikat drejt Integritetit Evropian.” Ky aktivitet u zhvillua me mbështetjen e Agjencisë Zvicerane për Zhvillim dhe Bashkëpunim (SDC) dhe mbledhi së bashku përfaqësues të institucioneve ndërkombëtare, të botës akademike, mediave, studentëve dhe aktorë të rëndësishëm të fushës së statistikave.
- Me datë 8 Dhjetor 2025, u zhvillua Takimi i Komitetit Ekzekutiv (EXCOM) ku u prezantua Programi vjetor Statistikor i UNECE. INSTAT raportoi në emër të Byrosë së Konferencës së Statistikave Evropiane në rolin e zëvendës drejtuesit. Prezantimi paraqiti arritjet kryesore të vitit 2025 dhe planet prioritare për vitin 2026, si dhe kërkesat për vendimmarrje nga EXCOM.

Gjithashtu, INSTAT ka vijuar kontributin në takimet e nivelit të lartë, në nivel ndërkombëtar, si më poshtë:

- Në takimet periodike të organizuara nga Divizioni Statistikor i Kombeve të Bashkuara, si bashkëdrejtues i Grupit të Nivelit të Lartë për Partneritet, Koordinim dhe Zhvillim të kapaciteteve për statistikë, Agjenda 2030 për zhvillim të qëndrueshëm – HLG PCCB;
- Në Komitetin e Programit për organizimin e Forumeve Botërore të të Dhënave të Kombeve të Bashkuara;
- Si zëvendës drejtues i Byrosë së Konferencës së Statisticienëve Evropianë të UNECE për vitet 2023-2025;
- Në takimin e Grupit të Nivelit të Lartë për Modernizimin e Statistikave Zyrtare (HLG-MOS) të UNECE;
- Në takimin e Grupit të Modernizimit për Aftësitë dhe Komunikimin;
- Në Grupin Drejtues të OZHQ-ve të UNECE.

## IV.1 Bashkëpunimi nëpërmjet Programeve dhe Projekteve

Një pjesë e konsiderueshme e zhvillimit të statistikave zyrtare në vend është realizuar në kuadër të bashkëpunimit dhe mbështetjes së ofruar nga Bashkimi Evropian, Sida (Agjencia Suedeze për Bashkëpunim Ndërkombëtar), Zyra e Bashkëpunimit Zviceran për Zhvillim dhe Bashkëpunim (SDC) në bashkëpunim me Zyrën Federale të Statistikave (FSO), dhe Kombet e Bashkuara. Në vijim paraqitet informacioni më i detajuar në lidhje me ecurinë e bashkëpunimeve gjatë vitit 2025 dhe sektorët ku është fokusuar mbështetja.

### 1. Programi i Bashkëpunimit Statistikor Shumëpërfitues – IPA 2022

Gjatë vitit 2025 ka vijuar zbatimi i Programit IPA shumëpërfitues 2022, i cili ka nisur në Janar 2024 dhe pritet të përfundojë në Dhjetor 2027. Mbështetja në kuadër të këtij programi përqendrohet në 15 fusha statistikore, ku ndër përfituesit përfshihet edhe Banka e Shqipërisë si partner i asociuar.

Fushat prioritare të mbështetjes përfshijnë: Statistikat Financiare të Qeverisë dhe Deficitin e Tejkualuar, Indeksin e Harmonizuar të Çmimeve të Konsumatorëve (HICP) dhe Indeksin e Çmimeve të Banesave (HPI), Barazitë e Fuqisë Blerëse (PPP), Statistikat Afatshkurtra dhe Strukturore të Biznesit, Statistikat e Transportit, Vrojtimin e Forcës së Punës, Vrojtimin e të Ardhurave dhe Nivelit të Jetesës, Sistemin e Integruar Evropian për Mbrojtjen Sociale, Llogaritë Ekonomike të Mjedisit, Statistikat e Ujit, Menaxhimin e Cilësisë, Zhvillimin e Qëndrueshëm, Statistikat e Qytetit dhe Informacionin Gjeografik, si dhe Investimet e Huaja Direkte, për të cilat përfitues është Banka e Shqipërisë. Theksi është vendosur në përmirësimin e cilësisë së prodhimit statistikor dhe të transmetimit të të dhënave, ofrimin e asistencës teknike, si dhe forcimin e kapaciteteve profesionale të stafit të INSTAT.

## **2. Projekti “Financim direkt për të mbështetur INSTAT për kryerjen e Censit të Popullsisë dhe Banesave 2022”**

Në Maj 2025, ka përfunduar zbatimin marrëveshja e Grantit nr. 12550, e nënshkruar ndërmjet Ambasadës Suedeze dhe INSTAT-it, me objekt mbështetjen për realizimin e Censit të Popullsisë dhe Banesave 2022. Gjatë zbatimit të këtij projekti, mbështetja është përqendruar kryesisht në forcimin e infrastrukturës TI dhe rritjen e sigurisë së të dhënave të Censit, duke mundësuar garantimin e një infrastrukture të qëndrueshme për përpunimin dhe administrimin e të dhënave të Censit.

## **3. Projekti “Statistika të Forta Vendore Shqiptare (SALSTAT)”**

Projekti “Mbështetje për Statistika të Forta Vendore Shqiptare” (SALSTAT) është pjesë e programit “Bashki të Forta”, financuar nga Agjencia Zvicerane për Zhvillim dhe Bashkëpunim. SALSTAT-i është një projekt bashkëpunimi ndërmjet Zyrës Statistikore Federale Zvicerane dhe INSTAT-it, me qëllim sigurimin e përmirësimit të statistikave në nivel lokal dhe rajonal, në mënyrë që bashkitë t’i ofrojnë qytetarëve shërbime efektive, eficiente dhe gjithëpërfshirëse.

Gjatë vitit 2025 fokusi ka qenë në rritjen e kapaciteteve të stafit të bashkive, zyrave rajonale dhe përfaqësuesve të Agjencisë për Mbështetjen e Vetëqeverisjes Vendore. Gjithashtu, është punuar për krijimin e Regjistrat Statistikor të Ndërtesave dhe Banesave, si dhe i Regjistrat Statistikor të Popullsisë Rezidente, të cilët do të shërbejnë si burime të rëndësishme për prodhimin e statistikave vjetore mbi popullsinë dhe banesat në të ardhmen.

## **4. Asistencë Teknike nga BE për Censin e Bujqësisë**

INSTAT ka përfituar mbështetje nga Bashkimi Evropian për realizimin e Censit të Bujqësisë nëpërmjet nënshkrimit të një “Marrëveshjeje kuadër” me kohëzgjatje nga 18 Dhjetor 2023 deri në 31 Dhjetor 2026. Mbështetja e ofruar përfshin asistencë metodologjike, me fokus në hartimin dhe draftimin e pyetësorit të Censit të Bujqësisë, si dhe një komponent TI, i orientuar drejt zhvillimit të aplikacioneve për mbledhjen e të dhënave nëpërmjet metodave digjitale. Gjatë vitit 2025 është përfunduar drafti i parë i pyetësorit. Në vijim, mbështetja do të përqendrohet në zhvillimin, testimin dhe implementimin e aplikacionit IT për mbledhjen e të dhënave, me qëllim sigurimin e një procesi efikas, të standardizuar dhe të besueshëm të mbledhjes së informacionit statistikor.

## **5. Mbështetje për Forcimin e Prodhimit, Përdorimit dhe Shpërndarjes së Statistikave Gjinore**

Projekti, i mbështetur nga Kombet e Bashkuara (UN Women), i cili ka nisur në Tetor 2025 dhe përfundon më 30.09.2027, ka si qëllim zhvillimin e mëtejshëm të statistikave gjinore. Mbështetja do të ndikojë në përmirësimin e ndarjes gjinore të të dhënave, pasurimin e publikimit “Gratë dhe Burrat në Shqipëri” dhe të versionit interaktiv, zhvillimin e seksionit të barazisë gjinore në platformën PX-Web të INSTAT, si dhe përgatitjen e analizave të thelluara me perspektivë gjinore.

Projekti synon evidentimin e pabarazive strukturore dhe mbështetjes së hartimit të politikave të bazuara në të dhëna për avancimin e barazisë gjinore në Shqipëri.

Gjatë vitit 2025 në kuadër të projektit është punuar për përgatitjen e listave të treguesve gjinorë dhe gjenerimin e treguesve gjinorë nga dataset-et e Censit 2023, SILC-ut dhe Anketës së Forcave të Punës.

## V. OBJEKTIVAT E ZHVILLIMIT TË QËNDRUESHËM (OZHQ)

INSTAT vazhdon t'i kushtojë një rëndësi të veçantë zbatimit të Agjendës 2030 për Objektivat e Zhvillimit të Qëndrueshëm, duke forcuar kapacitetet për prodhimin, përditësimin dhe shpërndarjen e treguesve. Aktualisht prodhohen 66 tregues statistikorë, të publikuar në platformën kombëtare për OZHQ-të: <https://www.instat.gov.al/sq/sdgs/>.

Gjatë vitit 2025, INSTAT është fokusuar në përmirësimin e cilësisë dhe krahasueshmërisë së të dhënave për OZHQ-të dhe në zgjerimin e mbulimit statistikor. Paralelisht, është punuar për koordinimin me institucionet prodhuese të të dhënave, në funksion të rritjes së cilësisë së raportimit.

Në cilësinë e anëtarit të të Grupit të Nivelit të Lartë për Partneritet, Koordinim dhe Ndërtim Kapacitetesh për statistikën për Agjendën 2030, INSTAT është angazhuar në aktivitetet (HLG-PCCB), duke marrë pjesë në takimet e tij gjatë vitit 2025, përfshirë takimet e 37-të, 38-të dhe 39-të, të cilat u fokusuan në forcimin e partneriteteve, koordinimin global dhe zhvillimin e iniciativave për statistikën e OZHQ-ve.

Në vijim të angazhimeve ndërkombëtare, INSTAT mori pjesë në takimin e Grupit të Punës për Treguesit e OZHQ-ve të BE-së, organizuar nga Eurostat në Luksemburg, ku u diskutuan zhvillimet më të fundit në monitorim, përfshirë rishikimin e treguesve dhe përdorimin e të dhënave gjeohapësinore.

Në kuadër të Programit IPA 2022, ka vijuar puna për përmirësimin e dashboard-it të OZHQ-ve dhe rritjen e aksesit në të dhëna.

Në vijim, INSTAT synon të zgjerojë më tej mbulimin e treguesve dhe të përmirësojë cilësinë e të dhënave, në mbështetje të politikëbërjes dhe proceseve të integritetit evropian.

## VI. CILËSIA STATISTIKORE

Cilësia e informacionit statistikor synohet të arrihet në përputhje me standardet e Kodit të Praktikës së Statistikave Evropiane. Për këtë qëllim, INSTAT është fokusuar në menaxhimin e duhur të cilësisë, dokumentimin dhe publikimin e gjetjeve për përdoruesit.

### Dokumentimi i proceseve statistikore

Dokumentimi i proceseve statistikore kryhet sipas Modelit të Procesit të Përgjithshëm Statistikor të Biznesit (GSBPM versioni 5.1). Modeli GSBPM përshkruan dhe përcakton tërësinë e proceseve të nevojshme për t'u ndjekur për prodhimin e statistikave zyrtare, duke siguruar një kornizë standarde dhe terminologji të harmonizuar. Gjatë vitit 2025 INSTAT ka dokumentuar 98 aktivitete sipas GSBPM, një rritje me 9 aktivitete krahasuar me një vit më parë.

### Auditi Statistikor

Auditi statistikor është një instrument konkret për përmirësimin e cilësisë së një procesi statistikor, nëpërmjet të cilit identifikohen pikat e forta dhe përmirësohen pikat e dobëta të komponentëve të tij. Auditimi kryhet nëpërmjet një procesi sistematik, të programuar, të pavarur dhe të dokumentuar.

### Raportet e Cilësisë

Raportet e cilësisë përshkruajnë konceptet dhe metodologjitë statistikore të përdorura për mbledhjen, përpunimin, analizën dhe publikimin e statistikave zyrtare. Nëpërmjet tyre, përdoruesve u sigurohet informacion mbi format dhe standardet që INSTAT përdor në metodat dhe përkufizimet e aplikuara, si dhe në cilësinë e rezultateve statistikore. Struktura e Raporteve të Cilësisë bazohet në konceptin e cilësisë së Sistemit Evropian të Statistikave (ESS) dhe në parimet lidhur me cilësinë e aktiviteteve statistikore sipas Kodit të Praktikave të Statistikave Evropiane. Në vitin 2025, INSTAT ka publikuar 54 raporte cilësie në faqen elektronike të INSTAT-it, me një ulje të lehtë, krahasuar me vitin 2024, ku numri i raporteve të publikuara ishte 57.

### Ngarkesa e të Intervistuarve

Çështjet sfiduese për menaxhimin e cilësisë lidhen me kostot më të ulëta të mundshme dhe zvogëlimin e barrës së përgjigjes. Në përputhje me parimin 9 të Kodit të Praktikës së Statistikave Evropiane mbi "Ngarkesën ndaj të intervistuarve", INSTAT monitoron ngarkesën nëpërmjet dy treguesve bazë që janë: numri i pyetësorëve që ndërmarrjet/familjet duhet të përgjigjen dhe kohëzgjatja e intervistës.

### Anketat pranë ndërmarrjeve 2025

Ngarkesa e të intervistuarve është koha dhe përpjekjet e të anketuarve për t'ju përgjigjur pyetësorëve të INSTAT në mënyrë të kënaqshme për një aktivitet statistikor. Statistikat pranë ndërmarrjeve dhe familjeve përdorin dy tregues për të vlerësuar ngarkesën e të intervistuarve (*Response burden*): numrin e pyetësorëve që ndërmarrjet/familjet duhet të përgjigjen, si dhe kohëzgjatjen e intervistës.

Në vitin 2025 janë anketuar në 17 vrojtimit pranë ndërmarrjeve rreth 26,589 ndërmarrje si dhe në 9 vrojtme realizuar pranë familjeve janë intervistuar rreth 53,209 NjEF (Njësi Ekonomike Familjare).

Shpërndarja e numrit të pyetësorëve sipas madhësisë së ndërmarrjes për vitin 2025, duke marrë në konsideratë gjithë vrojtimit pranë ndërmarrjeve ekonomike, që INSTAT realizon, jepet në tabelën e mëposhtme.

**Tabela 2: Shpërndarja e numrit të pyetësorëve sipas madhësisë së ndërmarrjes**

| Madhësia e ndërmarrjes (2024) | 0 pyetësorë    | 1-5 pyetësorë | 6-10 pyetësorë | 11 pyetësorë | Gjithsej       |
|-------------------------------|----------------|---------------|----------------|--------------|----------------|
| <b>1-9 të punësuar</b>        | 209,565        | 15,492        | 679            | 2,755        | 228,491        |
| <b>10-19 të punësuar</b>      | 628            | 2,691         | 737            | 422          | 4,478          |
| <b>20-49 të punësuar</b>      | 529            | 1,095         | 802            | 466          | 2,892          |
| <b>Mbi 50 të punësuar</b>     | 570            | 143           | 418            | 889          | 2,020          |
| <b>Gjithsej</b>               | <b>211,292</b> | <b>19,421</b> | <b>2,636</b>   | <b>4,532</b> | <b>237,881</b> |

Në vitin 2025, janë anketuar rreth 11.18 % e ndërmarrjeve nga 237,881 ndërmarrje të regjistruara në vitin 2024. Janë intervistuar të paktën një herë gjatë vitit 26,589 ndërmarrje, 73.04 % e tyre kanë marrë pjesë vetëm në pesë ose më pak vrojtime dhe 26.96 % e tyre kanë marrë pjesë në më shumë se 5 vrojtime të realizuara nga INSTAT, pranë ndërmarrjeve, gjatë vitit 2025.

Shpërndarja e numrit të pyetësorëve sipas viteve nga 2020-2025, duke marrë në konsideratë gjithë vrojtimet pranë ndërmarrjeve ekonomike, që INSTAT realizon, jepet në tabelën e mëposhtme.


**Tabela 3: Shpërndarja e numrit të pyetësorëve 2020-2025**

| Pyetësorë           | 2020    | 2021    | 2022    | 2023    | 2024    | 2025    |
|---------------------|---------|---------|---------|---------|---------|---------|
| <b>0 pyetësorë</b>  | 139,289 | 143,377 | 155,589 | 184,567 | 200,164 | 211,292 |
| <b>1+ pyetësorë</b> | 23,053  | 23,009  | 25,960  | 25,103  | 26,614  | 26,589  |

**Tabela 4: Shpërndarje e ngarkesës në përqindje sipas grup-madhësisë së ndërmarrjes**

| Madhësia                 | 0 pyetësorë   | 1-5 pyetësorë | 6-10 pyetësorë | 11 pyetësorë | Gjithsej    |
|--------------------------|---------------|---------------|----------------|--------------|-------------|
| <b>1-9 të punësuar</b>   | 91.71%        | 6.78%         | 0.30%          | 1.21%        | 100%        |
| <b>10-19 të punësuar</b> | 14.03%        | 60.09%        | 16.46%         | 9.42%        | 100%        |
| <b>20-49 të punësuar</b> | 18.29%        | 37.86%        | 27.74%         | 16.11%       | 100%        |
| <b>50 të punësuar</b>    | 28.22%        | 7.08%         | 20.69%         | 44.01%       | 100%        |
| <b>Gjithsej</b>          | <b>88.82%</b> | <b>8.16%</b>  | <b>1.11%</b>   | <b>1.91%</b> | <b>100%</b> |

Pavarësisht rritjes së numrit të anketave të realizuara, numri i ndërmarrjeve të intervistuar mbetet në të njëjtin nivel, kjo për faktin se anketat e reja janë të fokusuar në ndërmarrjet me mbi 50 të punësuar që kryesisht janë të përfshira në vrojtime. Në grupin e ndërmarrjeve të vogla (1-9 të punësuar), ku është i përqëndruar numri më i madh i ndërmarrjeve të vendit, pjesa më e madhe e tyre (rreth 91.71 %) nuk kishin detyrim për të plotësuar asnjë pyetësor, 6.78 % plotësuan 1 deri në 5 pyetësorë dhe 1.51 % e tyre u ngarkuan me mbi 5 pyetësorë. Në grupin e ndërmarrjeve me 20 deri 49 të punësuar, 83.89 % e tyre u ngarkuan me deri në 10 pyetësorë për t'u përgjigjur, dhe vetëm 16.11 % e tyre u ngarkuan me mbi 10 pyetësorë. Ngarkesa e përgjigjes është relativisht e lartë në grupin e ndërmarrjeve me 50 të punësuar e lart, ku rreth 71.78 % e tyre iu përgjigjën të paktën 1 pyetësori.

**Figura 8. Shpërndarje e ngarkesës në përqindje sipas grup-madhësisë së ndërmarrjeve**

### Anketat pranë familjeve 2025

Anketat e kryera pranë familjeve në Shqipëri kanë si karakteristikë faktin që mbledhin informacion mbi karakteristika të familjeve dhe individëve, që nuk gjenden në regjistra apo rekorde administrativë. Si rrjedhim, përpjekjet për të ulur shkallën e ngarkesës janë fokusuar në lehtësitë që mund t'i krijohen familjeve, përsa i përket kuptueshmërisë dhe rëndësisë së informacionit, aplikimit të formave elektronike të grumbullimit të të dhënave që shkurtojnë kohën e intervistës dhe automatizojnë administrimin e intervistimit, si dhe përpjekjeve për të regjistruar dhe para-printuar atë pjesë të informacionit, që mund të jetë i disponueshëm, duke ndikuar në uljen e ngarkesës së intervistës.

Të gjitha anketat pranë familjeve të realizuara nga INSTAT, përgjatë vitit 2025, kanë si bazën e tyre të zgjedhjes listën e familjeve të gjeneruar nga Censi i Popullsisë dhe Banesave 2023. Në vitin 2025 janë anketuar rreth 7.04% Njësi Ekonomike Familjare (NjEF), nga 755,950 të regjistruara në Cens. Janë intervistuar gjithsej 53,209 NJEF, nga të cilat 81.57 % e tyre kanë marrë pjesë vetëm në një vrojtim, ndërsa 18.43 % e tyre kanë marrë pjesë në 2 ose më shumë vrojtime të realizuara nga INSTAT. Shpërndarja e numrit të vrojtimeve sipas qarqeve për vitin 2025, duke marrë në konsideratë të gjitha vrojtimit pranë familjeve që realizon INSTAT, jepet në tabelën e mëposhtme:

**Tabela 5: Shpërndarja e numrit të pyetësorëve sipas qarqeve 2025**

| Nr. | Qarku           | 0 pyetësor     | 1 pyetësor    | 2+ pyetësorë | NjEF gjithsej  |
|-----|-----------------|----------------|---------------|--------------|----------------|
| 01  | Berat           | 33,654         | 2,108         | 518          | 36,280         |
| 02  | Dibër           | 23,005         | 1,644         | 479          | 25,128         |
| 03  | Durrës          | 63,663         | 4,045         | 937          | 68,645         |
| 04  | Elbasan         | 65,041         | 4,159         | 966          | 70,166         |
| 05  | Fier            | 75,532         | 4,816         | 1,069        | 81,417         |
| 06  | Gjirokastrë     | 19,869         | 1,475         | 415          | 21,759         |
| 07  | Korçë           | 51,640         | 3,445         | 794          | 55,879         |
| 08  | Kukës           | 14,265         | 1,391         | 389          | 16,045         |
| 09  | Lezhë           | 28,148         | 1,932         | 493          | 30,573         |
| 10  | Shkodër         | 44,854         | 3,068         | 757          | 48,679         |
| 11  | Tiranë          | 233,100        | 12,090        | 2,276        | 247,466        |
| 12  | Vlorë           | 49,970         | 3,227         | 716          | 53,913         |
|     | <b>Gjithsej</b> | <b>702,741</b> | <b>43,400</b> | <b>9,809</b> | <b>755,950</b> |

Gjatë vitit 2025, në qarkun e Tiranës janë intervistuar gjithsej 14,366 NJEF ose 5.81 % e tyre. Rreth 94.19% e familjeve të qarkut Tiranë nuk kanë marrë pjesë në ndonjë vërtetim, 4.89 % e tyre kanë marrë pjesë në 1 vërtetim dhe vetëm 0.92 % e tyre kanë marrë pjesë në 2 ose më shumë vërtetime të realizuara nga INSTAT.

Shpërndarja e numrit të pyetësorëve sipas viteve nga 2020-2025, duke marrë në konsideratë gjithë vërtetimet pranë njësive ekonomike familjare, që INSTAT realizon, jepet në tabelën e mëposhtme:

**Tabela 6: Shpërndarja e numrit të pyetësorëve 2020-2025**

|                         | 2020           | 2021           | 2022           | 2023           | 2024           | 2025           |
|-------------------------|----------------|----------------|----------------|----------------|----------------|----------------|
| <b>Të paktën 1 herë</b> | 51,302         | 54,489         | 51,295         | 51,133         | 53,239         | 53,209         |
| <b>0 pyetësorë</b>      | 670,960        | 667,773        | 670,967        | 671,129        | 669,023        | 702,741        |
| <b>Gjithsej</b>         | <b>722,262</b> | <b>722,262</b> | <b>722,262</b> | <b>722,262</b> | <b>722,262</b> | <b>755,950</b> |

Indikatori "Numri i pyetësorëve që INSTAT i dërgon familjeve për t'u përgjigjur" në 5 vitet e fundit varion pak dhe mbetet pothuajse në të njëjtat nivele, sepse aktivitetet që INSTAT realizoi gjatë vitit 2025 ishin pothuajse të njëjtat dhe me të njëjtat frekuenca. Numri i familjeve që kanë marrë të paktën një pyetësor ka ndryshim të papërfillshëm. Numri i familjeve që kanë marrë më tepër se një pyetësor ka një rënie të vogël që vjen më shumë nga shpërndarja e re e popullsisë sipas Censit 2023.

Tabela 7: Shpërndarja e pyetësorëve sipas qarqeve


| Nr. | Qarku           | 0 pyetësor    | 1 pyetësor   | 2+ pyetësorë | NjEF gjithsej  |
|-----|-----------------|---------------|--------------|--------------|----------------|
| 01  | Berat           | 92.76%        | 5.81%        | 1.43%        | 36,280         |
| 02  | Dibër           | 91.55%        | 6.54%        | 1.91%        | 25,128         |
| 03  | Durrës          | 92.74%        | 5.89%        | 1.36%        | 68,645         |
| 04  | Elbasan         | 92.70%        | 5.93%        | 1.38%        | 70,166         |
| 05  | Fier            | 92.77%        | 5.92%        | 1.31%        | 81,417         |
| 06  | Gjirokastrë     | 91.31%        | 6.78%        | 1.91%        | 21,759         |
| 07  | Korçë           | 92.41%        | 6.17%        | 1.42%        | 55,879         |
| 08  | Kukës           | 88.91%        | 8.67%        | 2.42%        | 16,045         |
| 09  | Lezhë           | 92.07%        | 6.32%        | 1.61%        | 30,573         |
| 10  | Shkodër         | 92.14%        | 6.30%        | 1.56%        | 48,679         |
| 11  | Tiranë          | 94.19%        | 4.89%        | 0.92%        | 247,466        |
| 12  | Vlorë           | 92.69%        | 5.99%        | 1.33%        | 53,913         |
|     | <b>Gjithsej</b> | <b>92.96%</b> | <b>5.74%</b> | <b>1.30%</b> | <b>755,950</b> |

Kohëzgjatja mesatare e intervistës në minuta

Për të reduktuar ngarkesën e të intervistuarve, INSTAT punon vazhdimisht për të përmirësuar cilësinë e pyetësorëve, programeve të mbledhjes së të dhënave, manualeve dhe për trajnimin e anketuesve.

Në lidhje me indikatorin e dytë, kohëzgjatja mesatare e intervistës për anketat pranë familjeve dhe ndërmarrjeve për vitin 2025, të dhënat jepen në figurën e mëposhtme.

Figura 9: Kohëzgjatja mesatare e intervistës në minuta



Kohëzgjatja e intervistës, gjatë vitit 2025, për anketat pranë familjeve është mesatarisht rreth 32.4 minuta, një ulje e lehtë krahasuar me vitin 2024, ku kjo vlerë ishte 32.8 minuta. Ndërsa për intervistat pranë ndërmarrjeve kohëzgjatja e intervistës, për vitin 2025, është 28.8 minuta, një ulje e lehtë krahasuar me vitin 2024, ku kohëzgjatja ishte 29 minuta.

### Sistemi online për aksesimin nga jashtë të të dhënave mikro (SIMONA)

Sistemi "SIMONA" është vënë në dispozicion të kërkuesve shkencorë, që prej vitit 2020, dhe mundëson aksesimin e informacionit statistikor në distancë. Ky sistem mundëson aksesin e të dhënave mikro në interes të proceseve kërkimore-shkencore nga të gjithë përdoruesit brenda dhe jashtë vendit.

Gjatë vitit 2025, janë depozituar 5 kërkesa për akses në të dhëna mikro. 2 përdorues kanë patur akses për 2 projekte ekzistuese në Dhomën e Sigurt.


### Anketa mbi Kënaqësinë e Përdoruesve të Statistikave

Anketa e Kënaqësisë së Përdoruesve mbi statistikën që prodhon INSTAT-i është një mjet i rëndësishëm për të identifikuar nevojat e përdoruesve dhe adresuar reagimet e tyre, aty ku është e mundur, në procesin e planifikimit të statistikave zyrtare.

Në muajin Dhjetor 2025, INSTAT-i zhvilloi raundin e nëntë të Anketës së Kënaqësisë së Përdoruesve dhe, nga përpunimi i të dhënave rezulton që niveli i përgjithshëm i kënaqësisë së përdoruesve në vitin 2025 është në të njëjtin nivel si në vitin 2024: 4.03 pikë nga 5 pikë të plota.

Grafiku i mëposhtëm paraqet progresin e nivelit të kënaqësisë së përdoruesve përgjatë 5 viteve të fundit 2021-2025.

**Figura 10: Niveli i përgjithshëm i kënaqësisë së përdoruesve, sipas viteve 2021-2025**



## VII. MBËSHTETJA METODOLOGJIKE DHE TEKNOLOGJIA E INFORMACIONIT

### Metodologjia statistikore

Në kuadër të përmirësimeve të vazhdueshme metodologjike, për të plotësuar rregulloret e BE-së për çdo tregues që llogaritet, edhe gjatë vitit 2025 është punuar mbi përmirësimin e proceseve si në kampionimin më eficient, ashtu dhe përpunimin e të dhënave. Të dhënat administrative përdoren për rritjen e krahasueshmërisë dhe integritetit të treguesve dhe gjithnjë e më shumë po përdoren në proceset e vlerësimit të treguesve statistikorë.

Censi i Popullsisë dhe Banesave 2023 ka siguruar një bazë të përditësuar për kampionet pranë familjeve dhe rishikim të serisë kohore të të dhënave demografike, duke ndikuar drejtpërdrejt edhe llogaritjen e treguesve socialë nga anketat sociale.

### Teknologjia e Informacionit

Gjatë vitit 2025, INSTAT ka përmirësuar kornizën strategjike për konsolidimin dhe modernizimin e infrastrukturës teknologjike. Prioritet i veçantë i është kushtuar forcimit të sigurisë kibernetike dhe qëndrueshmërisë së infrastrukturës TI, duke garantuar vazhdimësinë dhe integritetin e prodhimit statistikor.

Në këtë kuadër, u thellua zbatimi i arkitekturës së monitorimit dhe reagimit ndaj incidenteve përmes sistemit *SIEM* për mbledhjen dhe analizën e centralizuar të log-eve, si dhe përmes zgjerimit të përdorimit të licencave *Microsoft 365 E5*, duke përfshirë mekanizma të avancuar për mbrojtjen e identitetit, menaxhimin e pajisjeve dhe zbulimin proaktiv të kërcënimeve. U përforcuan gjithashtu kontrollet e aksesit, segmentimi i rrjetit, politikat e kopjeve rezervë dhe mekanizmat e rikuperimit, duke rritur ndjeshëm nivelin e reziliencës dhe përputhshmërinë me kërkesat kombëtare për infrastrukturat kritike dhe praktikatat e mira të Sistemit Evropian Statistikor.

Paralelisht, gjatë vitit 2025, vijoi modernizimi i sistemeve për mbledhjen dhe përpunimin e të dhënave statistikore. U përditësuan/zhvilluan 8 aplikacione CAWI dhe 28 aplikacione CAPI, të cilat mbështetën realizimin e vrojtimeve statistikore dhe përmirësuan cilësinë e të dhënave përmes kontrolleve automatike në kohë reale, validimeve të integruara dhe monitorimit të drejtpërdrejtë të punës në terren. Përdorimi i zgjeruar i metodës CAPI kontribuoi në reduktimin e gabimeve manuale, shkurtimin e kohës së përpunimit dhe rritjen e efikasitetit operacional në procesin e prodhimit statistikor. Aplikacionet janë ndërtuar mbi platforma si *.NET*, *CSPRO* dhe *LimeSurvey*, me baza të dhënash në *SQL Server*, duke siguruar integritet të qëndrueshëm me sistemet ekzistuese dhe menaxhim të centralizuar të të dhënave.

#### Baza e të dhënave shtetërore "Databaza e treguesve të statistikave zyrtare"

Më datë 05.02.2025, Këshilli i Ministrave vendosi krijimin e bazës së të dhënave shtetërore "Databaza e treguesve të statistikave zyrtare". Instituti i Statistikave (INSTAT) është institucioni administrues i kësaj baze të dhënash, e cila përmban të dhëna parësore dhe dytësore. Këto të dhëna përditësohen në përputhje me legjislacionin për programin e statistikave zyrtare dhe përpunohen në zbatim të legjislacionit për mbrojtjen e të dhënave personale.

Gjatë periudhës raportuese është garantuar mbështetja teknike për publikimin periodik të të dhënave sipas kalendarit zyrtar të publikimeve statistikore, duke siguruar funksionim të vazhdueshëm dhe të qëndrueshëm të platformës PX-Web. Ndërkohë, databaza është përmirësuar vazhdimisht përmes:

- standardizimit të emrave të treguesve, njësive matëse dhe kodeve statistikore;
- përmirësimit të tabelave ekzistuese për çdo temë statistikore, duke realizuar ristrukturim të tyre për qasje më efikase nga përdoruesit;
- shtimit të tabelave të reja në përputhje me Programin e Statistikave Zyrtare 2022–2026.

Në aspektin e sigurisë, janë zbatuar masa për menaxhimin e kopjeve rezervë (backup) dhe rikuperimin e të dhënave (recovery), duke siguruar ruajtjen e integritetit dhe disponueshmërisë së informacionit.

Gjatë vitit 2025, numri i *data points* të publikuara në faqen e INSTAT arriti në 4,526,797, duke shënuar një rritje prej rreth 30.2% krahasuar me vitin 2024, ku ky numër ishte 3,476,271. Kjo dëshmon zgjerimin e konsiderueshëm të përmbajtjes dhe rritjen e kapacitetit informativ të bazës së të dhënave në linjë me zgjerimin e *data points* të dërguara në Eurostat.

## VIII. KOMUNIKIMI DHE PUBLIKIMET

INSTAT-i ka vazhduar të ndjekë një strategji të veçantë për rritjen e ndërgjegjësimit dhe besueshmërisë së publikut mbi rëndësinë e statistikave zyrtare. Një objektivi i rëndësishëm gjatë vitit 2025 ka qenë matja e vizibilitetit nëpërmjet treguesve të mëposhtëm.

**Publikimet:** Numri i publikimeve të INSTAT arriti në 177, me një rritje me 2 publikime, krahasuar me vitin 2024, ku u realizuan 175 publikime.

**Kërkesat e përdoruesve:** Duke iu referuar databazës së kërkesave të përdoruesve, numri i kërkesave për të dhëna statistikore në vitin 2025 është 711 nga 563 kërkesa që ishin në vitin 2024, ku 6 prej tyre janë kërkesa për mikrodata.

**Edukimi statistikor:** INSTAT ka përditësuar seksionin *Këndi i Edukimit Statistikor*, në të cilin janë përmbledhur produkte statistikore të nevojshme për edukim statistikor të përdoruesve. Këtij aktiviteti i shtohet dhe bashkëpunimi i ngushtë me hartuesit e politikave, si përdoruesit kryesorë të statistikave zyrtare.


**Rrjetet sociale:** Ndjekësit në faqen e Institutit të Statistikave në Facebook gjatë vitit 2025 arritën në 8,261, krahasuar me 8,275 në vitin 2024. Shikueshmëria në vitin 2025 është 133,560 shikime, duke shënuar një rritje të ndjeshme, krahasuar me vitin 2024, ku numri i shikimeve ishte 59,000. Ndjekësit në faqen e Institutit të Statistikave në Instagram gjatë vitit 2025 arritën në 3,937, krahasuar me 3,638 në vitin 2024. Shikueshmëria në Instagram gjatë vitit 2025 ishte 183,529 shikime, krahasuar me 74,000 në vitin 2024. Gjatë kësaj periudhe janë regjistruar gjithsej 995 page views nga 450 vizitorë unikë.

**Statistikat në web:** Klikimet rezultuan 3,500,000 për vitin 2025, duke vërejtur një rritje të ndjeshme në numrin gjithsej të klikimeve në faqen zyrtare të INSTAT, krahasuar me atë të vitit 2024 në të cilin ishin 1,190,082.

**Vizibiliteti në media:** Përmendja dhe citimi i INSTAT në artikuj dhe kronika të lidhura me aktivitetin e INSTAT është si më poshtë:

- 1,785 herë në përmbajtjen e 1,041 artikujve të botuar në shtypin shqiptar;
- 18 përmendje në faqet e para të gazetave dhe revistave të përditshme;
- 564 herë në përmbajtjen e 493 kronikave në lajmet kryesore të televizioneve më të ndjekura në Shqipëri;
- 13,140 herë në përmbajtjen e 7,800 artikujve të publikuara në portalet online.

Figura 11: Numri i publikimeve përgjatë viteve 2018-2025



## Librat

### **“Fëmijët dhe të rinjtë në Shqipëri – Analizë tematike e thelluar, Cens 2023”**

Ky raport trajton disa aspekte kyçe të situatës së popullsisë në moshë të re - nën moshën 30 vjeç - në Shqipëri, duke dalluar tre grupe të synuara: fëmijët (mosha 0-17 vjeç), të rinjtë (15-24 vjeç) dhe rinia (15-29 vjeç). Censi i Popullsisë dhe Banesave në Shqipëri, 2023 (në vijim, Censi 2023) ofroi bazën për analizën në këtë studim.

Censi 2023 iu përmbajt standardeve ndërkombëtare dhe rregulloreve të Bashkimit Evropian (BE). Bazuar në treguesit e cilësisë ky Cens mund të konsiderohet me cilësi të mirë për një Cens tradicional me intervistim derë më derë. Raporti përdor si statistika bazë përshkruese - të paraqitura përmes tabelave dhe grafikëve ashtu edhe teknika statistikore më të avancuara: regresion logjistik.

### **“Regjistrat e biznesit 2024”**

Statistikat zyrtare bazuar në regjistrat e biznesit i shërbejnë gjithë komunitetit të biznesit, politikë-bërësve, dhe akademikëve, për të analizuar situatën ekonomike në vend. Gjithashtu, këto statistika shërbejnë për të ndërmarrë iniciativa dhe vendime të drejta, për të përmirësuar klimën dhe zhvillimin e bizneseve.

### **“Diaspora e Shqipërisë në shifra, 2025”**

Ky publikim paraqet një panoramë të përditësuar mbi diasporën shqiptare, si dhe rolin e saj në zhvillimin ekonomik e shoqëror të vendit dhe ndikimin e saj në proceset e integrit. Ai synon të shërbejë si një instrument informues për politikëbërësit, studiuesit, organizatat e diasporës dhe publikun e gjerë.

### **“Ndërmarrjet e huaja dhe të Përbashkëta 2021-2023”**

Statistikat në lidhje me ndërmarrjet private të huaja dhe të përbashkëta (shqiptare dhe të huaja) synojnë të tregojnë strukturën, si dhe të masin treguesit ekonomikë, format e organizimit, brenda territorit të Republikës së Shqipërisë. INSTAT, nëpërmjet këtij publikimi, plotëson disa prej kërkesave gjithnjë e në rritje për informacion statistikor të përdoruesve.

### **“Migracioni Ndërkombëtar në Shqipëri, 2024”**


Anketa e Migracionit të Familjeve në Shqipëri 2024 adreson boshllëqe kritike të të dhënave që historikisht kanë penguar zhvillimin e politikave efektive të migracionit në Shqipëri. E zbatuar nga Instituti i Statistikave i Shqipërisë (INSTAT) në partneritet me Bankën Botërore, anketa siguroi të dhënat e nevojshme për të kryer një analizë gjithëpërfshirëse të modeleve të migracionit në vend.

### **“Tregu i Punës 2024”**

Botimi mbi Tregun e Punës është një burim i rëndësishëm informacioni mbi situatën dhe tendencën e tregut kombëtar të punës. Ky informacion ndihmon për të monitoruar politikat dhe strategjitë kryesore për punësimin dhe pagat, strukturën gjinore dhe moshore, shkallën arsimore, aktivitetin ekonomik dhe profesionet. Botimi i dedikuar mbi Tregun e Punës përmban një analizë të zgjeruar të publikimeve tremujore bazuar në burime administrative dhe Anketën e Forcave të Punës.

### **“Vjetari Statistikor Rajonal 2024”**

Vjetari Statistikor Rajonal 2024 siguron informacion mbi popullsinë, ekonominë, bujqësinë, mjedisin, ndërmjet qarqeve dhe bashkive, duke dhënë një perceptim më të gjerë të statistikave që janë grumbulluar nga subjektet nëpërmjet vrojtimit statistikore apo burimeve administrative. Karakteristikat e veçanta të çdo qarku apo bashkie paraqiten nëpërmjet statistikave. Treguesit rajonalë në këtë botim ofrojnë krahasime të treguesve statistikorë më të rëndësishëm të vendit në nivel rajoni/qarku/bashkie.






## TREGUESIT T4 2025


## EKONOMIA MAKRO



## TREGU I PUNËS



## ÇMIMET &amp; KOSTOT E JETËS



## PAGAT




## TREGUESIT T4 2025


## TREGTIA ME PAKICË



## TREGTIA E JASHTME



## TURIZMI &amp; AKOMODIMI




## NETË QËNDRIMI



## TREGUESIT T4 2025

## TRANSPORTI



## STATISTIKA SOCIALE




## ENERGJIA



## Kërkesat e përdoruesve

INSTAT regjistron çdo kërkesë të përdoruesve për informacion statistikor në databazën e përdoruesve dhe nëpërmjet saj INSTAT përcakton dhe njihet më mirë me kërkesat dhe nevojat që kanë përdoruesit për statistika. Nëse i referohemi historikut të kësaj databaze, që nga krijimi në vitin 2009, mund të themi që kërkesat e përdoruesve kanë pësuar rritje ndër vite. Në vitin 2025 numri i kërkesave të përdoruesve është 711 nga 563 kërkesa që ishin në vitin 2024, ku 6 prej tyre janë kërkesa për mikrodata.


**Figura 12: Numri i kërkesave të përdoruesve 2020 – 2025**



Duke analizuar në thellësi statistikën lidhur me plotësimin e kërkesave të përdoruesve, vihet re se gjatë vitit 2025 ka pasur një rritje të ndjeshme të numrit të kërkesave, me gjithsej 148 kërkesa më shumë krahasuar me periudhën paraardhëse. Kjo rritje lidhet kryesisht me publikimin e rezultateve të Censit, si dhe me njohjen më të gjerë të përdoruesve me treguesit rajonalë përmes publikimeve të dedikuara, duke nxitur interesin për të dhëna më të detajuara dhe analiza më të thelluara.

Njëkohësisht, pasurimi i databazës statistikore me tregues të rinj, si dhe zhvillimi i platformave me të dhëna dhe grafikë dinamikë, u kanë mundësuar përdoruesve gjenerimin e tabelave sipas nevojave të tyre. Vizualizimi i statistikave ka ndikuar ndjeshëm në rritjen e përdorimit të drejtpërdrejtë të të dhënave të publikuara në faqen zyrtare të INSTAT, duke përmirësuar aksesueshmërinë dhe përdorimin efektiv të statistikave zyrtare.

Nëse do të bënim specifikimin e mëtejshëm të këtyre kërkesave, mund të themi se numrin më të madh të kërkesave të plotësuara në vitin 2025 e zënë statistikën e çmimeve me 249 kërkesa, pasuar nga statistikën për popullsinë me 101 kërkesa, statistikën e turizmit, transportit dhe aksidenteve me 80 kërkesa, statistikën e tregtisë së jashtme me 55 kërkesa, statistikën mbi punësimin, papunësinë dhe pagat me 50 kërkesa, etj. Një pasqyrë e hollësishme e numrit të kërkesave sipas temave statistikore paraqitet në figurën dhe tabelën e mëposhtme:

**Figura 13: Klasifikimi i numrit të kërkesave të përdoruesve sipas temave specifike statistikore për vitin 2025****Tabela 8: Numri i kërkesave të përdoruesve sipas temave specifike statistikore**

| Lënda e Kërkesës                                                                                      | Numri i kërkesave 2024 | Numri i kërkesave 2025 |
|-------------------------------------------------------------------------------------------------------|------------------------|------------------------|
| <b>Çmimet</b>                                                                                         | 253                    | 249                    |
| <b>Bujqësia dhe blegtoria / mjediti</b>                                                               | 14                     | 21                     |
| <b>Tregtia e jashtme</b>                                                                              | 32                     | 55                     |
| <b>Anketa e strukturës së ndërmarrjeve</b>                                                            | 13                     | 19                     |
| <b>Regjistri statistikor i ndërmarrjeve</b>                                                           | 20                     | 25                     |
| <b>Llogaritë kombëtare</b>                                                                            | 12                     | 21                     |
| <b>Popullsia/lindjet-vdekjet/martesa/divorcet/emigracioni</b>                                         | 71                     | 101                    |
| <b>Ndërtimi</b>                                                                                       | 5                      | 6                      |
| <b>Shkaqet e vdekjeve /shëndetësia/ krimet</b>                                                        | 16                     | 38                     |
| <b>Punësimi/papunësia/pagat</b>                                                                       | 26                     | 50                     |
| <b>Turizmi/transporti/aksidentet</b>                                                                  | 60                     | 80                     |
| <b>Konsumi i familjeve / niveli i jetesës / shpenzimet e familjes</b>                                 | 28                     | 39                     |
| <b>Të tjera/ Të ndryshme/ Të dhëna të 2 ose më shumë fushave statistikore / Pyetësorë të ndryshëm</b> | 6                      | 1                      |
| <b>Mikrodata</b>                                                                                      | 7                      | 6                      |
| <b>Gjithsej</b>                                                                                       | <b>563</b>             | <b>711</b>             |

## Edukimi statistikor

Projekti “Statistika në shkollë” është krijuar për t’i ardhur në ndihmë të gjithë nxënësve, studentëve, si dhe atyre që kanë interes për statistikat, për të qenë në gjendje të kuptojnë më mirë statistikat dhe disa nga konceptet themelore të saj. Edukimi statistikor është njohja e publikut të gjerë me informacione dhe njohuri statistike, të cilat nevojiten për të kuptuar apo për të qenë në gjendje për të gjykuar nëse një njoftim, një shifër, një çmim apo një reklamë është e arsyeshme apo jo.

Qëllimi i edukimit statistikor është forcimi i sistemit statistikor dhe statistikave zyrtare përmes literaturës statistike për përdoruesit e rinj dhe jo-ekspertë të statistikave. Nëpërmjet edukimit statistikor synohet ndërgjegjësimi i të rinjve për rëndësinë e statistikave zyrtare dhe përdorimin e tyre. Në kuadër të këtij projekti, INSTAT ka përgatitur dhe publikuar disa artikuj statistikorë, të trajtuar në mënyrë të tillë që të nxisin interes për të rinjtë dhe personat e interesuar që të mësojnë rreth statistikave.

Gjatë vitit 2025, janë përditësuar temat e publikuara në seksionin e Edukimit Statistikor, duke vënë theksin tek sa më poshtë:

- Popullsia e Shqipërisë
- Shpenzimet e konsumit në Shqipëri
- Piramida e popullsisë
- Çmimet e konsumit në Shqipëri
- Arsimi në Shqipëri
- Prodhimi i Brendshëm Bruto
- Regjistri i ndërmarrjeve në Shqipëri
- Statistikat e tregut të punës
- Anketa e të Ardhurave dhe Nivelit të Jetesës
- Indeksi i Pabarazisë Gjinore

## Rrjetet sociale: Facebook, Instagram, LinkedIn

Ndjekësit në faqen e Institutit të Statistikave në Facebook gjatë vitit 2025 arritën në 8,261, një ulje e lehtë, krahasuar me vitin 2024, ku numri i pëlqimeve ishte 8,275. Ndërkohë, shikueshmëria në vitin 2025 është 133,560 shikime, duke shënuar një rritje të ndjeshme, krahasuar me vitin 2024, ku numri i shikimeve ishte 59,000.

Ky rezultat i dedikohet rritjes së frekuencës dhe larmishmërisë së postimeve.

**Figura 14. Shikueshmëria në Facebook, 2025**





Figura 15. Ndjekësit dhe ndarja gjinore e tyre në Facebook, 2025




Nga 133,560 shikime gjithsej, rezulton se 53.1% e shikimeve kanë qenë nga ndjekës të faqes zyrtare dhe 46.9 % e tyre nga jo-ndjekës të INSTAT në Facebook.

Gjithashtu, kuptojmë se orari në të cilin vizitohet më shumë faqja e Facebook është ora 9 e mëngjesit.

## Shikueshmëria në Instagram, 2025

Ndjekësit në faqen e Institutit të Statistikave në Instagram gjatë vitit 2025 arritën në 3,937, krahasuar me 3,638 në vitin 2024. Shikueshmëria në Instagram gjatë vitit 2025 ishte 183,529 shikime, krahasuar me 74,000 në vitin 2024.


Figura 16. Shikueshmëria në Instagram



## Shikueshmëria në LinkedIn

Gjatë periudhës 10 shkurt 2025 deri më 9 shkurt 2026, faqja zyrtare në LinkedIn ka shënuar një performancë të qëndrueshme në aspektin e shtrirjes, ndërveprimit dhe rritjes së audiencës.

**Figura 17. Shikueshmëria në LinkedIn**



Gjatë kësaj periudhe janë regjistruar gjithsej 995 page views nga 450 vizitorë unikë.


Pajisjet e përdorura për aksesimin e faqes së INSTAT në LinkedIn kanë qenë:

Mobile: 800 vizita

Desktop: 195 vizita

Dominimi i aksesit përmes pajisjes mobile (mbi 80%) tregon rëndësinë e optimizimit të përmbajtjes për format vertikal dhe komunikim të shkurtër, vizual dhe të qartë.

**Figura 18. Të dhëna demografike të vizitorëve në LinkedIn**




Sipas të dhënave demografike, vizitorët kryesorë i përkasin fushave të mëposhtme:

- Teknologji Informacioni (Information Technology): 102 (10,3%)
- Kërkim (Research): 77 (7,7%)
- Operacione (Operations): 43 (4,3%)
- Inxhinieri (Engineering): 40 (4%)

Këto të dhëna tregojnë se faqja ka arritur një audiencë me profil teknik dhe kërkimor.

**Figura 19. Profili i vizitorëve në LinkedIn**



Gjatë vitit 2025 janë regjistruar gjithsej:


- 56,078 shfaqje (impressions)
- 2,336 reagime (reactions)
- 11 komente (comments)
- 21 ripostime (repost)

Niveli i lartë i shfaqjeve (impressions) tregon një shtrirje të konsiderueshme të përmbajtjes, ndërsa numri i reagimeve konfirmon një angazhim të qëndrueshëm nga audienca.

Ripostimet (21) janë një tregues pozitiv i shpërndarjes organike dhe rritjes së besueshmërisë institucionale në rrjetin profesional.

Numri total i ndjekësve në LinkedIn rezulton 1,062, ku ndjekës të rinj në vitin e fundit janë 499. Rritja me 499 ndjekës të rinj brenda një viti përbën një zgjerim të ndjeshëm të komunitetit profesional, duke reflektuar rritje të interesit ndaj përmbajtjes institucionale dhe statistikore.


**Figura 20. Numri i ndjekësve në LinkedIn**



## Statistikat e Website të INSTAT

Në vitin 2025, vërehet një rritje e ndjeshme në numrin gjithsej të klikimeve në faqen zyrtare të INSTAT. Klikimet në faqen e INSTAT në vitin 2024 ishin 1,190,082 ndërsa në vitin 2025 klikimet rezultuan 3,500,000, prej të cilave 385,367 janë përdorues aktivë.

**Figura 21. Numri i klikimeve në faqen web të INSTAT sipas viteve**



## Programi i transparencës

INSTAT-i përditëson herë pas here “Programin e Transparencës për Institutin e Statistikave”, i cili është përgatitur në përputhje me nenin 7 të ligjit nr. 119/2014 “Për të Drejtën e Informimit”. Ky program përcakton kornizën ligjore të veprimtarisë së INSTAT për të ndërtuar dhe rritur transparencën institucionale. Informacioni i bërë publik në këtë program synon të bëjë transparente veprimtarinë e punës së INSTAT-it, nëpërmjet pasqyrit të detajuar të tij në faqen zyrtare [www.instat.gov.al](http://www.instat.gov.al), si dhe në mjediset e pritjes së publikut. Programi i Transparencës pasqyrohet në rubrika, tekste/përmbajtje, afat kohor për bërjen publike të tij, mënyrën e publikimit, si dhe në strukturën përkatëse, e cila prodhon ose administron dokumentin.

Në përmbajtje të Programit të Transparencës evidentohet skema e publikimit, e cila pasqyron menutë ku adresohet dokumenti në faqen zyrtare në internet. Përveç kësaj, çdo dokument është i aksesueshëm edhe në skemë.

Faqja zyrtare elektronike e INSTAT-it është ndërtuar në atë formë që mundëson informacion për publikun pa kërkesë, në format lehtësisht të kuptueshëm. Në rubrikat e faqes pasqyrohen edhe informacione që karakterizohen nga kufizime të identifikimit të të dhënave personale për shkak të ruajtjes së privatësisë së individëve/subjekteve të të dhënave, etj.

## IX. MEMORANDUMET E MIRËKUPTIMIT

Për të rritur bashkëpunimin ndërinstitucional në interes të përmirësimit të statistikave zyrtare, besueshmërisë së publikut në to dhe për t'iu përshtatur standardeve të reja të përcaktuara nga ligji për statistikën zyrtare, INSTAT ka nënshkruar memorandume mirëkuptimi me një sërë institucionesh furnizuese me të dhëna administrative.

Gjatë vitit 2025 INSTAT ka nënshkruar 4 marrëveshje si vijon:

- Më 24 Shtator 2025, INSTAT dhe Shkolla Shqiptare e Administratës Publike (ASPA) nënshkruan një marrëveshje bashkëpunimi me qëllim zhvillimin e kapaciteteve të nëpunësve të administratës publike në fushën e statistikave zyrtare përmes organizimit të trajnimeve të integruara. Ky bashkëpunim synon jo vetëm të forcojë aftësitë profesionale të nëpunësve të administratës publike, por edhe të rrisë cilësinë e përdorimit të statistikave zyrtare.
- Më 23 Shtator 2025, INSTAT nënshkroi amendimin e marrëveshjes së bashkëpunimit me Autoritetin Kombëtar për Sigurinë Kibernetike (AKSK), me fokus të veçantë në mbrojtjen e të dhënave nga sulmet digjitale dhe rritjen e sigurisë së sistemeve të informacionit.
- Gjithashtu janë rinovuar marrëveshjet ekzistuese si: marrëveshja INSTAT - Drejtoria e Përgjithshme e Transportit Rrugor, më 24 Prill 2025 dhe marrëveshja INSTAT - UNICEF, më 25 Gusht 2025.

## X. VEPRIMTARIA E ORGANIZMAVE MBËSHTETËS TË PRODHIMIT STATISTIKOR

Referuar legjislacionit për statistikën zyrtare, organizmat mbështetës për prodhimin statistikor janë:

- Bordi Drejtues i INSTAT-it
- Këshilli i Statistikave
- Komisioni Kombëtar për Nomenklaturën

### X.1 Veprimtaria e Bordit Drejtues

Bordi Drejtues është organ i cili vepron brenda INSTAT-it dhe ka për detyrë të përcaktojë strategjinë e zhvillimit të institucionit, të propozojë planet për zbatimin e buxhetit dhe mënyrën e shpërndarjes së të ardhurave të tij, si dhe t'i propozojë Drejtorit të Përgjithshëm të INSTAT udhëzime dhe standarde, të cilat sigurojnë zbatimin e parimeve statistikore nga Sistemi Kombëtar Statistikor. Detyrat specifike të Bordit përcaktohen në nenin 20 të ligjit nr. 17/2018 "Për statistikën zyrtare".

Bordi Drejtues përbëhet nga nëpunësit civilë të INSTAT-it, të cilët janë të paktën të nivelit të mesëm drejtues, duke iu referuar strukturës organizative të miratuar me vendimin e Kuvendit. Në interes të transparencës me publikun, si dhe në përmbushje të rekomandimeve të Peer Review 2018, veprimtaria e Bordit Drejtues është publikuar në faqen zyrtare të internetit të INSTAT-it.

Bordi Drejtues ka zhvilluar 5 mbledhje gjatë vitit 2025 të detajuara si më poshtë:

Në katërmujorin e parë të vitit, Bordi Drejtues zhvilloi një mbledhje më datë 07.02.2025, gjatë së cilës u shqyrtua përmbajtja e dokumentacionit lidhur me strukturën organizative të INSTAT-it, në zbatim të vendimit të Kuvendit nr. 127/2018 "Për miratimin e strukturës, organikës dhe kategorizimit të pozicioneve të punës të Institutit të Statistikave (INSTAT)". Në përfundim të shqyrtimit, Bordi Drejtues miratoi dokumentacionin përkatës përmes Vendimit nr. 4, datë 07.02.2025 "Për dhënie mendimi mbi projekt-strukturën".

Në katërmujorin e dytë, Bordi Drejtues zhvilloi dy mbledhje, më datë 05.05.2025 dhe 27.08.2025, në të cilat shqyrtoi dokumente strategjike dhe rregullatore mbi:

- Strategjinë e Teknologjisë së Informacionit dhe Planin Strategjik të Teknologjisë së Informacionit;
- Rregulloren për përdorimin e postës elektronike, rishikimin e Politikës së Shpërndarjes së Informacionit;
- Çështje lidhur me miratimin e buxhetit 2026–2028, faza II.

Në përfundim të shqyrtimeve, Bordi Drejtues miratoi dokumentet e mësipërme përmes vendimeve përkatëse: Vendimi nr. 8, datë 05.05.2025, "Për miratimin e Strategjisë së Teknologjisë së Informacionit dhe Planit Strategjik të Teknologjisë së Informacionit"; Vendimi nr. 9, datë 05.05.2025, "Për miratimin e rishikimit të Politikës së Shpërndarjes së Informacionit"; si dhe Vendimi nr. 10, datë 14.05.2025, "Për miratimin e Rregullores për përdorimin e postës elektronike".

Në katërmujorin e tretë, Bordi Drejtues zhvilloi dy mbledhje.

Mbledhja e datës 30.09.2025 ku Bordi Drejtues shqyrtoi projekt-dokumentet, përkatësisht:

Projekt-Udhëzimin "Për mënyrat, strukturën, periodicitetin dhe treguesit e vlerësimit të raporteve të cilësisë për të dhënat e transmetuara në bazë të Rregullores (BE) nr. 549/2013 të Parlamentit Evropian dhe të Këshillit";

Projekt-Udhëzimin “Për zbatimin e parimeve në statistikat e zënieve nominale të peshkut në zona të caktuara përveç atyre të Atlantikut të Veriut”;  
Projekt-Rregulloren “Politika për administrimin e databazës statistikore”.

Në përfundim të shqyrtimit, Bordi Drejtues miratoi dokumentet e mësipërme përmes vendimeve përkatëse:  
Vendimi nr. 13, datë 30.09.2025, “Për miratimin e Udhëzimit për mënyrat, strukturën, periodicitetin dhe treguesit e vlerësimit të raporteve të cilësisë për të dhënat e transmetuara në bazë të Rregullores (BE) nr. 549/2013 të Parlamentit Evropian dhe të Këshillit”;  
Vendimi nr. 14, datë 30.09.2025, “Për miratimin e Udhëzimit për zbatimin e parimeve në statistikat e zënieve nominale të peshkut në zona të caktuara përveç atyre të Atlantikut të Veriut”;  
Vendimi nr. 15, datë 30.09.2025, “Për miratimin e Rregullores ‘Politika për administrimin e databazës statistikore’”.

Në mbledhjen e datës 27.11.2025, Bordi shqyrtoi Projektplanin Vjetor 2026 për zbatimin e Programit të Statistikave Zyrtare 2022-2026. Pas diskutimeve Bordi miratoi këtë dokument përmes vendimit nr. 16, datë 27.11.2025 “Për miratimin e Planit Vjetor 2026, në zbatim të Programit të Statistikave Zyrtare 2022-2026”.

## X.2 Veprimtaria e Këshillit të Statistikave

Këshilli i Statistikave (Këshilli) mbështet INSTAT-in në ushtrimin e rolit të tij për garantimin që Programi i Statistikave Zyrtare të hartohet dhe zbatohet në përputhje me parimet themelore të Kombeve të Bashkuara për statistikat zyrtare.

Këshilli përbëhet nga 11 anëtarë, të cilët përfaqësojnë përdoruesit e statistikave zyrtare, komunitetin akademik, shoqërinë civile, sipërmarrjen private, organet e vetëqeverisjes vendore dhe median.

Emërimi i anëtarëve bëhet me vendim të Kuvendit. Këshilli i Statistikave e ushtron veprimtarinë e tij në përputhje me Ligjin nr. 17/2018 “Për statistikat zyrtare” dhe VKM-në nr. 670, datë 7.11.2018 “Për kriteret dhe procedurat e përzgjedhjes, të përfaqësimit, emërimit e shkarkimit, rregullat e funksionimit dhe masën e shpërblimit të anëtarëve të Këshillit të Statistikave”.

Këshilli i Statistikave mbledhet të paktën tri herë në një vit kalendarik. Kuorumi përbëhet nga të paktën shtatë anëtarë të Këshillit. Sekretariati i Këshillit të Statistikave sigurohet nga INSTAT-i.

Këshilli i Statistikave zhvilloi 4 mbledhje gjatë vitit 2025 të përmbledhura si më poshtë:

- Në katërmujorin e parë të vitit Këshilli zhvilloi një mbledhje. Në mbledhjen e datës 20.03.2025, Këshilli shqyrtoi Draft-Raportin Vjetor të INSTAT 2024, si dhe raportin 4-mujor mbi ecurinë e zbatimit të PSZ, për periudhën Shtator-Dhjetor 2024.
- Gjatë katërmujorit të dytë të vitit, Këshilli zhvilloi një mbledhje më datë 13.06.2025, në të cilën u shqyrtua raporti i monitorimit të PSZ për periudhën Janar–Prill 2025.
- Në katërmujorin e tretë të vitit, Këshilli i Statistikave zhvilloi dy mbledhje, përkatësisht më datë 20.11.2025 dhe 29.12.2025. Në mbledhjen e datës 20.11.2025, u prezantua për Këshillin Projektplanin Vjetor 2026 për zbatimin e Programit të Statistikave Zyrtare 2022–2026, si dhe u paraqit ecuria e zbatimit të PSZ për periudhën Maj–Gusht 2025. Gjithashtu, u dha informacion mbi procesin e “Peer Review 2026” dhe fazat përgatitore të tij.
- Në mbledhjen e datës 29.12.2025, Këshilli u informua mbi ecurinë e procesit të “Peer Review 2026” dhe mbi arritjet kryesore të INSTAT gjatë vitit 2025.

### X.3 Veprimtaria e Komisionit Kombëtar të Nomenklaturave

Komisioni Kombëtar për Nomenklaturat (KKN) drejton aktivitetet për përshtatjen dhe zbatimin e klasifikimeve zyrtare ekonomike dhe sociale, në përputhje me nomenklaturat evropiane dhe ndërkombëtare. Komisioni e ushtron aktivitetin e tij në përputhje me nenin 24 të ligjit nr. 17/2018 “Për statistikat zyrtare” dhe aktet nënligjore që rregullojnë ngritjen, funksionimin, detyrat dhe masën e shpërblimit të anëtarëve të këtij komisioni. Ai përbëhet nga 19 anëtarë, të cilët përfaqësojnë përdoruesit kryesorë të nomenklaturave.

Për vitin 2025, KKN ka zhvilluar tre mbledhje si më poshtë:

- Në datën 04.07.2025, u zhvillua mbledhja e parë. Diskutimet u fokusuan në çështje si: Puna e kryer nga INSTAT në kuadër të Klasifikimit të Konsumit Individual sipas Qëllimit, COICOP - 2018; Diskutim mbi komentet e dërguara nga institucionet në lidhje me Nomenklaturën e Veprimtarive Ekonomike të rishikuar, NVE Rev 2.1; Prezantim informues mbi Klasifikimin e Produkteve sipas Aktivitetit Ekonomik, CPA 2.2.
- Në datën 13.10.2025, u zhvillua mbledhja e dytë e vitit 2025. Diskutimet u fokusuan në çështje si: Miratimi i Nomenklaturës së Veprimtarive Ekonomike të rishikuar, NVE Rev 2.1 me Vendim të Këshillit të Ministrave; Puna në vijim për zbatimin e NVE Rev 2.1; Komentet e dërguara nga Ministria e Arsimit dhe Sportit dhe Ministria e Shëndetësisë në lidhje me Klasifikimin e Konsumit Individual sipas Qëllimit, COICOP – 2018; Diskutim mbi Klasifikimin e Produkteve sipas Aktivitetit Ekonomik, CPA 2.2.
- Në datën 04.12.2025, u zhvillua mbledhja e fundit për vitin 2025. Diskutimet u fokusuan në çështje si: Kalendar i trajnimeve të Nomenklaturës së Veprimtarive Ekonomike të rishikuar, NVE Rev 2.1; Plani i aktiviteteve të Komisionit Kombëtar për Nomenklaturën për vitin 2026; Miratimi nga KKN i Klasifikimit të Konsumit Individual sipas Qëllimit, COICOP - 2018.

# XI. ZBATIMI I REKOMANDIMEVE TË REZOLUTËS SË KUVENDIT

Ecuria e zbatimit të rekomandimeve sipas Rezolutës së Kuvendit për veprimtarinë e INSTAT 2024, paraqitet në vijim.

**Rekomandimi nr. 1 Të vijojë puna për publikimet tematike “Post Census”, me analiza që u përgjigjen nevojave të politikave publike, planifikimit vendor dhe kërkimit shkencor, dhe të përditësohet platforma e Objektivave për Zhvillim të Qëndrueshëm.**

***Statusi: Në proces***

Në kuadër të këtij rekomandimi, INSTAT ka publikuar analiza me tematikën “Fëmijët dhe të Rinjtë në Shqipëri”, gjithashtu u punua intensivisht për përfundimin e dy analizave tematike “Romët dhe Egjiptianët në Shqipëri” dhe “Profil i personave me aftësi të kufizuara në Shqipëri”. Nga ana tjetër, INSTAT po përditëson platformën për Objektivat e Zhvillimit të Qëndrueshëm edhe me mbështetjen në kuadër të zbatimit të projektit statistikor IPA shumëpërfitues.

**Rekomandimi nr. 2. Të rrisë numrin e treguesve në platformën “Geodata Hub” dhe “Web GIS”, si dhe të zhvillohen materiale orientuese dhe tutoriale për përdorues joteknikë, veçanërisht për njësitë e statistikave vendore dhe planifikuesit urbanë.**

***Statusi: Realizuar***

Në zbatim të rekomandimit nr. 2 të rezolutës së Kuvendit, INSTAT parashikoi dy aktivitetet e mëposhtme:

- Video shpjeguese për përdorimin e Geodata Hub dhe WebGIS;
- Udhëzues për përdorimin e Dashbordit të Bashkive.

Këto aktivitete u realizuan në gjysmën e dytë të vitit 2025.

Video shpjeguese për përdorimin e Geodata Hub dhe WebGIS është realizuar në dy gjuhë, shqip dhe anglisht. Materiali ndodhet në platformën “Geodata Hub” (<https://geodatabus.instat.gov.al/>), në seksionin e WebGIS, ku shpjegohet përmbajtja dhe përdorimi i WebGIS ([https://instatgis.gov.al/resources/tutorial\\_al.mp4](https://instatgis.gov.al/resources/tutorial_al.mp4)).

Në seksionin e Statistikave Rajonale të “Geodata Hub”, është përgatitur dhe publikuar “Manuali për dashbordin e bashkive”. Manuali ofrohet në gjuhën shqipe, ndërsa Dashbordi i Bashkive ofrohet në dy gjuhë, shqip dhe anglisht dhe është ekskluzivisht i populluar me tregues në nivel bashkie. Treguesit janë të gjithë të njëjtë dhe të disponueshëm për 61 bashkitë, duke ofruar në këtë mënyrë mundësi krahasimi ndërmjet vetë njërive të vetëqeverisjes vendore, por dhe krahasimin e vlerave lokale me vlerat mesatare në rang vendi. Dashbordi ofron statistika të prodhuara nga burime të ndryshme si censet, vrojtimitet, regjistrat dhe burime administrative, ku bashkitë janë një nga ofruesit e të dhënave. Të dhënat përditësohen çdo vit, duke ruajtur vazhdimësinë dhe garantuar serinë kohore.

**Rekomandimi nr. 3. Të vijojë përgatitjet për realizimin e Censit të Ekonomive Bujqësore, ndjekur nga një strategji organizimi, kalendar të aktiviteteve dhe burime të përcaktuara financimi. Të bashkëpunohet me Ministrinë e Bujqësisë dhe Zhvillimit Rural, FAO, Eurostat dhe të ndërmerret një fushatë informuese për fermerët.**

***Statusi: Në proces***

INSTAT u angazhua në përditësimin e strategjisë për realizimin e Censit të Bujqësisë 2026. Gjatë vitit 2025 këto dokumente mbetën në proces përditësimi në përputhje me rregullat dhe standardet e kërkuara nga

BE-ja dhe nevojat kombëtare. Procese që janë realizuar në bashkëpunim me ekspertët e BE-së, përfshijnë zhvillimin e draft-Pyetësorit të Censit të Bujqësisë, në përputhje me rregulloret e BE-së (Rregullorja (BE) 2018/1091 dhe Rregullorja Zbatuese (BE) 2024/2914.

Aktivitetet, të cilat janë në proces të zhvillimit, përfshijnë:

- Përgatitjet metodologjike dhe organizative;
- Ndjekja e miratimit të ligjit për Censin e Bujqësisë;
- Ndërtimi i Kornizës së Regjistrimit të Bujqësisë dhe koordinimin me Ministrinë e Bujqësisë dhe Zhvillimit Rural;
- Mbrojtjen e buxhetit për realizimin e Censit dhe rishikimin e grupit të punës;
- Testimin e pyetësorit dhe zhvillimin e aplikacionit CAPI për intervista;
- Rritja e sigurisë dhe qëndrueshmërisë së sistemeve që do të përdoren gjatë operacionit të censit;
- Garantimi i kapaciteteve të nevojshme të serverave dhe bazave të të dhënave për ruajtjen dhe përpunimin e informacionit të mbledhur;
- Mbështetja e komunikimit dhe transmetimit të të dhënave në mënyrë të sigurt dhe të kontrolluar.
- Planifikimi për komunikimin dhe ndërgjegjësimin me palët e interesuara, duke përfshirë fermerët, shoqatat dhe autoritetet lokale.

INSTAT është angazhuar në përgatitjen e detajuar të këtyre aktiviteteve dhe do të vazhdojë me implementimin e plotë të Censit sipas afateve të përcaktuara dhe në përputhje me kërkesat ndërkombëtare dhe kombëtare. Gjithashtu, INSTAT-i është në fazën e përfundimit të Strategjisë së Komunikimit të Censit të Ekonomive Bujqësore dhe planit të aktiviteteve që lidhen me të.

**Rekomandimi nr. 4. Të vazhdojë të udhëheqë koordinimin teknik dhe institucional me Bankën e Shqipërisë dhe Ministrinë e Financave për përgatitjen e metadata-ve me standardet e FMN-së dhe përshtatjen e treguesve sipas SDDS.**

***Statusi: Në proces***

Në lidhje me këtë rekomandim, drejtoritë prodhuese të INSTAT po analizojnë treguesit statistikorë që INSTAT prodhon, të cilët përfshihen në tabelat e kërkuara në lidhje me periodicitetin e raportimit (mujojr/tremujor). Në vazhdimësi do të vijojë puna koordinuese me Ministrinë e Financave dhe Bankën e Shqipërisë.

**Rekomandimi nr. 5. Të vazhdojë punën për përmirësimin e llogarive sektoriale dhe financiare sipas standardeve të ESA 2010 dhe të sigurojë transmetimin në Eurostat.**

***Statusi: Në proces***

INSTAT, në zbatim të këtij rekomandimi ka vijuar në mënyrë të qëndrueshme procesin e vlerësimit të treguesve statistikorë, me fokus të veçantë përmirësimin e afateve të publikimit dhe rritjen e plotësisë së serive kohore. Ky proces përbën një angazhim të vazhdueshëm dhe zhvillohet paralelisht me zbatimin e planit të punës për përmbushjen e piketave mbyllëse të Kapitullit 18 "Statistikat", në kuadër të procesit të Integritetit Evropian, duke përfshirë jo vetëm përmirësimin e tabelave dhe treguesve statistikë, por edhe përafrimin e kuadrit ligjor dhe institucional me *acquis communautaire*.

**Rekomandimi nr. 6. Të përmirësojë statistikat mjedisore dhe të energjisë përmes zhvillimit të llogarive për emetimet në ajër, flukset fizike të energjisë dhe taksat mjedisore sipas sektorëve ekonomikë.**

***Statusi: Në proces***

INSTAT nëpërmjet INSTAT nëpërmjet projekteve statistikore IPA shumëpërfituese ka arritur të llogarisë statistikën mbi llogaritë e emetimeve në ajër, flukset fizike të energjisë dhe taksat mjedisore sipas sektorëve ekonomikë. INSTAT po vijon punën për përmirësimin e mëtejshëm të treguesve, të cilat transmetohen në

Eurostat që nga Dhjetori i vitit 2023. INSTAT parashikon publikimin e këtyre statistikave në fund të vitit 2027 dhe do të vazhdojë të përmirësojë këto të dhëna, duke shtuar numrin e treguesve statistikorë nëpërmjet bashkëpunimit të vazhdueshëm me institucionet furnizuese me të dhëna.

**Rekomandimi nr. 7. Të hartojë një kornizë strategjike për përdorimin e metodave moderne në prodhimin statistikor, me qëllim plotësimin e nevojave të përdoruesve në kohë dhe të detajuara.**

***Statusi: Në proces***

Në zbatim të rekomandimit për hartimin e një kornize strategjike për përdorimin e metodave moderne në prodhimin statistikor, INSTAT ka nisur dhe vijon procesin e modernizimit të praktikave të prodhimit statistikor, me fokus në rritjen e kapaciteteve digjitale, automatizimin e proceseve dhe përdorimin e zgjidhjeve inovative për të përmbushur në mënyrë më efikase dhe në kohë nevojat e përdoruesve për të dhëna të detajuara.

Në këtë kuadër, janë evidentuar si prioritete kryesore: digjitalizimi dhe modernizimi i sistemeve të mbledhjes së të dhënave (CAPI/CAWI/CATI), rritja e përdorimit të burimeve administrative dhe integrimi i tyre me sistemet statistikore, përdorimi i metodave dhe instrumenteve moderne për përpunim të automatizuar, kontroll cilësie dhe monitorim të vazhdueshëm të flukseve statistikore, si dhe forcimi i sistemeve të menaxhimit të të dhënave dhe metadatave, me qëllim që produktet statistikore të ofrohen në formate të aksesueshme dhe të përshtatshme për kategori të ndryshme përdoruesish.

Paralelisht, po punohet për përditësimin dhe zhvillimin e sistemeve të informacionit që mbështesin proceset statistikore, dokumentimin dhe standardizimin e proceseve sipas qasjes GSBPM, si dhe fuqizimin e kapaciteteve të stafit përmes trajnimeve dhe projekteve të specializuara (përfshirë rritjen e kapaciteteve në gjuhën R dhe mjete të tjera analitike). Gjithashtu, po ndërmerren masa për të garantuar sigurinë dhe qëndrueshmërinë e sistemeve digjitale, duke pasur parasysh rëndësinë e mbrojtjes së të dhënave dhe vijueshmërisë së shërbimeve.

Kjo qasje synon të sigurojë që INSTAT të ofrojë statistika më të shpejta, më të detajuara dhe më të përshtatura me nevojat e përdoruesve, duke garantuar njëkohësisht standardizim metodologjik, cilësi të lartë dhe integritet të të dhënave, në përputhje me praktikatat evropiane dhe ndërkombëtare.

**Rekomandimi nr. 8. Të mbajë aktive dhe të përditësojë rregullisht faqen e INSTAT-it në të gjitha kategoritë: statistika, publikime dhe dokumentim, si mjeti kryesor i aksesueshmërisë dhe komunikimit të INSTAT-it.**

***Statusi: I vazhdueshëm***

Në lidhje me këtë rekomandim, faqja zyrtare e INSTAT-it mbahet aktive dhe përditësohet në mënyrë të vazhdueshme në të gjitha kategoritë e saj kryesore, përfshirë statistikat, publikimet dhe dokumentimin shoqëruar. Përditësimi realizohet në përputhje me kalendarin zyrtar të publikimeve, si dhe me parimet e aksesueshmërisë, transparencës dhe komunikimit me përdoruesit. Faqja e internetit shërben si mjeti kryesor për shpërndarjen e informacionit statistikor zyrtar dhe për sigurimin e aksesit të barabartë të publikut ndaj të dhënave dhe publikimeve të INSTAT-it.

**Rekomandimi nr. 9. Të shpallë vakancat dhe të rekrutojë sa më shpejt stafin sipas sektorëve që paraqesin mangësi.**

***Statusi: I vazhdueshëm***

Në vijim të masave për zbatimin e këtij rekomandimi, INSTAT ka ndërmarrë një sërë veprimesh të orientuara drejt forcimit të menaxhimit të burimeve njerëzore, uljes së lëvizshmërisë së stafit dhe rritjes së motivimit profesional.

Për vitin 2025, është miratuar një shtesë prej 24 pozicionesh në strukturën organizative të institucionit, e cila përbën një hap të rëndësishëm në drejtim të përmirësimit të efikasitetit të punës, rritjes së cilësisë së prodhimit statistikor dhe uljes së ngarkesës individuale në disa njësi të strukturës. Ky zhvillim është shoqëruar me rishikimin dhe riorganizimin e strukturave dhe pozicioneve, me synimin për të optimizuar burimet dhe për të siguruar një shpërndarje më të drejtë të përgjegjësiave.

Në këtë kuadër, gjatë periudhës Shkurt – Dhjetor janë shpallur gjithsej 55 pozicione vakante për rekrutim. Nga këto, 32 pozicione janë plotësuar me staf, ndërsa 16 pozicione janë mbyllur pa fitues. 11 pozicione janë plotësuar përmes procedurës së ngritjes në detyrë, 2 pozicione përmes lëvizjes paralele, ndërsa 19 pozicione janë plotësuar përmes pranimit në shërbimin civil; 7 pozicione vakante janë ende në proces rekrutimi dhe pritet përfundimi i procedurave përkatëse.

INSTAT do të vijojë zbatimin e rekomandimeve në përputhje me legjislacionin për shërbimin civil, me qëllim plotësimin e vendeve vakante.

**Rekomandimi nr. 10. Të përmirësojë mbledhjen e statistikave për kërkimin dhe inovacionin duke forcuar bashkëpunimin ndërmjet universiteteve dhe sektorit privat, mbështetur në manualët metodologjike të Frascati-t dhe Oslo-s.**

***Statusi: Në proces***

Instituti i Statistikave, në kuadër të përmirësimit të vazhdueshëm të cilësisë dhe mbulueshmërisë së statistikave mbi kërkimin shkencor dhe inovacionin, ka ndërmarrë një sërë veprimesh konkrete të orientuara drejt forcimit të bashkëpunimit institucional dhe harmonizimit metodologjik me standardet ndërkombëtare.

INSTAT ka forcuar bashkëpunimin me institucionet e arsimit të lartë, institucionet shtetërore dhe ndërmarrjet private, me qëllim sigurimin e qasjes më të gjerë në burimet e të dhënave dhe rritjen e mbulueshmërisë së aktiviteteve të kërkimit dhe inovacionit në vend. Ky bashkëpunim synon të krijojë një rrjet të qëndrueshëm komunikimi dhe shkëmbimi informacioni, duke rritur besueshmërinë dhe saktësinë e të dhënave të mbledhura.

Për të garantuar që statistikave të prodhuara janë plotësisht të harmonizuara me standardet ndërkombëtare, INSTAT përditëson periodikisht pyetësorët e përdorur për mbledhjen e të dhënave, në përputhje të plotë me udhëzimet dhe konceptet metodologjike të përcaktuara në manualët Frascati (për kërkimin dhe zhvillimin eksperimental) dhe manualin Oslo (për matjen e inovacionit). Ky proces përditësimi siguron adaptimin e metodave më të fundit të matjes, rritjen e saktësisë së klasifikimeve dhe përfshirjen e treguesve të rinj të rëndësishëm për analizat statistikore.

Gjithashtu, INSTAT po zgjeron gamën e treguesve statistikorë të publikuar në faqen e tij zyrtare, duke ofruar të dhëna më të detajuara mbi aktivitetin kërkimor dhe inovativ të ndërmarrjeve dhe të institucioneve kërkimore në vend. Linku i publikimeve të statistikave për kërkimin shkencor dhe zhvillimin: [Kërkimi dhe zhvillimi](#).

Në kuadër të detyrimeve të rregullores evropiane, INSTAT realizon gjithashtu mbledhjen, përpunimin dhe transmetimin në Eurostat të statistikave mbi Fondet e Alokuar nga Buxheti i Shtetit për Kërkim dhe Zhvillim (GBARD), duke respektuar periodicitetin dhe afatet e përcaktuara. Raportimi i rregullt i këtyre të dhënave kontribuon në harmonizimin e statistikave kombëtare me ato të Bashkimit Europian dhe rrit cilësinë e vlerësimeve ndërkombëtare mbi investimet publike në kërkimin shkencor.

Përmes të gjithë këtyre iniciativave, INSTAT synon të ofrojë një pasqyrë sa më të plotë, gjithëpërfshirëse dhe të besueshme të aktivitetit kërkimor dhe inovacionit në ndërmarrje dhe në institucionet kërkimore në vend, duke mbështetur zhvillimin e politikave kombëtare të bazuara në statistika cilësore dhe të harmonizuara ndërkombëtarisht.

## XII. BURIMET FINANCIARE DHE NJERËZORE

### XII.1 Burimet Financiare

#### XII.1.1 Hartimi i projektbuxhetit afatmesëm 2026-2028

Gjatë vitit buxhetor 2025, struktura e Financës ka koordinuar punën me ekipin e menaxhimit të programit për vlerësimin e nevojave buxhetore në kuadër të programit buxhetor afatmesëm 2026-2028 në dy fazat e procesit: i) fazën strategjike; ii) fazën teknike. Gjatë fazës së parë merren vendimet më të rëndësishme në nivel strategjik dhe buxhetor dhe përkthehen në tavane të qëndrueshme e të pandryshueshme të shpenzimeve, duke u respektuar pastaj në fazën e dytë. Raportet e kërkesave buxhetore janë përgatitur sipas formateve standarde të përcaktuara në udhëzimin nr. 7, datë 28.02.2018 “Për procedurat standarde të përgatitjes së programit buxhetor afatmesëm” dhe udhëzimeve vjetore të përgatitjes së këtij programi. Për cilësinë e këtij procesi Ministria e Financave dhe Ekonomisë ka dërguar vlerësime pozitive me shkresën nr. 13919/12, datë 29.09.2025. Me vendimin nr. 7, datë 29.04.2025 dhe me vendimin nr. 13, datë 29.08.2025 të Grupit të Menaxhimit Strategjik (GMS), u miratua sipas fazave “Programi buxhetor afatmesëm 2026-2028”.

#### XII.1.2 Zbatimi i buxhetit të vitit 2025

INSTAT është institucion publik qendror, i pavarur. INSTAT i administron fondet nën programin “Veprimtaria Statistikore”. Burimet e financimit për kryerjen e aktiviteteve statistikore dhe aktiviteteve mbështetëse sigurohen kryesisht nga buxheti i shtetit. Gjithashtu, një rol të rëndësishëm luajnë edhe financimet e huaja nëpërmjet donatorëve apo granteve të akorduara prej tyre, si dhe të ardhurat dytësore apo fondet jashtë limitit, të cilat sigurohen nga veprimtaritë dytësore që kryen INSTAT. Për vitin 2025 plani buxhetor vjetor është akorduar me ligjin nr. 115/2024, “Për buxhetin e vitit 2025” dhe ka pësuar ndryshime gjatë vitit me kërkesë të INSTAT dhe me akte normative. Tabela e mëposhtme paraqet planin buxhetor në fillim të vitit 2025 dhe planin buxhetor në mbyllje të vitit 2025, ku prezantohen ndryshimet përkatëse:

Tabela 9. Plani buxhetor me ndryshimet gjatë vitit 2025

(mijë/lekë)

| Artikulli  | Emërtimi                        | Plani Vjetor Sipas Ligjit nr. 115/2024 | Plani Vjetor i Ndryshuar |
|------------|---------------------------------|----------------------------------------|--------------------------|
| <b>600</b> | Paga                            | 651,790                                | 606,495                  |
| <b>601</b> | Kontribute sigurime shoq-shënd. | 112,110                                | 97,803                   |
| <b>602</b> | Mallra dhe shërbime të tjera    | 141,030                                | 148,210                  |
| <b>604</b> | Transferime korente             | 1,570                                  | 1,570                    |
| <b>606</b> | Transferime buxhetesh familjare | 0                                      | 1,150                    |
|            | <b>SHUMA</b>                    | <b>906,500</b>                         | <b>855,228</b>           |
| <b>231</b> | Investime buxheti               | 15,600                                 | 41,100                   |
| <b>231</b> | Financim i huaj                 | 100,000                                | 100,000                  |
|            | <b>GJITHSEJ</b>                 | <b>1,022,100</b>                       | <b>996,328</b>           |

Gjatë vitit ushtrimor 2025, INSTAT-it i janë akorduar nga buxheti i shtetit 896.3 milion lekë, nga 774.4 milion lekë të akorduara në vitin 2024, ose 101.9 milion lekë më shumë.

Për periudhën Janar - Dhjetor 2025 janë shpenzuar nga fondet e buxhetit të shtetit 876.3 milion lekë, dhe **realizimi i shpenzimeve është 97.8%**. Në total, së bashku me donatorët, janë shpenzuar 986.9 milion lekë.

**Tabela 10. Planet buxhetore 2021-2025**

(mijë/lekë)

|            |                                  | Viti 2021      | Viti 2022      | Viti 2023        | Viti 2024      | Viti 2025      |
|------------|----------------------------------|----------------|----------------|------------------|----------------|----------------|
| <b>600</b> | Paga                             | 430,614        | 423,211        | 560,289          | 569,162        | 606,495        |
| <b>601</b> | Kontribute Sig. Shoq. dhe Shënd. | 72,012         | 71,388         | 92,720           | 95,102         | 97,803         |
| <b>602</b> | Mallra dhe shërbime të tjera     | 42,890         | 49,644         | 629,595          | 111,037        | 148,210        |
| <b>604</b> | Transferime korente              | 774            | 1,574          | 674              | 1,574          | 1,570          |
| <b>606</b> | Transferime buxhetesh familjare  | 1,100          | 12,884         | 1,274            | 6,035          | 1,150          |
|            | <b>SHUMA</b>                     | <b>547,390</b> | <b>558,700</b> | <b>1,284,552</b> | <b>782,910</b> | <b>855,228</b> |
| <b>231</b> | Investime                        | 17,300         | 14,500         | 296,500          | 93,000         | 41,100         |
| <b>231</b> | Financim i huaj                  | 232,000        | 172,000        | 270,000          | 110,000        | 100,000        |
|            | <b>GJITHSEJ</b>                  | <b>796,690</b> | <b>745,200</b> | <b>1,851,052</b> | <b>985,910</b> | <b>996,328</b> |

Tabela e mësipërme paraqet në mënyrë krahasuese planin vjetor buxhetor të INSTAT, duke reflektuar ndryshimet gjatë vitit përkatës. Rritja e planit buxhetor në vitin 2023 rezulton nga efekti financiar i shpenzimeve të parashikuara për realizimin e Censit të Popullsisë dhe Banesave.

Realizimi i planit buxhetor të INSTAT për vitin 2025 rezulton në masën 97.8%. Tabela më poshtë paraqet realizimin e planit buxhetor të INSTAT, sipas zërave buxhetorë kryesorë:

**Tabela 11: Zërat kryesorë buxhetorë dhe realizimi i tyre**

(mijë/lekë)

| VITI 2025  |                                 |                  |                  |                  |                |
|------------|---------------------------------|------------------|------------------|------------------|----------------|
| Art.       | Emërtimi                        | Plani vjetor     | Plan i Rishikuar | Realizimi vjetor | Realizimi në % |
| <b>600</b> | Paga                            | 651,790          | 606,495          | 597,836          | 98.6           |
| <b>601</b> | Kontribute sigurime shoq-shënd. | 112,110          | 97,803           | 97,368           | 99.6           |
| <b>602</b> | Mallra dhe shërbime të tjera    | 141,030          | 148,210          | 146,444          | 98.8           |
| <b>604</b> | Transferime korente             | 1,570            | 1,570            | 559              | 35.6           |
| <b>606</b> | Transferime buxhetesh familjare | 0                | 1,150            | 1148             | 98.8           |
|            | <b>SHUMA</b>                    | <b>906,500</b>   | <b>855,228</b>   | <b>843,354</b>   | <b>96.9</b>    |
| <b>231</b> | Investime buxheti               | 15,600           | 41,100           | 33,024           | 80.3           |
| <b>231</b> | Financim i huaj                 | <b>100,000</b>   | <b>100,000</b>   | <b>104,208</b>   | <b>104.2</b>   |
|            | Të ardhura jashtë limitit       | <b>0</b>         | <b>0</b>         | <b>6,401</b>     | <b>0</b>       |
|            | <b>GJITHSEJ</b>                 | <b>1,022,100</b> | <b>996,328</b>   | <b>986,986</b>   | <b>99,1</b>    |

### ► **“Pagat, Sigurimet Shoqërore dhe Shëndetësore” (artikulli 600-601)**

Për vitin 2025, fondi i pagave dhe sigurimeve shoqërore e shëndetësore, është realizuar në zbatim të numrit të punonjësve, miratuar me ligjin nr. 115/2024 "Për buxhetin e vitit 2025", i ndryshuar, në total 260 punonjës dhe punonjësit me kontratë të përkohshme pune në total 1,617 punonjës.

Fondi i akorduar nga buxheti i shtetit për vitin 2025, i ndryshuar, për zërin “Paga” (artikulli 600) është 606,495 mijë lekë, nga të cilat janë shpenzuar 597,836 mijë lekë, ose 98.6 % e planit vjetor 2025.

Fondi i akorduar nga buxheti i shtetit për vitin 2025, i ndryshuar, për zërin “Sigurime Shoqërore dhe Shëndetësore” (artikulli 601), është 97,803 mijë lekë, nga të cilat janë shpenzuar 97,367 mijë lekë, ose 99.6 % e planit vjetor 2025.

Në zërin “Paga, Sigurime Shoqërore dhe Shëndetësore” përfshihen pagat e punonjësve të strukturës të InsTitutit të Statistikave, si dhe pagat e punonjësve me kontratë të përkohshme pune, për organizimin dhe zhvillimin e anketave, mbështetur në përlogaritjen e numrit të punonjësve të domosdoshëm sipas pozicioneve, duke mbajtur parasysh kontributin e çdo pozicioni në secilën anketë.

Për vitin 2025 zëri “Paga, Sigurime Shoqërore dhe Shëndetësore”, është pakësuar me 50,522 mijë lekë, sipas shkresës së Ministrisë së Financave nr. 18,059 prot., datë 22.12.2025 “Mbi detajimin e ndryshimeve të buxhetit sipas Aktit Normativ nr. 11, datë 22.12.2025” drejtuar Institutit të Statistikave.

### ► **“Shpenzime për Mallra dhe Shërbime të Tjera” (artikulli 602)**

Fondi i akorduar nga buxheti i shtetit për vitin 2025 , i ndryshuar, për zërin “Shpenzime për mallra dhe shërbime të tjera” është 148,210 mijë lekë dhe janë shpenzuar 146,443 mijë lekë ose 98.8 % e planit vjetor.

Në zërin “Shpenzime për Mallra dhe Shërbime të Tjera” përfshihen pagat e anketuesve me kontratë shërbimi, shpenzime ndaj të tretëve, si dhe shpenzime për blerje dhe shërbime të ndryshme për institucionin.

Ndryshime në buxhet për zërin “Shpenzime për mallra dhe Shërbime të tjera” janë kryer sipas shkresës me nr. 269 prot. datë 30.01.2025 të Institutit të Statistikave “Mbi transferimin e fondeve buxhetore”, drejtuar Ministrisë së Financave, ku u pakësuan 500 mijë lekë nga artikulli 602 dhe u shtuan në artikullin 606 për kompensim të telefonisë celulare.

Për vitin 2025, zëri “Shpenzime për Mallra dhe Shërbime të Tjera”, është pakësuar me 1,400 mijë lekë, sipas shkresës së Ministrisë së Financave nr. 18,059 prot. datë 22.12.2025 “Mbi detajimin e ndryshimeve të buxhetit sipas Aktit Normativ nr. 11, datë 22.12.2025” drejtuar Institutit të Statistikave.

### ► **“Transferta korrente të brendshme” (artikulli 604)**

Fondi i akorduar nga buxheti i shtetit, për vitin 2025, për zërin “Transferta korrente të brendshme” është 1,570 mijë lekë, nga të cilat janë shpenzuar 559 mijë lekë, ose 35.6 % planit vjetor. Shpenzimet e kryera janë për mbledhje të zhvilluara nga Këshilli i Statistikës dhe mbledhje të zhvilluara nga Komisioni i Nomeklaturës.

### ► **“Transferta për buxhete familjare” (artikulli 606)**

Fondi i akorduar nga buxheti i shtetit për vitin 2025, për zërin “Transferta për buxhete familjare” është 1,150 mijë lekë, nga të cilat janë shpenzuar 1,148 mijë lekë, ose 99.8 % planit vjetor.

Fondet e shpenzuara për zërin “Transferta për buxhete familjare” janë kryer konkretisht për katër raste dalje në pension, dhjetë raste shpërbim për fatkeqësi dhe kompensime të telefonisë celulare.

Fondet e akorduara për zërin “Fondi i Veçantë” janë kryer në bazë të shkresës me nr. 2244/1 prot. datë 06.02.2025 të Ministrisë së Financave “Mbi miratimin i detajimit të planit për fondin e vecantë 2025”, drejtuar Institutit të Statistikave, ku u shtuan 650 mijë lekë dhe shkresës me nr. 269 prot. datë 30.01.2025 të Institutit të Statistikave “Mbi transferimin e fondeve buxhetore”, drejtuar Ministrisë së Financave ku u shtuan 500 mijë lekë me transferim fondi nga llogaria 602 te llogaria 606 për kompesim të telefonisë celulare.

### ► “Shpenzime për Investime” (artikulli 230-231)

Bazuar në ligjin me nr. 115/2024, “Për buxhetin e vitit 2025”, plani i buxhetit për “Shpenzime për Investime” nga buxheti i shtetit i ndryshuar është në shumën 41,100 mijë lekë.

Ndryshime në buxhet për zërin shpenzime për investime janë kryer sipas shkresës me nr. 9326/53 prot. datë 08.07.2025 të Ministrisë së Financave “Në zbatim të Aktit Normativ nr. 6, datë 11.06.2025” drejtuar Institutit të Statistikave, ku u shtuan 29,000,000 lekë për likuidimin e detyrimeve të kontratës me nr. 1430/30 prot. datë 20.12.2024 “Blerje pajisje kompjuterike servera dhe storage”, lidhur midis Institutit të Statistikave dhe Communication Progress Sh.P.K.

Gjithashtu ndryshime në buxhet për zërin shpenzime për investime janë kryer sipas shkresës nr. 18,059 prot. datë 22.12.2025 të Ministrisë së Financave, “Mbi detajimin e ndryshimeve të buxhetit sipas Aktit Normativ nr.11, datë 22.12.2025” drejtuar Institutit të Statistikave ku u pakësuan 3,500,000 lekë.

Planifikimi në buxhet për vitin 2025 për shpenzime për investime është bërë për blerje pajisje kompjuterike licenca, servera dhe storage si dhe për likuidim të TVSH-së, në bazë të marrëveshjeve të nënshkuara me donatorët.


**Realizimi i shpenzimeve me “Financim të Huaj” për vitin 2025 është 104,207,530 lekë.  
Shpenzimet nga të ardhurat jashtë limitit për vitin 2025 janë në vlerën 6,401,023 lekë.**

**Tabela 12: Realizimi i shpenzimeve për vitin 2025 me fondet e buxhetit të shtetit**

(mijë/lekë)

| VITI 2025 |                                 |                |                  |                  |                |
|-----------|---------------------------------|----------------|------------------|------------------|----------------|
| Art.      | Emërtimi                        | Plani vjetor   | Plan i Rishikuar | Realizimi vjetor | Realizimi në % |
| 600       | Paga                            | 651,790        | 606,495          | 597,836          | 98.6           |
| 601       | Kontribute sigurime shoq-shënd. | 112,110        | 97,803           | 97,368           | 99.6           |
| 602       | Mallra dhe shërbime të tjera    | 141,030        | 148,210          | 146,444          | 98.8           |
| 604       | Transferime korente             | 1,570          | 1,570            | 559              | 35.6           |
| 606       | Transferime buxhetesh familjare | 0              | 1,150            | 1148             | 98.8           |
|           | <b>SHUMA</b>                    | <b>906,500</b> | <b>855,228</b>   | <b>843,354</b>   | <b>96.9</b>    |
| 231       | Investime buxheti               | 15,600         | 41,100           | 33,024           | 80.3           |
|           | <b>GJITHSEJ</b>                 | <b>922,100</b> | <b>896,328</b>   | <b>876,378</b>   | <b>97.8</b>    |

Figura 22: Shpenzimet Janar-Dhjetor 2025 me fondet e buxhetit të shtetit



Siç shihet nga të dhënat e tabelës dhe figurës së mësipërme, plani i shpenzimeve të buxhetit në artikullin (paga dhe sigurime) zë rreth 79% të tij, në artikullin mallra dhe shërbime të tjera zë 17% të buxhetit dhe për artikullin shpenzime për investime zë 4%.

Tabela 13: Realizimi i shpenzimeve të INSTAT për vitet 2021-2025

(mijë/lekë)

|                                     | 2021           | 2022           | 2023             | 2024           | 2025           |
|-------------------------------------|----------------|----------------|------------------|----------------|----------------|
| <b>Paga + kontribut</b>             | <b>455,530</b> | <b>457,882</b> | <b>610,195</b>   | <b>624,235</b> | <b>671,644</b> |
| <b>Mallra dhe shërbime të tjera</b> | 37,092         | 59,827         | 599,390          | 91,874         | 118,213        |
| <b>Totali korente</b>               | 492,621        | 517,709        | 1,209,585        | 716,109        | 789,877        |
| <b>Investime</b>                    | 15,135         | 11,719         | 296,350          | 15,205         | 33,024         |
| <b>Totali buxheti</b>               | <b>507,756</b> | <b>529,427</b> | <b>1,505,935</b> | <b>731,314</b> | <b>822,901</b> |
| <b>Paga + kontribut</b>             | 35,269         | 32,046         | 37,649           | 30,649         | 23,539         |
| <b>Mallra dhe shërbime të tjera</b> | 11             | 53             | 55               | 12,447         | 29,937         |
| <b>Totali korente</b>               | 35,280         | 32,098         | 37,704           | 43,096         | 53,476         |
| <b>Investime</b>                    | 0              | 0              | 0                | 0              | 0              |
| <b>Totali të ardhurat</b>           | <b>35,280</b>  | <b>32,098</b>  | <b>37,704</b>    | <b>43,096</b>  | <b>53,476</b>  |
| <b>Paga + kontribut</b>             | 3,174          | 1,478          | 1,823            | 721            | 0              |
| <b>Mallra dhe shërbime të tjera</b> | 86,566         | 7,634          | 3,997            | 8,290          | 6,401          |
| <b>Totali korente</b>               | 89,741         | 9,112          | 5,819            | 9,011          | 6,401          |
| <b>Investime</b>                    | 0              | 0              | 0                | 0              | 0              |
| <b>Të ardhura jashtë limiti</b>     | <b>89,741</b>  | <b>9,112</b>   | <b>5,819</b>     | <b>9,011</b>   | <b>6,401</b>   |
| <b>Paga + kontribut</b>             | 7,094          | 0              | 0                | 0              | 0              |
| <b>Mallra dhe shërbime të tjera</b> | 97,608         | 170,143        | 317,002          | 188,316        | 188,316        |
| <b>Totali korente</b>               | 104,701        | 170,143        | 317,002          | 188,316        | 188,316        |


|                                     |                |                |                  |                |                |
|-------------------------------------|----------------|----------------|------------------|----------------|----------------|
| <b>Investime</b>                    | 6,452          | 0              | 0                | 0              | 0              |
| <b>Të ardhura donator</b>           | <b>111,153</b> | <b>170,143</b> | <b>317,002</b>   | <b>188,316</b> | <b>104,208</b> |
| <b>Paga + kontribut</b>             | 501,067        | 491,405        | 649,667          | 655,605        | 695,204        |
| <b>Mallra dhe shërbime të tjera</b> | 221,277        | 237,657        | 920,443          | 300,928        | 258,759        |
| <b>Totali korente</b>               | 722,344        | 729,062        | 1,570,110        | 956,533        | 953,963        |
| <b>Investime</b>                    | 21,587         | 11,719         | 296,350          | 15,205         | 33,024         |
| <b>GJITHSEJ</b>                     | <b>743,930</b> | <b>740,781</b> | <b>1,866,460</b> | <b>971,739</b> | <b>986,986</b> |

**Tabela 14: Realizimi i shpenzimeve me fondet e buxhetit të shtetit për vitet 2021-2025**

(mijë/lekë)

|                                     | <b>2021</b>    | <b>2022</b>    | <b>2023</b>      | <b>2024</b>    | <b>2025</b>    |
|-------------------------------------|----------------|----------------|------------------|----------------|----------------|
| <b>Paga dhe Sigurime</b>            | 490,799        | 489,928        | 647,844          | 654,884        | 695,204        |
| <b>Mallra dhe shërbime të tjera</b> | 37,103         | 59,880         | 599,445          | 104,321        | 148,150        |
| <b>Investime</b>                    | 15,135         | 11,719         | 296,350          | 15,205         | 33,024         |
| <b>Totali buxhetit</b>              | <b>543,037</b> | <b>561,526</b> | <b>1,543,639</b> | <b>774,410</b> | <b>876,378</b> |

**Figura 23: Realizimi i shpenzimeve me fondet e buxhetit të shtetit për vitet 2021-2025**



Siç paraqitet në grafik, peshën kryesore në strukturën e shpenzimeve ndër vite e zënë pagat dhe kontributet e stafit të INSTAT-it, përfshirë edhe pagesat e personelit me të kontraktuar me kohë të pjesshme.

Për vitin 2023, zëri "Mallra dhe shërbime të tjera" paraqet një rritje të ndjeshme, e cila lidhet kryesisht me kontraktimin anketuesve me kontratë shërbimi në kuadër të realizimit të CENS 2023.

**Tabela 15: Buxheti sipas programit “Veprimtaria Statistikore”***(mijë/lekë)*

| Shpenzimet                       | Plani          | Fakti          | Realizimi %  |
|----------------------------------|----------------|----------------|--------------|
| <b>Veprimtaria Statistikore</b>  | 896,328        | 876,378        | 97.7%        |
| <b>Të ardhura jashtë limitit</b> | 0.0            | 6,401          | 0.0%         |
| <b>GJITHSEJ</b>                  | <b>896,328</b> | <b>882,779</b> | <b>98.4%</b> |

Për programin e Veprimtarisë Statistikore për vitin 2025 janë shpenzuar nga fondet e buxhetit të shtetit 876.3 milion lekë, ose 97.7 % e vlerës së parashikuar në Planin Vjetor, nga të ardhurat jashtë limitit janë shpenzuar 6.4 milion lekë dhe në total janë shpenzuar 882.7 milion lekë.

### **XII.1.3 Monitorimi i buxhetit faktik dhe i treguesve të performancës**

Monitorimi i buxhetit të INSTAT, për periudhën Janar-Dhjetor 2025, përfaqëson procesin e vlerësimit të performancës së fondeve buxhetore, nëpërmjet krahasimit të treguesve faktikë të performancës me ato të planifikuar. Strukturat e INSTAT-it kanë kryer monitorimin e treguesve buxhetorë me qëllim ndjekjen në vijimësi të objektivave të synuar dhe të përcaktuar në Deklaratën e Politikës së Programit të INSTAT-it të përfshirë në Programin e Statistikave Zyrtare 2022-2026. Janë përgatitur raportet katërmujore të monitorimit, shoqëruar me parashikimin e realizimit të pritshëm deri në fund të vitit, duke dhënë mundësi për kthimin në buxhet të fondeve buxhetore të rezultuara mbi nevojat. Këto raporte janë dërguar në Ministrinë e Financave brenda afateve ligjore të përcaktuara.

### **XII.2 Burimet Njerëzore**

Menaxhimi i burimeve njerëzore është i orientuar në zhvillimin e aftësive të punonjësve, mbështetjen në punë, identifikimin dhe trajnimin e tyre, duke synuar përfshirjen e personelit dhe rritjen e angazhimit drejt zhvillimit të qëndrueshëm institucional dhe rritjes së vazhdueshme të performancës.

Në këtë kuadër, INSTAT ka ndërmarrë disa hapa dhe është në proces të vazhdueshëm të hartimit të politikave dhe strategjive që ndihmojnë në arritjen e objektivave institucionale dhe zhvillimin e aftësive të punonjësve.

Në funksion të matjes së kënaqësisë së punonjësve, INSTAT kryen anketën e kënaqësisë së punonjësve, si një strategji të vazhdueshme mbi analizën e faktorëve që ndikojnë në uljen apo rritjen e kënaqësisë së punonjësve dhe hartimin e planit të veprimit mbi rritjen e kënaqësisë së punonjësve.

Në zbatim të Strategjisë së Trajnimeve të INSTAT, Planit Vjetor dhe Kalendarit Vjetor të Trajnimeve, gjatë vitit 2025 janë realizuar trajnime të vazhdueshme si brenda, ashtu edhe jashtë vendit me qëllim ngritjen, përmirësimin dhe zhvillimin e vazhdueshëm të kapaciteteve profesionale.


Gjithashtu, INSTAT, në zbatim të Ligjit nr. 152/2013 “Për nëpunësin civil”, i ndryshuar, për pozicionet vakante, ka zhvilluar gjatë vitit 2025 procedurat e rekrutimit për shërbimin civil,

Në organikën e INSTAT, të miratuar nga Kuvendi i Shqipërisë me vendimin nr. 28/2025, datë 25.03.2025 “Për disa ndryshime në vendimin e Kuvendit nr. 127/2018 “Për miratimin e strukturës, organikës dhe kategorizimit të pozicioneve të punës të Institutit të Statistikave (INSTAT)”, numri i punonjësve të miratuar është 260

punonjës (211 punonjës në qendër dhe 49 punonjës në zyrat rajonale). Gjendja faktike në INSTAT në fund të vitit 2025 ishte 231 punonjës dhe 29 pozicione vakante, nga 260 pozicione të organikës, nga të cilët 220 punonjës në shërbimin civil dhe 11 punonjës administrativë.

Përsa i përket raportit gjinor të punonjësve të INSTAT, ashtu si dhe në vitet e mëparshme, në përbërjen e stafit të INSTAT kryeson gjinia femërore. Përqindja që zënë femrat në raport me numrin e përgjithshëm të punonjësve është 73%, kundrejt meshkujve që zënë 27% të numrit gjithsej të punonjësve.

**Figura 24: Numri i punonjësve në raportin femra/meshkuj, 2025:**



## Rekrutime

Rekrutimi i nëpunësve të Institutit të Statistikave kryhet në përputhje me rregullat dhe procedurat e përcaktuara në legjislacionin për nëpunësin civil.

Gjatë vitit 2025, njësia përgjegjëse në INSTAT ka zhvilluar 55 procedura rekrutimi për plotësimin e pozicioneve vakante në shërbimin civil. Njoftimet për këto procedura janë publikuar në faqen zyrtare të INSTAT-it, si dhe në faqen e Agjencia Kombëtare e Punësimit dhe Aftësive, në përputhje me kërkesat ligjore për transparencë dhe akses të barabartë për kandidatët.

Si rezultat i procedurave të rekrutimit të zhvilluara gjatë vitit 2025, janë emëruar në detyrë 35 punonjës në shërbimin civil, sipas ndarjes së mëposhtme:

### *Rekrutimet për kategorinë ekzekutive të shërbim civil (Specialistë)*

Kanë përfunduar procedurat e rekrutimeve për 23 punonjës, nga të cilët:

- 2 punonjës janë rekrutuar me procedurë të lëvizjes paralele;
- 18 punonjës janë rekrutuar me procedurën e pranimit në shërbimin civil;
- 3 pozicione janë plotësuar nga lista e pritjes;

*Rekrutime për kategorinë e nivelit të ulët drejtues (Përgjegjës Sektori)*

Kanë përfunduar procedurat e rekrutimit për 7 punonjës, nga të cilët:

- 1 punonjës është rekrutuar me procedurë të lëvizjes paralele;
- 6 punonjës janë rekrutuar me procedurë të ngritjes në detyrë.

*Rekrutime për nëpunës civil të nivelit të mesëm drejtues (Drejtor Drejtorie)*

Kanë përfunduar procedurat e rekrutimit për 5 punonjës, nga të cilët:

- 5 punonjës janë rekrutuar me procedurë të ngritjes në detyrë;

**Punonjës me kontratë afatgjatë dhe me kontratë afatshkurtër**

Gjatë vitit 2025 janë kontraktuar me kontrata pune dhe shërbimi punonjës për realizimin e aktiviteteve statistikore, sipas kategorive të mëposhtme:

- Teknikë të specialiteteve të ndryshme (kontrollorë) dhe operatorë, të kontraktuar gjatë vitit 2025 me kontratë pune: 122 punonjës;
- Anketues afatgjatë (me kontratë 1- vjeçare), të kontraktuar gjatë vitit 2025 me kontratë pune: 225 anketues;
- Punonjës me kontrata pune dhe shërbimi afatshkurtër, të angazhuar për realizimin e vrojtimeve të ndryshme statistikore: mesatarisht 1,027 punonjës.

**Trajnimet e stafit**

- Në zbatim të Programit shumëpërfitues të bashkëpunimit IPA 2022 gjatë vitit 2025 janë zhvilluar 10 trajnime afatgjatë, ku janë trajnuar 10 punonjës të INSTAT dhe gjithashtu janë zhvilluar 17 trajnime afatshkurtra, me 17 të trajnuar.
- Instituti i Statistikave, në zbatim të ligjit 17/2018 "Për Statistikat Zyrtare", si dhe të Planit Vjetor të Trajnimeve, ka zhvilluar 6 trajnime për punonjësit e INSTAT, ku janë trajnuar 213 punonjës.
- Me mbështetjen e Projektit SALSTAT (Mbështetje për Statistika të Forta Vendore Shqiptare) financuar nga Zyra e Bashkëpunimit Zvicerian për Zhvillim dhe Bashkëpunim (SDC) janë kryer 6 trajnime, në të cilat kanë marrë pjesë 278 punonjës nga INSTAT dhe Bashkitë.
- Shkolla Shqiptare e Administratës Publike gjatë vitit 2025 ka kryer një sërë trajnimesh me tema, të cilat përfshijnë kategori të ndryshme njohurish dedikuar nivelit ekzekutiv apo drejtues. I janë nështruar trajnimit të detyrueshëm për marrjen e statusit të nëpunësit civil 17 punonjës të INSTAT.

Në vijim të këtij dokumenti paraqiten:

Aneksi nr. 1 Memorandumet e Mirëkuptimit

Aneksi nr. 2 Informacion mbi Gjeoportalin

Aneksi nr. 3 Lista e Nomenklaturave në fuqi

## Aneksi nr. 1 Memorandumet e Mirëkuptimit

| Nr.                                                    | Memorandume Mirëkuptimi dhe Marrëveshje Bashkëpunimi       | Data e nënshkrimit                     |
|--------------------------------------------------------|------------------------------------------------------------|----------------------------------------|
| <b>Prodhues të statistikave zyrtare</b>                |                                                            |                                        |
| 1                                                      | Banka e Shqipërisë                                         | 09.09.2025                             |
| 2                                                      | Banka e Shqipërisë dhe Ministria e Financave dhe Ekonomisë | 03.10.2016                             |
| 3                                                      | Agjencia Kombëtare e Burimeve Natyrore                     | 09.02.2018                             |
| <b>Ofrues të të dhënave administrative / Përdorues</b> |                                                            |                                        |
| 4                                                      | Drejtoria e Përgjithshme e Doganave                        | 06.07.2005                             |
| 5                                                      | Ministria e Punëve të Brendshme                            | 11.11.2010                             |
| 6                                                      | Shërbimi Gjeologjik Shqiptar                               | 11.04.2017                             |
| 7                                                      | Ministria e Mbrojtjes                                      | 13.06.2017                             |
| 8                                                      | Shërbimi Social Shtetëror                                  | 06.06.2017                             |
| 9                                                      | Ministria e Kulturës                                       | 14.07.2017                             |
| 10                                                     | Agjencia e Zhvillimit të Territorit                        | 06.10.2017                             |
| 11                                                     | Agjencia Kombëtare Elektronike dhe Postare                 | 14.12.2017                             |
| 12                                                     | Fondi i Sigurimit të Detyrueshëm të Kujdesit Shëndetësor   | 20.12.2017                             |
| 13                                                     | Ministria e Shëndetësisë dhe Mbrojtjes Sociale             | 06.02.2018                             |
| 14                                                     | Dhoma e Tregtisë dhe Industrisë e Tiranës                  | 20.03.2018<br>10.05.2022               |
| 15                                                     | Agjencia Kombëtare e Punësimit dhe Aftësive                | 19.11.2018                             |
| 16                                                     | Instituti i Sigurimeve Shoqërore                           | 28.10.2019                             |
| 17                                                     | Prokuroria e Përgjithshme                                  | 30.10.2019                             |
| 18                                                     | Instituti i Shëndetit Publik                               | 30.10.2019                             |
| 19                                                     | Ministria e Arsimit                                        | 22.01.2020                             |
| 20                                                     | Qendra Kombëtare e Biznesit                                | 22.01.2020                             |
| 21                                                     | Drejtoria e e Përgjithshme e Policisë së Shtetit           | 24.02.2020                             |
| 22                                                     | Avokati i Popullit                                         | 03.09.2020                             |
| 23                                                     | Agjencia Kombëtare e Kërkimit Shkencor dhe Inovacionit     | 09.07.2020                             |
| 24                                                     | Drejtoria e Përgjithshme e Burgjeve                        | 31.08.2020                             |
| 25                                                     | Autoriteti i Mbikëqyrjes Financiare                        | 30.03.2021                             |
| 26                                                     | Ministria e Drejtësisë                                     | 11.11.2021                             |
| 27                                                     | Drejtoria e Përgjithshme e Gjendjes Civile                 | 20.07.2022<br>20.07.2022<br>27.07.2022 |
| 28                                                     | Ministria e Bujqësisë dhe Zhvillimit Rural                 | 03.05.2023                             |

|                                                |                                                                                           |                          |
|------------------------------------------------|-------------------------------------------------------------------------------------------|--------------------------|
| 29                                             | Këshilli i Investimeve                                                                    | 12.09.2023<br>12.09.2023 |
| 30                                             | Pushteti Vendor (54 bashki)                                                               | 22.05.2024               |
| 31                                             | Autoriteti Portual Durrës                                                                 | 13.06.2024               |
| 32                                             | Drejtoria e Përgjithshme e Tatimeve                                                       | 04.06.2024               |
| 33                                             | Agjencia Kombëtare e Rinisë                                                               | 24.06.2024               |
| 34                                             | Drejtoria e Përgjithshme e Shërbimit të Transportit Rrugor                                | 24.04.2025               |
| 35                                             | Autoriteti Kombëtar për Sigurinë Kibernetike                                              | 23.09.2025               |
| 36                                             | Shkolla Shqiptare e Administratës Publike                                                 | 24.09.2025               |
| <b>Bota akademike</b>                          |                                                                                           |                          |
| 37                                             | Universiteti i Tiranës-Fakulteti i Ekonomisë                                              | 02.05.2017               |
| 38                                             | Universiteti i Tiranës – Fakulteti i Ekonomisë                                            | 14.06.2018               |
| 39                                             | Universiteti Mesdhetar i Shqipërisë                                                       | 02.02.2022               |
| 40                                             | Fakulteti i Gjuhëve të Huaja                                                              | 12.09.2023               |
| 41                                             | Universiteti Politeknik i Tiranës                                                         | 16.02.2023               |
| 42                                             | Universiteti i Shkodrës “Luigj Gurakuqi”                                                  | 30.08.2023               |
| 43                                             | Universiteti Polis                                                                        | 28.09.2023               |
| 44                                             | Universiteti A. Moisiu – DPD – INSTAT - IT- DPPSH - AIE                                   | 11.12.2024               |
| <b>Partnerët dhe Organizatat Ndërkombëtare</b> |                                                                                           |                          |
| 45                                             | SALSTAT                                                                                   | 22.09.2022               |
| 46                                             | UN WOMEN                                                                                  | 24.05.2024               |
| 47                                             | UNICEF                                                                                    | 25.08.2025               |
| <b>Zyrat Kombëtare të Statistikave</b>         |                                                                                           |                          |
| 48                                             | Agjencia e Statistikave të Kosovës                                                        | 07.06.2021               |
| 49                                             | Enti Shtetëror i Statistikave të Republikës së Maqedonisë së Veriu                        | 12.12.2022               |
| 50                                             | SESRIC-Statistical Economic and Social Research and Training Center for Islamic Countries | 10.05.2023               |
| 51                                             | Instituti Kombëtar i Statistikave dhe Studimeve Ekonomike INSEE                           | 04.07.2024               |

## Aneksi nr. 2 Informacion mbi Gjeoportalin

### Çfarë është Geodata Hub?

Platforma gjeohapësinore e Institutit të Statistikave, “Geodata Hub” është një platformë e integruar që siguron qasje në të dhëna statistikore, dokumente, harta, shërbime web dhe materiale të tjera të përgatitura nga INSTAT-i. Kjo platformë ofron një mënyrë moderne, intuitive dhe vizuale për të eksploruar të dhënat statistikore të vendit. Ajo i mundëson përdoruesve, të të gjitha fushave, të vlerësojnë dimensionin hapësinor të statistikave, rrit transparencën, lehtëson interpretimin dhe ndihmon në marrjen e vendimeve të bazuara në shifra. Vizualizimi gjeohapësinor është një standard ndërkombëtar në sistemet moderne statistikore dhe Geodata Hub-i e pozicionon Shqipërinë në një linjë me praktikën më të mira ndërkombëtare në këtë fushë.



### Çfarë përmban Geodata Hub?

Platforma Geodata Hub e INSTAT-it përmban të dhëna statistikore të fushave të ndryshme të mbulimit të statistikave zyrtare, të dhëna gjeohapësinore në nivele të ndryshme disagregimi. Të gjitha të dhënat që ndodhen në këtë platformë janë pa pagesë dhe përdoruesit mund t'i shkarkojnë këto të dhëna dhe më pas t'i “manipulojnë” ato sipas kërkesave apo nevojave të tyre. Platforma nuk kufizohet vetëm në të dhëna statistikore apo gjeohapësinore. Ajo i ofron përdoruesve akses edhe në materiale të tjera me informacion statistikor, botime mbi censet e popullsisë, vjetarë statistikorë rajonalë, publikime për tema specifike, harta tematike me tregues zyrtarë, panele interaktivë (dashboards), StoryMaps që shpjegojnë statistikën përmes regjimeve vizuale, shtresa të niveleve të ndryshme gjeografike, etj.

Të dhënat në platformën Geodata Hub dhe WebGIS i referohen burimeve të ndryshme si censet, vërtetimet statistikore dhe të dhëna administrative. Aktualisht në platformë gjenden të dhëna për tregues nga Censet 2011 dhe 2023 në nivele të ndryshme gjeografike (njësi administrative, bashki, qark, rrjet qelizash 1km<sup>2</sup>). Po ashtu në këto platforma gjenden dhe tregues në nivel rajonal (bashki) me të dhëna administrative dhe/ose nga vërtetimet.

### Akresi në platforma

- Nëpërmjet faqes zyrtare të INSTAT-it në internet [www.instat.gov.al](http://www.instat.gov.al) në seksionin “Jeta në rajonin tuaj”;
- Direkt në linkun <https://geodatahub.instat.gov.al/>;
- Web GIS mund të aksesohet nga Geodata Hub ose në linkun direkt <https://instatgis.gov.al/>;
- Dashbordi i bashkive: <https://instat.maps.arcgis.com/apps/dashboards/ef7f7ae981e448a780bbf9e162f77d46>;
- StoryMap mbi statistikën e turizmit <https://storymaps.arcgis.com/stories/493fd7eefaa044749fc008294cb0e5bf>;



## Aneksi nr. 3 Lista e Nomenklaturave në fuqi

| Nr | Emri i nomenklaturës                                                                                                                                                          | Baza ligjore kombëtare                                                                                                                                                                                                     | Baza ligjore evropiane/ndërkombëtare                                                                                                                                                                   | Përmbajtja e bazës ligjore                                                                                                                                                                                                                                                                                                                 |
|----|-------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 1  | Nomenklatura e Veprimtarive Ekonomike Rev2                                                                                                                                    | Vendim i KM nr. 320, datë 28.5.2014 "Për miratimin e Nomenklaturës së Veprimtarive Ekonomike të Revizionuara (Rev.2)"                                                                                                      | Rregullore e Komisionit (EC) nr.1893/2006 e 20 Dhjetorit 2006 mbi Klasifikimin statistikor të aktiviteteve ekonomike NACE Revision 2                                                                   | <a href="#">Nomenklatura e Veprimtarive Ekonomike Rev2</a>                                                                                                                                                                                                                                                                                 |
| 2  | Nomenklatura e Mallrave dhe Tarifave                                                                                                                                          | 1. Ligj nr.102/2014 datë 31.7.2014 "Kodi Doganor i Republikës së Shqipërisë", i ndryshuar.<br><br>2.VKM nr. 651 datë 10.11.2017 "Për dispozitat zbatuese të ligjit nr. 102/2014, "Kodi Doganor i Republikës së Shqipërisë" | Rregullorja e Këshillit të Evropës, nr. 2658/87, të datës 23 korrik mbi nomenklaturën tarifore dhe statistikore dhe mbi tarifën e përbashkët doganore (Rregullorja bazë)                               | <a href="http://www.dogana.gov.al/dokument/1179/ligj-nr-102-2014-date-3172014-i-ndryshuar">http://www.dogana.gov.al/dokument/1179/ligj-nr-102-2014-date-3172014-i-ndryshuar</a><br><br><a href="http://www.dogana.gov.al/dokument/1497/dz-vkm-nr-651-date-10112017">http://www.dogana.gov.al/dokument/1497/dz-vkm-nr-651-date-10112017</a> |
| 3  | Nomenklatura e produkteve                                                                                                                                                     | Vendim i KM nr. 433 datë 17.6.1996 "Për miratimin e zbatimit të nomenklaturës së produkteve"                                                                                                                               | Rregullorja e Këshillit të Evropës nr. 1232/98 datë 17 Qershor 1998, ndryshuar nga Rregullorja e Këshillit të Evropës nr. 3696/93 mbi Klasifikimin statistikor të produkteve sipas Aktiviteteve (CPA). | <a href="http://www.instat.gov.al/media/1841/nomenklatura_e_produkteve_sipas_aktiviteteve.pdf">http://www.instat.gov.al/media/1841/nomenklatura_e_produkteve_sipas_aktiviteteve.pdf</a>                                                                                                                                                    |
| 4  | Nomenklatura e Konsumit Individual sipas Qëllimit (COICOP)                                                                                                                    | Vendim i Këshillit të Ministrave nr. 515, datë 20.9.2017 për "Miratimin e zbatimit të klasifikimit të produkteve të konsumit sipas qëllimit(COICOP)".                                                                      | Rregullorja e Këshillit të Evropës nr. 1749/1999, datë 23 Korrik 1999 "Mbi klasifikimin e konsumit individual sipas qëllimit".                                                                         | <a href="http://www.instat.gov.al/media/3959/02_nomenklatura_coicop_5digit_i_plotë_final_al.pdf">http://www.instat.gov.al/media/3959/02_nomenklatura_coicop_5digit_i_plotë_final_al.pdf</a>                                                                                                                                                |
| 5  | Klasifikimi i Standardeve Ndërkombëtar i Profesioneve (LKP) është një mjet për grupimin e vendeve të punës në grupe të përcaktuara qartë sipas detyrave të ndërmarra në punë. | Vendim i Këshillit të Ministrave nr. 514, datë 20.9.2017 Për miratimin e Listës Kombëtare të Profesioneve(LKP), të rishikuar                                                                                               | Rregullorja e Këshillit të Evropës nr. 1022/2009, datë 29 Tetor 2009 "Mbi Klasifikimin Standard Ndërkombëtar të Profesioneve".                                                                         | <a href="#">Klasifikimi i Standardeve Ndërkombëtar i Profesioneve (LKP)</a>                                                                                                                                                                                                                                                                |
| 6  | Klasifikimi i llojeve të Ndërtimit                                                                                                                                            | Vendim i Këshillit të Ministrave nr. 136, datë 20.3.2019 "Për Miratimin e Nomenklaturës së Klasifikimit të llojeve të Ndërtimit (KN)"                                                                                      |                                                                                                                                                                                                        | <a href="#">Klasifikimi i llojeve të Ndërtimit</a>                                                                                                                                                                                                                                                                                         |

|    |                                                                                                                                                                |                                                                                                                                                                                                                     |                                                                                                                                                                                                                                                                                                                                                                      |                                                                                                                                                                                                                                                                                       |
|----|----------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------|
| 7  | Klasifikimi Standard i Mallrave për Statistikat e Transportit                                                                                                  | Vendimi i KM nr. 137, datë 20.03.2019 "Për miratimin e Nomenklaturës së Statistikave të Transportit".                                                                                                               | Rregullorja e Komisionit Evropian nr. 1304/2007, datë 7 Nëntor 2007, amenduar me Direktivën e Këshillit nr. 95/64, Rregulloren e Këshillit nr. 1172/98, Rregulloret e KE nr. 91/2003 dhe nr. 1365/2006 të Parlamentit Evropian dhe Këshillit në lidhje me themelimin e NST 2007 si klasifikimin unik për mallrat e transportuara në mënyrat eaktuara të transportit. | <a href="#">Nomenklatura Standarde e Transporte</a>                                                                                                                                                                                                                                   |
| 8  | Klasifikimi statistikor ndërkombëtar i sëmundjeve dhe problemeve të lidhura me shëndetin                                                                       | Vendimi i KM nr. 135, datë 20.03.2019 "Për miratimin e Nomenklaturës Ndërkombëtare të Sëmundjeve ICD-10".                                                                                                           |                                                                                                                                                                                                                                                                                                                                                                      | <a href="#">Klasifikimi statistikor ndërkombëtar i sëmundjeve dhe problemeve të lidhura me shëndetin/Revizioni i 10-të/vëllimi I</a><br><br><a href="#">Klasifikimi statistikor ndër kombëtarë i sëmundjeve dhe problemeve të lidhura me shëndetin/Revizionimi i 10-të/vëllimi II</a> |
| 9  | Klasifikimi i Shteteve dhe Territoreve për Statistikat e Tregtisë së Jashtme të Mallrave dhe Ndarjen Gjeografike për Statistikat e Tjera të Biznesit. (GEONOM) | Vendimi i KM, nr. 541, datë 29.09.2021 "Për miratimin e Nomenklaturës së Shteteve dhe të Territoreve për Statistikat e Tregtisë së Jashtme të Mallrave dhe Ndarjen Gjeografike për Statistikat e Tjera të Biznesit" | Rregullore e Komisionit të Bashkimit Evropian 2020/1470, datë 12 Tetor 2020 mbi Nomenklaturën e Shteteve dhe Territoreve për Statistikat Evropiane për Tregtinë Ndërkombëtare të Mallrave dhe Ndarjen Gjeografike për Statistikat e Tjera të Biznesit.                                                                                                               | <a href="#">Klasifikimi i Shteteve dhe Territoreve për Statistikat e Tregtisë së Jashtme të Mallrave dhe Ndarjen Gjeografike për Statistikat e Tjera të Biznesit. (GEONOM)</a>                                                                                                        |
| 10 | Nomenklatura e produkteve sipas aktiviteteve                                                                                                                   | Baza ligjore kombëtare: Vendimi i Këshillit të Ministrave nr. 142, datë 11.3.2022 "Për miratimin e nomenklaturës së produkteve sipas aktiviteteve (NPA 2.1)"                                                        | Baza ligjore evropiane: Rregullorja e Komisionit Evropian (BE) nr. 1209/2014 e datës 29.10.2014 që ndryshon Rregulloren (KE) nr. 451/2008 të Parlamentit Evropian dhe Këshillit për vendosjen e një klasifikimi të ri statistikor të produkteve sipas aktivitetit (CPA) dhe duke shfuqizuar Rregulloren e Këshillit (EEC) nr. 3696/93                                | <a href="#">Nomenklatura e produkteve sipas aktiviteteve</a>                                                                                                                                                                                                                          |

|           |                                                                                              |                                                                                                                                                                                                                                                                                        |                                                                                                                                                                                                                                                                                                                                                                                       |
|-----------|----------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <b>11</b> | Klasifikimi Standard i Arsimit, KSNA 2011<br><br>Fushat e arsimit dhe trajnimit, KSNA-F 2013 | Baza ligjore kombëtare: Vendimin e Këshillit të Ministrave nr. 288, datë 11.5.2022 "Për miratimin e Klasifikimit Standard Ndërkombëtar të Arsimit KSNA 2011 (ISCED 2011), të fushave të Arsimit dhe të Trajnimit të KSNA 2013 (KSNA-F 2013) dhe të përshkrimeve të tyre të detajuara". | <u>Klasifikimi Standard i Arsimit, KSNA 2011</u><br><br><u>Fushat e arsimit dhe trajnimit, KSNA-F 2013</u>                                                                                                                                                                                                                                                                            |
| <b>12</b> | NOMENKLATURA E VEPRIMTARIVE EKONOMIKE TË REVIZIONUARA (REV. 2.1)                             | Baza ligjore kombëtare: Vendimi i Këshillit të Ministrave nr. 552, datë 1.10.2025 "PËR MIRATIMIN E NOMENKLATURËS SË VEPRIMTARIVE EKONOMIKE TË REVIZIONUARA (REV. 2.1)"                                                                                                                 | Baza ligjore evropiane: Rregullorja e Deleguar e Komisionit Evropian nr. 2023/137, datë 10.10.2022 "Mbi ndryshimin e Rregullores nr. 1893/2006 e Parlamentit Evropian dhe e Këshillit që themelon klasifikimin statistikor të aktiviteteve ekonomike NACE Revision 2".<br><br><a href="http://qbz.gov.al/eli/ven-dim/2025/10/01/552">http://qbz.gov.al/eli/ven-dim/2025/10/01/552</a> |
| <b>13</b> | KLASIFIKIMI I KONSUMIT INDIVIDUAL SIPAS QËLLIMIT (COICOP-2018)                               | Baza ligjore kombëtare: VENDIM NR. 18, DATË 04.12.2025 "PËR MIRATIMIN E KLASIFIKIMEVE TË KONSUMIT INDIVIDUAL SIPAS QËLLIMIT (COICOP)"                                                                                                                                                  | <u>Nomenklaturat e miratuara</u>                                                                                                                                                                                                                                                                                                                                                      |



# RAPORTI VJETOR I INSTAT 2025